





L. 802.

1876  
semper  
maire



# THEOLOGUMENA

AESCHYLI TRAGICI.

---

EXHIBUIT

RUDOLFUS HENRICUS KLAUSEN.

PHIL. DR.

---

BEROLINI

IMPENSIS GE. REIMERI.

1829.



THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

**THEOPH. ERNESTO KLAUSEN**

**P A T R I,**

**IA. CHR. RUD. ECKERMANNNO**

**A V O,**

**COMMUNI DIE NATALI**

**DIE SEXTO MENSIS SEPTEMBRIS**

**HUNC LIBRUM OFFERT**

**F I L I U S.**

*Παῖδες γὰρ ἀνδρὶ κληδόνες σωτήριοι.*

*Aesch. Ch. 505.*

Rei, quam diligimus, hominum optamus amorem, neque ullius magis, quam eorum, quos amamus. Versatur hic libellus in re aestimatione et amore dignissima, quo si carebit, id mea culpa continget: Vos, qui me amatis, culpam ignoscetis: Vestrum igitur amorem operi meo non defuturum esse scio.

Ne tamen amoris nimis confisus esse videar, ne, si quid peccatum est, id ab incuria repetatur, ne quis locorum, quos designavi, multitudinem vel temere vel affectationis causa conscriptam esse opinetur: operis instituti rationem, quam Vobis et omnibus, qui accurate locos inspicient, ipsum librum redditurum esse scio, publice profitebor. Id mihi agendum erat, ut ostenderem, quaequae dixerit Aeschylus in omnibus quae de eius scriptis supersunt, fluxisse ex una eademque ratione, qua res divinas et humanas contemplatus sit. Itaque neque ullus eorum quos citavi locus mihi omittendus erat, et ita loci omnes

ubique adornandi, ut appareat: easdem in omnibus tragoediis, quae licet diversissimae videantur, sententias pronuntiavisse poetam. Tum sicut omnia et breviter et perspicue et graviter dixit Aeschylus, ipse brevitati et perspicuitati omnem dedi operam earumque leges observavi, tum ubi Graeca verba retinui, tum ubi verti ea in Latina: dolens magis, quod interdum interiit orationis concinnitas, quam anxie hoc evitandum esse existimans.

Fretus igitur cura et diligentia, quam operi coepto dicavi, Vobis librum trado. Vos si divinae illae deorum, quos adoravit Aeschylus, imagines delectaverint, mihi continget voluptas ea ipsa non inferior, quam percepi, cum eas a maculis errorum et dubitationis, quibus obrutae erant ab interpretibus, liberarem. Utinam hoc et omni, quod suscepturus sum, opere Vos juvare mihi liceat ea voluptate, qua nullam magis diligitis, quam a nemine certius, quam a me, expectatis.

Aeschyli mores: theologumena: unde ea cognoscamus: unde ipse ea hauserit Aeschylus.

### *Caput primum. De natura deorum.*

1. Quid nomine dei significaverint Graeci.
2. Deorum natura et mores.
3. Divina rerum humanarum gubernatio.

### *Caput secundum. Dii singuli.*

#### I. Regnum Telluris.

4. Describuntur regna mundi. Tellus omnium genitrix.
5. Numina antiquissima: Nox, Parcae, Furiae. Coelus, Titans: Atlas, Typhon, Prometheus: Saturnus. Telluris filius nascitur Jupiter. Themis.
6. Rationem, quae inter Jovem et Saturnum intercedit, gubernant Parcae et Furiae.
7. Explicantur voces ἀνάγκη, πεπρωμένον, μόρσιμον, κῆρα, πότμος, μέλλον, νέμεσις.
8. Furiae.
9. Ἀλάστωρ, δαίμων.
10. Tellus mala cohibens, Tartarus; Orcus, Mors.
11. Heroes.
12. Tellus mortuorum regina, hominum mater, Phoebe.

#### II. Regnum coeleste.

13. Jupiter, Jovis imperium.
14. Jupiter, rex deorum.
15. Jupiter res humanas gubernans.
16. Juno.
17. Venus.

18. Ceres: mysteria.
19. Diana: Luna.
20. Mercurius.
21. Vulcanus.
22. Minerva.
23. Apollo: Sol.
24. Bacchus.
25. Mars, Justitia.
26. Pan, Fortuna, numina inferiora et peregrina.

### III. Regnum aquarum.

27. Neptunus.
28. Nymphae, Oceanus, fluvii, dii marini.

## *Caput tertium. Dii in fabulis agentes.*

### I. Prometheus.

29. Fabula de Prometheo.
30. Prometheus vinctus.
31. Prometheus solutus.
32. Prometheus ignifer.

### II. Orestea.

33. Trilogiae conspectus.
34. Agamemnon.
35. Choephoroe.
36. Eumenides.

### III. Fabulae reliquae.

37. Septem adversus Thebas.
  38. Supplices.
  39. Persae.
  40. Psychostasia.
-



# THEOLOGUMENA

AESCHYLI TRAGICI.

Διαφέρει δὲ θεὸς ἀνθρώπῳ ἀγαθῷ, ὅτι θεὸς μὲν οὐ μόνον ἐλλί-  
κρινῇ καὶ διυλισμέναν ἔχει τὰν ἀρετὰν ἀπὸ παντὸς τῷ θανάτῳ πάθεος,  
ἀλλὰ καὶ τὴν δύναμιν αὐτᾶς ἀτρυτον πέπεται καὶ ἀνυπεύθυνον, ὡς  
πρὸς αἰώνιων ἔργων σεμνότητά τε καὶ μεγαλοπρέπειαν. ἄνθρωπος  
δ' οὐ μόνον τῷ θανάτῳ τῆς φύσεως καταστιάματι μέλονα ταύταν  
πέπεται, ἔστι δ' ὅκκα καὶ δι' ἀγαθῶν ἀμετρίαν, καὶ διὰ συνήθειαν  
ἰσχυράν, καὶ διὰ φύσιν μοχθηράν, καὶ δι' ἄλλας αἰτίας πολλὰς,  
ἀδυνατεῖ κατ' ἄκρας γεγενᾶσθαι παναλαθέως ἀγαθός.

Archytæ fr. apud Stob. I, 73.

Aeschylus Euphorionis filius, vir Eleusinius, frater Cynegiri et Aminiae, natus, ut videtur, Ol. 63, 4, obiit annum agens septuagesimum Ol. 81, 1. Clarissimae, quas de barbaris victorias reportaverunt Graeci, in hanc aetatem incidunt, et ipse Aeschylus strenue neque vulnerum experiri pugnavit in proeliis ad Marathonem, Artemisium, Salaminem, Plataeas: fratre Cynegiro, Miltiadis in imperio collega, in fortissimo conatu, cum post pugnam Marathoniam classem Persarum aggredere, interfecto *a)*, fratre Aminia summam virtutis laudem in pugna Salaminia adeptus et propterea, ut videtur, in honorem jure gentilicio in pagis Pallena *b)* et Declea *c)* donatus. Generis erant nobilis, moresque et sensus, qui solent esse nobilium, ipse Aeschylus fovebat et professus est *d)*. Propterea in factionibus Atheniensium civilibus stabat a parte Aristidis, eiusque laudem extollit, non disertis verbis, sed innuens ratione satis perspicua, tum ubi stragem in Psytalea insula ab illo barbaris illatam celebrat (P. 441—471), quam pro summo malo habet, quo Persae profligati sunt (436), tum ubi

*a)* Herod. VI, 114.

*b)* Herod. VIII, 93.

*c)* Plut. Them. 14

*d)* Pr. 887—893.

in proelio Plataeensi, quo Aristides Athenienses duxit, acerbissimam agnoscit ultionem, qua Persas dii irati puniverint, P. 807—824; denique ubi justitiam erga hospites exercendam commendat, ne bellum excitetur, S. 701; significans, ut videtur, mutationem aequissimarum conditionum, quibus Aristides socios cum Athenis conjunxerat<sup>e</sup>). Eandem morum rationem videmus ubi Areopagi sanctitatem extollit, adversatus Ephialti, qui ejecturus sit ex urbe, quidquid per saluberrimum legis timorem injurias cohibeat (τὸ δεινὸν πᾶν πόλεως ἔξω βαλεῖν E. 691—706). Etenim compositus est Areopagus a Minerva ex electis civibus optimis (κρίνασα ἀστῶν τὰ βέλτατα E. 487.) pro quibus quin Eupatridas habuerit Aeschylus Eupatrida, vix dubitari potest. Ita etiam apud Aristophanem probat antiquos Atheniensium mores, cum nemo de plebe (πάροχος) magistratibus contradicere ausus sit (Ran. 1072.). Et ut hoc honore a patribus tradito gaudebat virtutemque a patribus repetitam magni faciebat, ita quaequae magna et honesta patribus debebantur, ipsos patres et proavos, genus heroum a diis ortum diligebat et venerabatur. Itaque etiam sermonem antiqui moris amplitudine ornabat, ore magno loquebatur (Ar. Ran. 1060), placebat sibi in exhibendis quaequae ingentia erant ac sublimia, ut ingenio suo, quod aetatem suam amplitudine superabat, satisfaceret. Tamen quia in nulla re vanus erat et imbecillus, sed omni ratione validissimus, tenui nullo aegrotabat antiquitatis de-

<sup>e</sup>) Quid enim, nisi tale quidquam eius animo observabatur, mentione belli declarare voluit, cum Argivis potius ab aequitate, qua Danaides exceperant, bellum expectandum esset cum Aegyptiis?

siderio; imo omni animo, omni amore fovebat quidquid magnum ab aequalibus perfectum invenit, summaque laetitia de victoriis clarissimis, quae non sine ipso erant reportatae, exultabat et moribundus etiam de robore, quod ad Marathonem ostenderit, gloriabatur. Etenim non ab omni vehementia libera erat generosa indoles eius, quem cum turbine comparat Aristophanes, qui, ut solent viri magni, indignabatur de victoriis musicis sibi ereptis, qui magno odio aspernabatur, si quid malum et iners judicabat, ut Euripidis tenuitatem apud Aristophanem; qui Martis et Bacchi ardore agitabatur, qui denique ebrius tragœdias fecisse perhibebatur. Modo ne hoc vere dictum opineris. Ipse enim eam solum probabat vitam, quae neque a domino premeretur, neque licentiae se committeret (τὸ μὴ ἄναρχον μὴτε δεσποτούμενον E. 696): ipse fervorem suum moderatione et vinculis coercebat, neque maior est in ipso ardore et vehementia, quam in sapientia, qua se ipsum cohibebat et continebat. Propterea generosam illam et ingentem sibi sinxit Promethei atrocitatem, in qua suae ipsius indulgebat vehementiae, sed sibi pariter ac Prometheo legem imposuit, omniaque jura libertatis humanae inferiora esse intelligebat jure et arbitrio divino.

Majora quam quae in proelio Marathonio cum Atheniensibus fecit Aeschylus, vix unquam gesta sunt in orbe terrarum. Et tamen horum omnium auctores agnoscit esse deos, humanas res esse tenues, esse infirmas. Vides, cur ad deorum mores, deorum facta exhibenda confugerit. Hos vitam vivere sibi cogitabat alacrem, integram, ab omni imbecillitate liberam: horum mores et virtutes ei satisfaciebant. Quisquis deus est, utitur jure certo, integra libertate solus gaudet Jupiter, Jovis est summum jus, summa

libertas : sed suum etiam jus est cuivis deo reliquo, quippe quod a Jove, qui omnia distribuit, ei sit concessum. Hoc jure quivis utitur, diversa quidem ratione, quia naturam habent diversam: itaque eorum jura sibi invicem adversantur, dii inter se contendunt. Apparent vero jura deorum in rebus humanis, deorum certaminibus fatigantur mortales: sicut pugnis dominorum servi serviunt, ut regibus in bello civium corporibus uti licet. Quidquid mortalibus dii concedunt, merae debetur divinae clementiae, jure homines adversus deos nullo utuntur. Propterea cui sana mens est, is diis sine ulla mora obtemperat, deos pie veneratur, divinis moribus mores suos accommodat, juste agit: quidquid enim dii agunt, justum est, et justitia mortalem, tantum non quasi deus esset, servat incolumem. Qui vero justitiam aspernatur, is diis obsequium detrectat, libere enim agere vult suoque arbitrio; sed suo arbitrio mortali non est vivendum, omnesque hos seditiosos homines dii perdunt. Ita Jupiter agit, ita dii omnes. Bene scio me pronuntiavisse, quod aliis parum placebit, aliis de Aeschylo minus recte dictum esse videbitur: legant vero quae in hoc opusculo tum protuli tum indicavi ipsius Aeschyli verba, quae hoc testantur. Neque aliter sentiunt Sophocles, Pindarus, Herodotus: et ab his pietatem et religiosum animum nemo abjudicat: itaque eorum sententias, quae cum Aeschyli opinionibus concinunt, sive, licet quodammodo discrepent, sunt tamen earum similes, suis locis libro addidi, ut omnia, quae ad Sophoclis et Pindari cogitationes de superis intelligendas sunt necessaria, habeas collecta. Nemo vero tantopere extollit, tam perspicue exhibet omnem deorum rationem, quam Aeschylus, nemo tantum studii dicabat intuendis et adumbrandis deorum formis, nemo tanto

amore versabatur in cogitationibus de jure et libertate deorum, nemo uniuscuiusque dei tam certam et constantem sibi conformabat imaginem: cum Sophocles, poeta summus et perfectissimus, potius omni studio incumberet in explicandos et exhibendos sensus et rationes hominum, Pindarus vero, vir divinus et pius sed Aeschylo et Sophocle inferior, distraheretur variis, in quibus agebat, sacris, festis, occasionibus. Itaque non dubito contendere, in poematis Aeschyli, hominis Atheniensis, liberi civis reipublicae omnium Graecarum longe generosissimae, summum reperi, quod polytheismus nancisci potest, dignitatis fastigium.

Verus enim est, qui in Aeschyli opinionibus apparet, polytheismus. Divinum quivis deus Olympius sortitus est honorem, licet pro natura singulorum hunc maiore, illum minore pietate veneretur poeta. Deorum vero multitudo sese ipsam perturbat et tollit, nisi stabile quidquam cogitatur, a quo omnes pendeant, cui omnem omnes debeant honorem. Hoc in fato, in extrema necessitate permulti reperiiebant Graeci, in quam, id quod me legere memini, divinum numen transiens sese conservabat in hominum opinionibus. Aeschylo autem summus omnium rex, dominus, auctor est Jupiter, et quidquid in rebus divinis atque humanis fatale est, e Jovis repetendum est voluntate, a Jovis pendet arbitrio. Hoc est magnum aliquod, quod nemo Graecorum tam clare perspexit, tam diserte professus est, omnia quaequae sunt, posita esse in libero summi numinis arbitrio, neque pro hoc summo numine habendam esse animum quandam, quam hi Parcam dicunt, illi Providentiam, alii Necessitatem, quae nihil sunt nisi ex inerte allegoria profecta, in qua neque vita inest, neque virtus; sed indutum esse summum illud numen forma humana,

esse Jovem patrem, regem, dominum, cui certi essent mores, certae virtutes: eaeque summae summarum omnium. Videbimus enim summas numinum omnium naturas conjunctas in natura Jovis: videbimus summum eius fratrum honorem in eo positum, videbimus divinam Apollinis sanctitatem, Minervae regiam sapientiam, Junonis severitatem, Vulcani comitatem, Bacchi violentiam, Martis robur, Veneris vim genitricem, Mercurii conciliatricem, Cereris et Dianae evocatricem, illius in segete, huius in animantibus, omnes non tribui solum a Jove, sed etiam in Jovis natura contineri.

Hae divino numine sunt dignissimae Aeschyli opiniones, neque ullus homo, qui eam libris sacris fidem non habet, quae iis debetur ab homine Christiano, quidquam poterit excogitare, quod divinius, quod verius dicendum sit, quam Aeschyli de Jove, de Minerva, de Apolline cogitationes. Sed unum fovebat Aeschylus errorem ingentem, communem Graecorum omnium, qui philosophorum perscrutationibus, quae poesin perturbabant et corrumpebant, non totos sese dederant. Ortum putabat Jovem patrem, fidem habebat fabulae antiquae, quae Saturnum a Jove eversum perhibebat. Quomodo cum cogitatione de Jovis justitia et cum sua ipsius pietate haec conciliaverit poeta, postea exponemus. Patet jam nunc, etiam hoc ei sufficisse, quod hoc certamine, hac Jovis victoria opus erat, ut ipsa vinceret justitia, quia justitia ipsa inest in Jovis natura, quia maiore Jupiter jure utitur, quam ipse Saturnus. Neque cur fidem detractaret huic opinioni, rationem habebat Aeschylus, quia, ut Graeci omnes, omnia apparere sibi persuaserat in rerum natura. Ibi omnia nascuntur, quidni natus esset etiam Jupiter? Matrem Jovis venerabatur Tellurem, matrem et nutricem omnium, et summa quidem pietate.



Erunt, qui dubitent, num omnino liceat haec e poeta tragico elicere, quippe qui non ipse loquatur, sed loquentes emittat personas. At quamcunque poeta tragicus procreat personam, sua ipsius quasi perfundit natura: in quavis inest aliquid veritatis. Itaque si alii in aliis fabulis homines idem profitentur neque similes eorum sunt mores: inde patet, quid ipse senserit poeta. Neque ita quidquam de rebus divinis dicitur apud Aeschylum, quasi in dubitationem possit vocari, sed profitentur id ut omnibus notum et de quo omnes consentiant. Potest quidem aliquid aliqua ratione verum esse et omnibus probatum, sed non omni ratione. Tum vero ipse alteram rationem addit Aeschylus, neque hoc neglexi. Praeterea eadem de justitia, eadem de virtute, eadem de vitiis in diversissimis fabulis sententiae proferuntur. Et licet e nonaginta, quas Aeschylum scripsisse ferunt, septem tantum tragoediae sint servatae, jure tamen gratia est habenda Forti Fortunae, quod tam egregium earum instituit delectum. Vide enim, quanto pere inter se differant argumenta: res Promethei, bellum Thebanum, bellum Persicum, res Danaidum, fata Pelopidarum, et haec in praestantissima trilogia exhibita. Adde fragmenta fabularum variarum, et concedes, ea, quae horum omnium sunt communia, et ea etiam, quae tam in haecum in illa leguntur eadem diversis modis pronuntiata, sufficere, ut ex iis ea possimus elicere, quae revera statuerit poeta. Minus auctoritatistribuendum est satyricis ludicris, quippe in quibus ipsa seria ludantur. Ex his vero perpauci exstant.

Non potuisse Aeschylum pie et religiose venerari deos Graecorum, nemo contendet, qui satis perspicit, quantum in iis insit divinitatis. Eum revera hoc fecisse, negari

non potest, modo probetur, decoram esse et honore dignam, qualem Aeschylus sibi finxerit, cuiusvis dei imaginem. Hoc probare conatus sum, ita exhibens singulas singulorum deorum naturas et rationes quibus conjunguntur, quales ipsi Aeschylo has obversatas esse existimo. Recordemini velim in omnibus cogitationum illarum, quas paucis philosophis exceptis, omnis fovebat Graecia, ipsos deos Graecos ultos esse Persarum superbiam et ignominiam ab iis sibi templisque illatam, quas cogitationes ex Herodoto cognoscimus, quas easdem profitetur Aeschylus. In magno enim discrimine agnoscit mortalis, licet impius, esse deos (P. 498): in magna clade deorum numen egisse intelligitur (Ag. 649): magnoque beneficio Graeci pariter ac Persae docebantur, a diis servari urbem Palladis (P. 347). Praeterea Aristophanes Aeschylum Cereris sacra venerantem opponit Euripidi, qui pro diis aetherem et linguae artes adorat. Num credibile est, Aristophanem, qui iratum impietati Euripidis exhibet Aeschylum (Ran. 1080), qui saepius Euripidem ludit ut qui nihil esse deos persuaserit hominibus (Thesm. 451), si eadem sensisset Aeschylus vel similia, hoc ne uno quidem verbo tetigisse? Quodsi inde petere vis argumentum, quod Eleusiniis plurimum tribuit Aeschylus, satis probasse Lobeckium *f)* respondebo, nullo modo posse statui, popularibus de diis opinionibus Eleusinia esse adversata, quippe quibus innumerabilis Atheniensium multitudo esset initiata, quibus initiari cuivis licuerit homini Graeco, quibus denique non esse initiatum, Athenis pro impietate habitum sit. At impietatis

---

*f)* De myster. Eleus. grad. I, p. 3. sqq. De spectac. myst. I, p. 20.

reus fiebat Aeschylus g). Scilicet nimia pietate et nimio studio in rebus mysticis versabatur, ut ibi etiam de diis diceret, ubi nefas erat: et quod hoc, quod nefas erat, commisit, id non ab impietate repetendum esse sed ab inscientia vel oblivione, tradit Aristoteles. Athenienses vero religiosissimi et superstitiosissimi Aeschylum iactis lapidibus erant necaturi: intercessit vero senatus Areopagi, poetam tuitus est, in jus vocavit, reum absolvit. Vides in his omnibus nihil esse, quod contra Aeschyli pietatem faciat, multa, quae eam tam probabilem reddunt, quantum requirere potest qui eam demonstrandam esse contendit: evincitur vero non his argumentis sed eo, quod ex ipsis verbis pietas resonat: argumento, cui qui fidem denegat, nescit, quomodo in poeta sit versandum.

Fontes, e quibus fabulas hauriret opinionesque de diis sibi fingeret, Aeschylus habebat tum sacra Attica tum poetas antiquiores. Cum sacris Atticis multa quae de diis gravissima profitetur, videbimus convenire, id quod non leve est pro eius pietate argumentum. In poetis varias de diis fabulas varie traditas neque concinentes invenit: itaque si fidem iis habebat, non poterat non perspicere, sensum quempiam subesse fabulis, qui nunc hac nunc illa forma posset declarari. Et hoc egregie perspexit: easque sibi fabulas elegit, quibus sensum optime indicari putabat, velut ubi Themidem pro Clymena Promethei matrem dicit. Alibi alteram servabat fabulam, sensum ex altera repetebat, velut ubi in theogonia exhibenda accurate sequitur

---

g) Quod Apsines rem ad Eumenides refert, id satis refellit Welcker. Tril. p. 110. not. 136.

Hesiodum, cogitationes vero alias ab Epimenide receptas et ab hoc in alia fabularum forma pronuntiatas Hesiodeis fabulis submittit. Neque ludicro in his rebus egit arbitrio, sed ea recepit, quae pietas et religio commendabat: ut ea, quam nos sacrae fidem habemus historiae, minime infringitur iis, in quibus discrepant evangelistae, sed eligimus quae nobis maxime decora videntur maximeque divina. Ac si multo magis inter se differunt fabulae Graecae, id inde repetendum scimus, quod Graeci fabulas sacras habebant, nos historiam: fides autem maiore vel minore discrepantia minor reddi non poterat in homine, qui toto animo in poesi versabatur ipsamque divinam existimabat poesin, ut Aeschylus. Haud dubie bene cognovit sacra Epimenidis et Orphicorum carmina, quae fortasse magni faciebat, quid vero in eam, qualem ipse sibi finxit deorum generationem, receperit, nescimus. Magis e rebus Orphicis ea spectavisse videtur, quae ad Apollinis sacra et lustrationes pertinebant (*τελετάς* Arist. Ran. 1032.). Ad idem redibit, quod a Pythagoreis recepit: reliqua, ut videtur, ad ethicam disciplinam, quam maxime a Pythagoreis excultam minime cognitam habemus. Ethicam ipsam Cicero respicit, ubi Pythagoreum dicit Aeschylum. Sed Cicero etiam famae totam rem debet vel incerto testimonio. Ipsi Pythagoreorum scholae Aeschylum non fuisse adscriptum satis patet. Reliquis philosophorum principibus, ut Heraclito, ut Eleatis, quos haud dubie cognovit, cum hospitalitate eum cum Siculis junctum fuisse saepiusque in Siciliam profectum esse constet, non poterat non adversari poeta, qui tantum dilexit Homerum, quantum poetae hic diligendus est. (Cf. Arist. Ran. 1034).

---

## CAPUT PRIMUM.

### *De natura deorum.*

---

#### 1.

Esse deum ipsa religione sibi innata edoctus, praesentem eum vigere in rerum natura homo intelligit, eundem vero ab eadem secernendum esse obliviscitur. Itaque ubicunque in rebus tum naturalibus tum humanis aliquid agere sentit, cuius vis robur humanum longe excedat, huic voluntatem innatam esse statuit, hoc pro numine veneratur. Manet vero, licet obscurius percepta, in eius animo conscientia, quod quidquid divinum est, repetendum est a deo. Unum igitur agnoscit deum patrem, Jovem patrem, cui reliqua numina sive filios addit sive ministros.

Quidquid voluntate sua agit, est numen. Magno aliquo numine gubernari homo intelligit coelum, terram, mare, solem, lunam: itaque haec ipsa habet pro numinibus, non quidem quamvis glebam guttamve, sed id, cui omnibus glebis, omnibus guttis innato sua sit voluntas. Atqui bene sentit, nihil apparere in rerum natura, cui libera sit voluntas, nisi hominem. Cuius in humana forma positae dignitatis simulac sibi conscius est, simulac non coeco impetu ferri sed libere vigere illa numina percipit, tum humana specie ea

induta cogitat <sup>1)</sup>, pro numinibus *deos* agnoscit. Mente sese ipsum omnibus praestare intelligit, mentem ipsam divinam esse sentit, summum deum esse summam mentem: numinibus igitur divinis non potest non assignare mentem. Cum vero sibi persuaserit, apparere quidquid sit in rerum natura, jam habes rationes, quibus deos sibiingat et conformet. In unoquoque deo innata est mens, formam habet humanam, apparet in natura. Itaque ei statuenda est species, quae conspici non possit oculis humanis, mente vero possit percipi <sup>2)</sup>, et ita ut eam in imaginibus, in simulacris exprimere liceat. Cum forma humana necessario etiam mores, honor, munus unicuique deo assignatur, et jam in animo gentis, qualis Graeca erat, quae quidquid sibi finxit pro vero habebat, magis magisque dii sese liberant a forma terrena, marina, solaria, atque, ut deum humanum decet, libere moventur, sentiunt, agunt et amant.

Qua ratione cum omnes illae tribus diversae, e quibus gens Graeca antiquitus erat composita, rerum naturam et deos contemplatae sint, coeperunt denique, cum sedes singularum migrationibus turbentur, invicem sibi tradere deos, quos statuerunt: et ita magnus ille deorum Olympio-

---

1) Similes esse deos mortalibus natura et mente diserte dicit Pindarus N. VI, 5. *προσφέρουέν τι ἔμπαν ἢ μέγαν νόον ἥτοι φύσιν ἀθανάτοις.*

2) Siquidem ipsam etiam speciem humanam a corpore discernit Pindarus, corpus deletum iri bene sciens, formam quam a diis repetit aeternam existimans: *σῶμα μὲν πάντων ἐπεται θανάτῳ περισθενεῖ, ζῶν δ' ἔτι λείπεται αἰῶνος εἰδῶλον. τὸ γὰρ ἔστι μόνον ἐκ θεῶν.* thren. fr. 2.



rum senatus convocatur. Duodecim venerantur in Olympo principes, quibus omnia in rebus humanis et in rerum natura munera gubernanda tribuunt. Sed in his non acquiescunt, quidquid vigere percipiunt, in eo deum agere agnoscunt, id ipsum pro deo habent. Itaque una cum diis, qui e solis, terrae, reliquorum veneratione orti sunt, ipse sol, terra, res naturales coluntur: duplex vero eorum ratio cogitatur, tum naturalis forma servatur, tum ubi in summa vivendi et vigendi vi agere putantur, induuntur specie humana. Ita etiam Iustitia, Lex, Virtus, quin etiam Noxa, Pernicies, Discordia, Exsecrationes, quin etiam mera Distributio nunc pro rebus, pro viribus habentur, nunc certa quadam specie, quae humana vel humanae similis est, induta pro numinibus, pro diis coluntur, veneratione eo maiore, quo latius uniuscuiusque ditionem pertinere homines existimant.

Haec numina omnia in templis variis descriptionibus ornata invenit Aeschylus, neque ipse venerationem iis abrogabat. Itaque etiam voce *θεοῦ* e communi Graecorum more omne numen significat, quod maiore, quam homines, praeditum est potentia: quod humana forma indutum intueri solet, licet non ubique de forma humana cogitet. Hoc maxime generali sensu posita est vox, ubi de Typhone (Th. 511), de Atlante (Pr. 425), de Bosphoro (P. 746) dicitur. Praeterea de ipsis iis hominibus usurpatur iisque heroibus, qui reliquorum potentiam et honorem longe excedunt, de rége Persarum <sup>3)</sup>, (P. 157, 644, 655. de Chirone Pr. 1027. <sup>4)</sup>).

3) καὶ γὰρ δύναμις ἐπὲρ ἀνθρώπων ἡ βασιλῆός ἐστι. Her. VIII, 140, 2.

4) De Niobe Soph. El. 150. Ant. 834, de Hercule ἥρως θεός Pind. Nem. III, 22.

Itaque per se patet, vocem poni etiam de numinibus illis, quae quidquid in vita hominum agit seseque exercet significant <sup>5)</sup>, Iustitiae, Promethei (Pr. 14, 29, 37, 92, 119); Furiarum, (E. 883; Ch. 475); genii Ultoris (S. 414); Discordiae (Th. 1051); omniumque numinum inferorum, e quibus eminent Orcus et Tellus mater, quod quidem universum deorum genus prorsus separatum est ab Olympiis (S. 161). Olympii vero proprie dicuntur dii novi <sup>6)</sup>, dii juniores, *νεοὶ οὐρανόμοιο Ὀλύμπου* Pr. 149, 439; E. 162, 882. cett. et ex his maxime eminent dii magni, qui Iovis fratres, uxores, liberi perhibentur, orti ii e rerum natura religiose contemplanda <sup>7)</sup> certisque formis, muneribus, honoribus (Pr. 7, 38; E. 471) ornati, quos patriis sacris cultos accepit poeta omnibusque numinibus, quae nihil sunt, nisi vis cuiuspiam notionis, longe potentiores, vividiores, fortiores cogitabat et exhibuit. Et plerumque quidem hi amore inter se conjunguntur seseque invicem adjuvant <sup>8)</sup>, (cf. Ch. 812; E. 89, 667; P. 740, 750, 347.) interdum vero, si jure suo et honore quisque utitur, neque haec jura sibi invicem re-

---

5) Temporis Soph. El. 179. Et in legibus, quas constituerunt Olympii, magnus Sophocli inest deus, qui nunquam senescat, O. T. 871. cf. Demosth. fals. leg. p. 417: *Φήμη δ' οὐτὶς πάμπαν ἀπόλλυται, ἦντινα πολλοὶ ἄνθρωποι φημιζῶσι, θεὸς νότις ἐστὶ καὶ αὐτῇ.* <sup>+</sup>

6) Sive, quod idem est, *Κρονίδαι* Pind. Ol. IX., 56. (*φέρτατοι*); Py. III, 94. (*Κρόνου παῖδες βασιλῆες*); V., 110. (*Κρ. μάκαρες*); Isthm VII, 46. (*Κρονίδαι ἐπὶ γλεφάρῳ νεῦσαν ἀθανάτοισιν*); *Ὀδρανίδαι* Py. IV, 194.

7) *οὐρανοῦ βασιλῆς πόντου τε* Pind. N. IV, 67.

8) Cf. Pind. Py. III, 11, 32. Pindarus omnino cogitationem de rebus deorum religiose aspernatur. Ol. IX, 40.



spondent, rixa oritur, quae sola Iovis componitur auctoritate, qui deorum etiam est dominus. Saepius vero, quam inter se ipsos, tali certamine discedunt Olympii cum diis inferis et vetustis, quos odio habent, velut Furias (E. 55, 70, 73, 109, 191, 197, 386, 411, 644, 722; Th. 720.), Typhonem (Th. 510, 524.), Prometheum (Pr. 29. celt.) quos eiusdem Iovis invicti auctoritate superant et ea tantum munera iis concedunt, quae ipsi aversantur, (E. 361). Saepe Olympiorum, quia concordēs esse solent si-bique amici, constituuntur societates (cf. Th. 220, 251, 450), quas recensebo sub Iovis nomine.

2.

Generalem horum deorum magnorum naturam hanc exhibet poeta. Sunt beati, vacant dolore per omne aevum <sup>9)</sup> Ag. 554, peculiare est iis bona uti fortuna <sup>10)</sup>, τὸ δ' εὐτυχεῖν τὸ δ' ἐν βροτοῖς θεός, Ch. 60; cf. P. 711: itaque μάκαρες appellantur Th. 97, 214, 1074; Pr. 169; Ag. 1336; S. 524, 582, 1019. Sunt omnium potentissimi παναλκείς, Th. 166; perficiunt etiam quae desperata sunt <sup>11)</sup>, Th. 226, cf. Ag. 970: eorum est potentia mutandi etiam mores indolemque hominum <sup>12)</sup>, S. 1016; mutare formam humanam Ag. 1147. Ideo ratum faciunt, quidquid polli-

9) Pind. fr. inc. 4. ἀνοσοί, πόγων τ' ἀπειροί. Gratiae iis perpetuo adsunt Pind. Ol. XIV, 8.

10) πέπρακται πᾶν τὸ τοῦ θεοῦ καλῶς Soph. fr. inc. 100: μηδὲν ἀμαρτεῖν ἐστὶ θεῶν καὶ πάντα κατορθοῦν ἐν βιοτῇ epigr. apud Demosth. de cor. p. 323.

11) Cf. Pind. Py. IV, 63. de sanato Batto balbutiente.

12) Pind Py. X, 49: θεῶν τελεσάντων οὐδὲν ποτε φαίνεται ἔμμεν

centur, Pr. 1032; P. 800; E. 899; Th. 618, 814. Propterea sunt sacrosancti <sup>13)</sup> et puri, ἄγνοί, σεμνοί Ag. 637; S. 655; cf. E. 40, 55, 270; unde linguis favere jubentur homines, Ag. 636, 1247; E. 287, 1035; S. 512, 694; fr. 264. Propitii sunt clementibus (Ag. 952), benevoli benevolis (P. 772; cf. Ag. 1147): et maxime quidem ii, quos maxime divinos cogitat Aeschylus, velut Apollo (E. 153, 172, 233: ubi quem communem deorum dicunt Furiae morem, is potius ad infera pertinet numina, e quorum numero sunt ipsae, quas aspernantur dii prisci et novi, E. 722.): omnino justissima est eorum indoles, ut justum sit quidquid faciant. Triplicem enim potissimum constituunt legem hominibus observandam, qua pietatem erga se ipsos, parentes et hospites exerceri jubent. Quarum legum qui ullam laedit, diis est invisus, qui parentem offendit (ἄθεος E. 159); qui consanguineum laedit (δύσθεος S. 422.); qui hospitem odit (ἐχθρόξενος θεῶν ἀμνήμων, Th. 606). Supplices ne ipsi quidem contemnere audent, E. 233. Praeterea qui matrimonii honorem detrectat, deorum majestatem polluit gentiliciorum, Ag. 1645; E. 46, 191; omnino, qui injusti aliquid committit, E. 541. Sibi ipsis poscunt honores et sacrificia (μήνος θεῶν γὰρ Θάνατος οὐ δώρων ἐστὶ Niob. fr. 147.), faventque iis, a quibus pie colantur, Th. 76, 107; S. 363, 450, 655, 704; Ag. 338: εἰ δ' εὐσεβοῦσι τοὺς θεοὺς οὐκ ἂν γ' ἐλόντες αὐθις αὐθάνοιεν ἂν: Ag. 354: θεοὺς προσειπεῖν εἰ παρασκευάζομαι.

---

ἀπίστον. Soph. Aj. 86. γένοιτο μέντοι πᾶν θεοῦ τεχνωμένον. 118, 455, 767; El. 696. Solon. fr. XXIX.

- 13) Tanta eorum est sanctitas, ut pollui omnino non possit ab hominibus. Soph. Ant. 1044.

χάρις γὰρ οὐκ ἄτιμος εἰργασται πόνων. Ch. 260; Pr. 529. modo ne a scelerato homine (δυσθέρ, Ch. 46, 525; S. 422.) dona offerantur, quos indignos judicant, a quibus ea accipiant Th. 702. Ulciscuntur enim quidquid sceleris committitur <sup>14)</sup>, nullasque injustorum hominum preces accipiunt, λιτῶν δ' ἀκούει μὲν οὐτις θεῶν, τὸν δ' ἐπίτροπον τῶνδε Φῶτ' ἄδικον καθαιρεῖ Ag. 396: falluntur illi impii, qui deos haec non curare opinantur, Ag. 369—378: οὐκ ἔφα τις θεοὺς βροτῶν ἀξιοῦσθαι μέλειν Ὅσοις ἀδίκτων χάρις πατοῖθ'· ὁ δ' οὐκ εὐσεβής. πέφανται δ' ἐν γόνοις ἀτολμήτων cett. Ag. 1578). Exaudiunt enim superi clamorem justitiae poenam sumturae Ag. 813; cf. S. 79; Th. 566, 626; Ag. 1279, 1284 (ὁμώμοται γὰρ ὄρκος ἐκ θεῶν μέγας Ἀξείν νιν ὑπείασμα κειμένου πατρός); omnes, quibus irascuntur, perdomantes poena communi, Th. 608; et in certam eos detrudentes perniciem <sup>15)</sup>: Χρόνῳ τοι κυρίῳ τ' ἐν ἡμέρᾳ Θεοὺς ἀτίζων τις βροτῶν δώσει δίκην S. 732; et ipsi ii, qui patiuntur injuriam, eo juvantur quod propter hanc injuriam dii illis irascuntur, a quibus laedebantur, S. 753; cf. P. 807; Th. 441, 444; Ag. 345. Atque haec est deorum adversus homines ira, κότος Ag. 635; μῆνις, Ag. 649; E. 101; Θεοστνγῆτιγ δ' ἄχει βροτῶν ἀτιμωθὲν οἴχεται γένος. σέβει γὰρ οὐτις τὸ δυσφιλὲς θεοῖς, Ch. 635; Ag. 1090; Ch. 1028; E. 361, 825; Th. 604, 653, 702: quae singulos pariter et genera <sup>16)</sup> poenis affligit, solet enim scelus

14) τοὺς δὲ σώφρονας θεοὶ φιλοῦσι καὶ στυγοῦσι τοὺς κακοὺς, Soph. Aj. 133; El. 1383; Ant. 1104.

15) χύλος οὐκ ἀλλθιος γίγνεται παίδων Διός. Pind. Py. III, 12.

16) Et hoc potissimum a divino numine repetendum videtur Herodoto, si poena, a parentibus remota, liberis infligitur. VII, 137. Justius agunt dii Aeschyli.

a patre transire ad liberos, Ag. 758. Haec etiam est deorum invidia (φθόνος)<sup>17)</sup> qua homines, qualis Capaneus, Th. 427; Parthenopaeus, Th. 529; Xerxes, P. 749, 831; Aegypti filii, S. 759, qui deos non verentur vanaque sese iis aequant opinione<sup>18)</sup>, ut sibi vires non deesse somnient, quibus deorum ope egere, quin etiam cum iis confingere possint, nunc vi deprimunt, nunc clandestino artificio in perniciem detrahunt: cum summa contra potentia ornent eos, qui mediam servant viam et rationem (παντὶ μέσῳ τὸ κράτος θεὸς ὥπασεν. E. 529.). Ita filios Aegypti, qui nefarias affectant nuptias, vita privant. (φθόνον σωμάτων ἔχει θεός Pr. 859.) ita Atridis propter impietatem, qua aras Trojanas eversuri sunt, irascitur Diana οἴκῳ ἐπίφθορος, Ag. 135: propterea veretur Agamemnon, si honoribus, qui deorum sunt, utatur<sup>19)</sup>, ne in eorum incurrat invidiam, 921, 947. Propterea Xerxi per Themistoelis calli-

17) ἡ ἐκ θεῶν νέμεσις, Soph. Ph. 517; θεῶν βία καὶ νέμεσις, οἷον ἐργ' ἀμύνουσιν κατὰ ib. 602.

18) Talis etiam Ajax Sophoclis: ἐγὼ δὲ καὶ δίχα θεῶν πέποιθα τοῦτ' ἐπισπάσειν κλέος, v. 768, cf. 590, 758. Herod. VII, 10, 5: φιλέει γὰρ ὁ θεὸς τὰ ὑπερέχοντα πάντα κολοῦειν --- φθονήσας --- οὐ γὰρ ἐξ φρονέειν ἄλλον ὁ θεὸς μέγα ἢ ἑαυτόν: — VII, 46. ὁ θεὸς γλυκὺν γεύσας τὸν αἰῶνα φθονέρος ἐν αὐτῷ εὐρίσκειται ἐών. Et VIII, 109 dicuntur dii et heroes invidisse uni viro, praesertim impio, commune de Asia et Europa imperium.

19) Cf. Pind. Py. X, 20; Isthm. VI, 39, 44: si quis longinqua circumspectat, imbecillior est, quam ut consequatur aere stratam deorum sedem: quandoquidem Pegasus excussit Belierophontem volentem in coeli stationes pervenire.

ditatem cladem praeparant, P. 362. Haec enim est fraus iusta, cui opem deus non derogat (*ἀπατῆς δικαίας οὐκ ἀποστατεῖ θεός*, fr. 278.), *δολόμεναις ἀπάτῃ θεοῦ*, quam nemo mortalium potest evitare, quae initio suaviter blanditur <sup>20)</sup> superbo, sed hac ipsa arte reti eum implicat; quod effugere nequit, P. 93—101. Cf. fr. 294: *θεὸς μὲν αἰτῶν φύει βροτοῖς*, *Ὅταν κακῶσαι δῶμα παμπήδην θέλῃ* <sup>21)</sup>. Ita mortali injiciunt insaniam qua se ipse perdit, Th. 653; eumque qui superba temeritate rem quampiam nimis festinat, incitant, ut quam celerrime exstinguatur, P. 742; Th. 689. Propterea saepius mortalibus, qui superbius sentiunt, vanam rei alicuius obtendant speciem, qua eos deludant et ad errorem committendum instigent. Ag. 273; 478. Eadem fraude, non quidem fraude mala, sed iusta bonaque, Apollo utitur adversus Furias et Parcas sibi invisas E. 728; 845.

Et propter hanc terribilissimam ultionis potentiam nemini tantum obsequii, tantum grati est faciendum quam diis <sup>22)</sup>: *ἵπαντας ἐχθρούς τῶν θεῶν ἡγοῦ πλέον*. Ch. 902; Cf. 637.

20) Cf. Herodoti narrationes de somniis quae Xerxem ad bellum cum Graecis faciendum suscitaverint, VII, 12. sqq.

21) Cf. Soph. O. C. 371: *νῦν ἐκ θεῶν τοῦ καὶ ἀλιτηρίου φρενὸς εἰσῆλθε τοῖν τρισηθλίον ἔρις κακῇ*.

22) *Εὐδαίμων εἶην καὶ θεοῖς φίλος ἀθανάτοισιν, Κύρην, ἀρετῆς δ' ἄλλης οὐδεμιῆς ἔραμαι*. Theogn. 653. Maximum huic cogitationi tribuit Sophocles: *εὐσεβεῖν τὰ πρὸς θεοὺς Ὡς τὰλλα πάντα δεύτερον ἡγεῖται πατὴρ Ζεὺς*. Phil. 1441; Ant. 1350; *οἷς γὰρ ἂν σείσθῃ θεῶθεν δόμος ἄτας Οὐδὲν ἑλλείπει*, ib. 584; *ἐπέρχοπον μηδὲν ποτ' εἴπῃς αὐτὸς εἰς θεοὺς ἔπος*, Aj. 127; *εἰσόμεσθα μὲν θεοῖς εἰκεῖν*, ib. 666. Cf. Pind. Ol. I, 35:

Propterea summa colendi sunt pietate, εὐσεβείᾳ, Ag. 338, 372; S. 396, 655, 705. (Eur. Troad. 95.) summaque venerandi religione: τὰ θεῶν μηδὲν ἀγάζειν S. 1062 23). Gaudent enim natura, quae humana longe est superior 24) βιαιώς σέλμα· σεμνὸν ἡμενοι, Ag. 183: ac si hac religione minus coerciti homines cum diis concurrunt, sese iis aequant, nedum eos decipere conantur, non evitant perniciem. Ita Cassandra sese ipsa perdit, similique ratione Athamas, Pentheus, Lycurgus, Niobe. Sed etiam ubi non sua sponte, sed inviti incidunt in hoc cum diis commercium, magnis plerumque fatigantur malis et doloribus, quia fragilis eorum indoles cum divina male conciliatur. Hoc Semelae accidit, hoc Ioni, Inachi filiae. Nec singuli solum sed totae etiam gentes talia perpetiuntur, ubi dii aliquid, quod cupiunt, ratum sunt facturi. Διὸς ἡμερος οὐκ εὐθιήρατος ἐτύχθη, πάντα τοι φλεγέθει καὶ σκότιη μελαίνα ξὺν τύχῃ μερόπεςσι λαοῖς. Scilicet irritum manere nequit, clandestina et obscura via procedit in lucem, et quidquid

---

ἔστι δ' ἀνδρὶ φάμεν ξοικὸς ἀμφὶ δαιμόνων καλὰ, μείων γὰρ κίττα. Cf. ib. v. 52.

23) οὐδ' ἀγατομαι θεῶν ἔργα Archil. fr. 2, fr. 32. Pind. paean. fr. 10: οὐκ ἔσθ' ὅπως τὰ θεῶν βουλευμάτων, ἐρευνάσει βροτῆς φρενί: — Py. II, 88: χρόη δὲ πρὸς θεὸν οὐκ ἐρίζειν, qui nunc hos nunc illos adjuvet. — Soph. fr. inc. 6: οὐ γὰρ ἂν τὰ θεῖα κρυπτόντων θεῶν μάθοις ἂν, οὐδ' εἰ πάντ' ἐπεξέλθοις σκοπῶν. — Jophont. Penthei fr. ὥς μᾶλλον ὅστις εἰδέναι τὰ τῶν θεῶν ζητεῖ, τοσοῦτον μᾶλλον ἥσσον εἴσεται.

24) οὐ γὰρ ὅτις ξὺν πλὴν θεοῦς ἄνευ κακῶν Soph. fr. inc. 27; μόνοις οὐ γίγνεται θεοῖσι γῆρας οὐδὲ μὴν θανεῖν ποτε. O. C. 608.



injusti ei adversatur, dejicit, exstingnit: ita sibi ipsi satisfacit, ἡμενον ἄνω φρόνημά πως αὐτόθεν ἐξέπραξεν ἔμπας ἐδράνων ἐφ' ἁγνῶν. S. 86—101. Neque in strage turbæ injstorum semper incolumis manet qui cum illis societatem niit homo probus, sed una perditur <sup>25)</sup>, πληγείς Θεοῦ μάστιγι παγκοίνῳ. Th. 601—608. Itaque ab hac superiore deorum natura, quam mortales perperam agnoscunt, Aeschylus perniciem illam repetit, quam plerique fato deberi contendunt. Et est reuera hoc sive fato sive natura constitutum <sup>26)</sup>, est μοιρίδιον, quod mortales, ubi ad deos evēhantur, deprimuntur in miseriam. Cf. Niob. fr. 144, ubi

25) Deorum enim jus, quo adversus homines utuntur, non lenius est, quam humanum erga animalia, dii tales de te existunt judices, οἷος εἰ σὺ μυρμήκων. Babr. fab. 2. in Mehlhorn. anthol. lyr.

26) Cf. Theogn. 687: οὐκ ἔστιν θνητοῖσι πρὸς ἀθανάτους μαχεσασθαι. Οὐδὲ δίκην εἰπεῖν· οὐδενὶ τοῦτο θέμις. Eadem est Pindari cogitatio: a fato sive a natura repetendum est ingens illud, quod inter deorum et hominum potentiam et beatitudinem intercedit, discrimen, quod superare nequeunt mortales, licet a communi matre originem derivent. Nem. VI, init: ἐν ἀνδρῶν, ἐν θεῶν γένος· ἐκ μιᾶς δὲ πνέομεν ματρὸς ἀμφοτέρων· διείργει δὲ πᾶσα κεκοιμένα δύναμις, ὥς τὸ μὲν οὐδέν, ὃ δὲ χάλκεος ἀσφαλὲς αἰὲν ἔδος μένει οὐρανός, quam sedem coelestem nemo mortalis nanciscitur, Py. X, 27; Isthm. VI, 44; IV, 14: μὴ μάτερε Ζεὺς γενέσθαι. Py. III, 59: χρὴ τὰ ἐοικότα πᾶρ δαιμόνων μαστεύμεν θνατοῖς φρασίν, γνόγτα τὸ πᾶρ ποδός, οἷας εἰμὲν αἷσας. Cf. Archytæ fr. apud Stob. I, 73: θεὸς τῇ δύναμιν ἀρετῆς ἐπιρριτοκ πέλαται καὶ ἀνυπεύθυνον.

Tantalus: *Θυμὸς δὲ ποτ' ἄμὸς οὐρανῷ κυρῶν ἄνω Ἐραῖε πίπτει καί με προσφρονεῖ τάδε· Γίγνωσκε τάνθρωπειά μὴ σέβειν ἄγαν.* Est hoc etiam fatale, ubicunque cum diis certent mortales, justitiam et omnem, quam justitia affert, potentiam esse penes deos. Manet vero magnum illud homini solatium: *ἀνάγκας ἄτερ δίκαιος ὧν οὐκ ἀνολβος ἔσται, παρῳλεθρος δ' οὐ ποτ' ἀν γένοιτο.* E. 550. Et ad beatum illos, qui fato divino aliquid perpetiuntur (neque tamen magna impietate diis invisi redduntur, finem perducere videmus: aequissima justitia tantum unicuique tribuitur poenae, quantum culpa commisit, tantum remunerationis, quantum doloris innocenti erat inflictum. Cf. fr. 301: *τῷ πονοῦντι δ' ἐκ θεῶν ὑφείλεται τέκνωμα τοῦ πόνου κλέος.* Ch. 958: *κρατεῖται πῶς τὸ θεῖον παρὰ τὸ μὴ Ὑπουργεῖν κακοῦς.* Th. 596: *δεινὸς ὃς θεοὺς σέβει.* Ex his omnibus patet, justitiam esse innatam in deorum natura neque injustum esse posse quidquid a diis agatur: propterea vero tutissimum securitatis pignus homini esse justitiam, quia quo justior est, eo similior est naturae divinae, quae labem non patitur. Singula in singulis diis singulisque fabulis probabimus.

Vidimus deos esse potentissimos, sanctos, justos, videbimus eos etiam sapientissimos. Sapientia vero divina poetae nulla non est notio, sed ubi sapientem deum cogitat, cogitat eum sapienter aliquid agentem. Sapientia in eo tantum cerni potest, quod aptissima utuntur ratione agendi, ne ullum, quod inierant, consilium irritum maneat. Hanc singulorum deorum omnium esse virtutem, sub eorum nominibus exponam. Ut vero aptum unicuique rei tempus eligat et assignet, est maxime calliditatis, itaque calliditas pertinet



ad sapientiam: neque has discernit Aeschylus 27). Victori-  
 am de Titanibus Olympii reportant αἰμύλαις μηχαναῖς,  
 Pr. 206; δέλω, 213, omnino vi rationis, consiliis Prome-  
 thei, 219. Jupiter optimus est σοφίστης, Pr. 62. Ita in  
 posterum etiam contra eos, quos odio habent, fraude utun-  
 tur justa, P. 93; E. 845; Ag. 273; fr. 278: eos vero, qui-  
 bus favent, e malis quibus premuntur, ἐκκλέπτουσι, Ag.  
 662; E. 153; liberant μηχαναῖς λυτηρίοις, S. 594, 1074;  
 Ag. 677 28). Cum hac sapientia concinit, quod omnium  
 conscii sunt 29), Ch. 201, 802: audiunt enim omnia licet  
 e longinquo, E. 297.

### 3.

Neque agitur quidquam nisi diis auctoribus, τί τῶνδ' οὐ θεό-  
 κρατὸν ἐστί Ag. 1488 30). Cui divinae gubernationi fidem si  
 quis derogat, religione movebitur si in magno versabitur dis-  
 crimine, P. 498. Vigent igitur dii in muneribus et negotiis ho-

27) Pindaro Sisyphus πυκνότατος παλάμαις ὡς θεός. Ol. XIII, 52. Propterea deus σοφοῖς αἰνικτὴρ θεσφάτων ἀεί Soph. fr. inc. 49.

28) Παλάμαις Pind. Py. I, 48; II, 40; Ol. XI, 21; XIII, 52; Nem. X, 65; Ζηνὸς τέχναις Ol. IX, 52; ἀριστοτέχνα πᾶτερ, paeon. fr. 6.

29) Pind. Ol. I, 64: εἰ δὲ θεὸν ἀνὴρ τις ἔλπειται τι λαθόμεν ἔρ-  
 δων, ἀμαρτάνει. — Soph. El. 659: τοὺς ἐκ Διὸς γὰρ εἰκός  
 ἐστί πάνθ' ὁρᾶν.

30) Οὐτι ἄτιερ θεῶν γίγνεται ἀνθρώποις Theogn. 172, 134, 142.  
 τὰ πάντα' ἀεὶ φάσκοιμ' ἐν ἀνθρώποισι μηχανᾶν θεούς,  
 Soph. Aj. 1036; Cf. 383. — παντὶ θεὸς αἰτίος, Pind. Py. V,  
 23; fr. inc. 2. — Praecipue rebus futuris prospiciunt Soph.  
 Ant. 1335. Theogn. 1048.

mini sive populo cuiquam describendis, P. 101, <sup>31)</sup> (Persis bella terra non mari gerenda assignant); in munere reliquis numinibus tribuendo, E. 392; in vitae conditione gubernanda <sup>32)</sup> Ch. 76, 212, 1006; P. 158, 905; in tribuenda hominibus felicitate et eventu prospero <sup>33)</sup>, θεοῦ δὲ δῶρόν ἐστιν εὐτυχεῖν βροτούς, Th. 625; P. 164; fr. 283; in efficiendo quae quis optat <sup>34)</sup>, Th. 549, 550, 562. Ch. 148; in servando homine, cui favent, Ag. 603, 663; in ornandis hominibus prudentia <sup>35)</sup>, τὸ μὴ κακῶς φρονεῖν θεοῦ μέγιστον δῶρον, Ag. 927, 183; in domo procuranda, Ag. 961; in cura parturientium gerenda, E. 661; in avertenda discordia domestica, S. 450; in immittenda pernicie in domum intimam Ag. 735; in urbibus tuendis <sup>36)</sup>, Th. 233,

31) Herod. VII, 8, 2. — 32) Pind. Py. III, 81, 40; I, 56, 61.

33) Pind. Ol. VIII, 14; XI, 21; Py. I, 48; IV, 69; VIII, 71; IX, 67; X, 10. Nem. VIII, 16; hyporch. fr. 5, Solon. V, 69, 74. Theogn. 556; 589. — Curam gerunt gentium et hominum Pind. Py. IV, 51, 260; V, 71; Ol. I, 106.

34) Pind. Ol. IV, 12; XIII, 104.

35) θεοὶ φθονοῦσιν ἀνθρώπων φρένας, Πάντων ὅσ' ἐστὶ χρημάτων ὑπέριστα Soph. Ant. 684; ἐκ θεοῦ ἀνὴρ σοφῆς ἀνθεὶ ἔσσει πρᾶπιδεσσιν, Pind. Ol. X, 10; Py. I, 41; Isthm. IV, 11; V, 11; III, 4; Ol. IX. 28. — Theogn. 1171.

36) Soph. Ant. 162. In hoste propulsando, Pind. Isthm. VII, 10. Herod. VII, 139. In toto bello Persico divinum Herodotus agnoscit numen, quod procellis et naufragiis Persarum classem infringit, ut quodammodo Graecos iis aequet, VIII, 13; quod Pausaniae victoriam tribuit Plataeensem, IX, 78; quod Graecos excitat ad liberandos Iones, IX, 91; eorumque, qui ad Mycalen pugnaturi sunt, animos divinae vocis emissae prodigio firmat, IX, 100. Cf. §. 18. fin.

86, 94, 169, 266, 1016; in republica administranda, Ag. 913; in urbibus evertendis, Ag. 821, 1289, 1336; E. 457; Th. 324; in certaminibus dirimendis, Ag. 1224; Ch. 462 Th. 4, 21, 23, 719; P. 373, 454, 514; in discrimine iudicando, Ch. 780, 782; Th. 35, 1047; P. 495. Praeterea tacite gubernant opiniones et actiones hominum, ipsorum, quid agant, nesciorum, Ag. 683. Quia omnium, quae aguntur, sunt auctores, quodammodo etiam verum est, quod dicunt mulieres Thebaeae: *νίκην γε μέντοι καὶ κακὴν τιμὰ θεός* Th. 716. At Aeschyli de hac sententia iudicium eloquitur Eteocles v. 717: *οὐκ ἄνδρ' ὀπλίτην τοῦτο χορὴ στέργειν ἔπος*. Eadem hac sententia principali, gubernari et perfici omnia diis auctoribus, defenditur quod Aeschylus de deo scelerum auctore, ubi domum aliquam delere velit, est professus fr. 294, a reprehensione Platonis, qui hunc locum servavit Rep. II, 380, A; quamquam ea ratione, qua ipse rem considerabat, recte iudicavit Plato. Aeschylus vero a diis omnia aguntur, modo ab hoc deo modo ab illo, et quae solo nomine dei vel deorum significavit, repetebat ab uno alterove, certum quendam auctorem statuere non ausus, sed *τὸν τυχόντα*, ignotum illum deum Epimenidis <sup>37)</sup>. Nulla in his opinionibus nascitur dubitatio de iustitia deorum.

Propterea diis homines possunt confidere <sup>38)</sup> et revera confidunt, tum ubi simulacra amplexi tutos sese reddere

37) Hoc enim sensu intelligenda est vox *θεός*; ubi ita posita est, ut ad certum aliquem deum non possit referri. Plerumque quidem ibi de Iove cogitatur.

38) *Καὶ μὲν θεῶν πιστὸν γένος*, Pind. Nem. X, 54; *τοῖς θεοῖς τιθεῖ τὰ πάντα* cett; Archil. fr. 33; Solon. V, 9; Theogn. 197.

conantur ab hostium aggressu, Th. 212; S. 725, 773; tam ubi omnem ab eorum arbitrio repetunt salutem summumque his offerant obsequium: τεθνᾶναι δ' οὐκ ἔτ' ἀντερῶ θεοῖς, Ag. 539; ἀνάγκη πημονὰς βροτοῦς φέρειν Θεῶν διδόντων<sup>39)</sup> P. 293; Eum. 496; Ch. 960; ἀνδρῶν γὰρ ἔστιν ἐνδίκων τε καὶ σοφῶν Ἐν τοῖς κακοῖσι μὴ τεθυμῶσθαι θεοῖς fr. 375.

Consentaneum est, quod a diis amantur ii, quorum mores similes sunt divinorum, iusti homines et pii. Favent regibus, ut Agamemnoni, quem in tempestate servant, Ag. 663, 1337; E. 626; Dario, P. 164; civitatibus, Athenis, E. 869; P. 347: et maxime quidem ii, qui in singulis civitatibus coluntur<sup>40)</sup>, singulorumque generum et populorum sunt gentilicii, quorum ita curam gerunt, ut per eorum victoriam ipsorum gloria augeatur, Th. 317. Vocantur hi θεοὶ πατρῷοι, ὑστυνόμοι, ἐγγχώριοι, πολιτισσοῦχοι, πολῖται, P. 404; Ag. 88, 810, 1645; Th. 14, 69, 253, 312, 4018; S. 704; γενέθλιοι, Th. 639; S. 77. Captas vero urbes relinquunt, fato, quod Jupiter constituit, coacti, hostibusque eas evertendas projiciunt, Th. 218, 304, quippe a quibus nullos amplius expectent honores<sup>41)</sup>:

39) νόσους ἀνάγκη τοὺς θεηλάτους φέρειν Soph. Phaedr. fr. 8; Terei fr. 11; πάντων ἄριστον μὴ βιάζεσθαι θεοὺς Στέργειν τε μοῖραν Thyest. fr. 3; cf. inc. fr. 1, fr. 76: χρὴ δ' ὅς' ἄν θεοὶ δίδωσι φεύγειν μὴδέιν. Ultima enim cuiusvis rei ratio Sophocli haec est: θεοῖς γὰρ ἦν οὕτω φίλον. O. C. 964. Cf. Solon. V, 64; Theogn. 446, 1034.

40) Sortitione enim terrae inter deos distribuuntur. Piud. OL VII, 55, 61.

41) In Sophoclis Xoanephoris dii ipsi simulacra sua ex arce Trojae humeris auferunt, cum urbem eversum iri praevideant.

**Eur. Troad. 26:** ἐρημία γὰρ πόλιν ὅταν λάβῃ κακὴ, Νοσεῖ  
τὰ τῶν θεῶν οὐδὲ τιμᾶσθαι θέλει. — Voces δαίμων et θεός  
**Aeschilo** in nulla re differunt, nisi quod δαίμων saepe pe-  
culiari sensu significat genium Ultorem, et omnino genium,  
qui fortunam hominis cuiuspiam moderatur, velut Ch. 513,  
Th. 812. Cf. § 9.

---

Ne **Herodotus** quidem dubitavit, quin **Minerva** cesserit ex  
arce Athenarum a Persis diruenda, VIII, 41: quamquam **Plu-**  
**tarchus** (Them. 10) innuit huic prodigio subfuisse artem **The-**  
**mistoclis**.

## CAPUT SECUNDUM.

### *Dii singuli.*

#### *I. Regnum Telluris.*

---

#### 4.

Tres patent oculis humanis mundi partes universi, coelum, terra, mare (E. 904; Ch. 585; Pr. 88, 1016<sup>+</sup>; Pind. Isthm. I, 48). Coelum pariter ac mare terram amplectitur, amat et fovet, id quod duplici ratione fieri videbatur veteribus, tum ea, ut omnia e terra nata essent, tum ut omnia eam gravidarent et semina ex ea progignerent, ἢ τὰ πάντα τίκτεται, Θρέψασά τ' αὖθις τῶνδε κῆμα λαμβάνει Ch. 128. Itaque pro ipsa illa alma omnium matre, quam naturam dicebant posterī, terram habebant antiquiores: e terra totius mundi omniumque deorum originem repetebant, sicut plantas omnes, quae quidem reliquorum omnium sunt nutrices, terra videbant edi. Plantae, aquae, ipsique homines, qui omnes terrae debent originem et nutrimenta, denique in terram revertuntur, terra occuluntur: itaque generale etiam mortis domicilium in media ipsa tellure putabant quaerendum. Qua cogitatione percepta jam tres illas mundi partes paulo aliter describunt, statuunt regnum coeli, regnum aqua-

ram, regnum terrae interioris: ipsa terrae superficies et quae ibi versantur, omnium sunt communia, per haec omnium regnorum ditio pertinet, nullis discreta finibus certis. Terra interior tenebris obscurata est aeternis, reliqua omnia sunt in aperto et luce collustrantur: itaque saepe regnum inferorum regno superiorum opponitur: qui vero tellurem et coelum invocatur, omnia adoratur numina, infera pariter ac supera. P. 499; Soph. O. C. 1654.

Quia in inferorum tenebris nihil conspici potest, id quod ipso nomine *Ἅιδου* declaratur, omnia eo pertinent tum quae non amplius, tum quae nusquam conspiciuntur, et primum quidem mortui homines, deinde vero etiam omnia quae inter homines nihil habent potentiae: itaque mala omnia hominibus non nocitura terra cohibentur et eadem terra, quae, quia omnium mater est, bona etiam omnia emittit. Propterea etiam numina omnia et ipsum Jovem partu edidit, eaque numina, quorum fracta est potentia, quae nihil amplius valent, in ipsa terra jacent inclusa. Videbimus igitur, quomodo e terra omnia numina prodeant, quomodo, dum nova prodeunt, antiquiora in subterraneam detrudantur custodiam. Videbimus in unoquoque deorum genere adesse et juvare Tellurem matrem, quae primo hoc ipso nomine significatur, *Χθών*, *Γαῖα*, deinde nomine Themidis, quippe quae omnium semina in semet ipsa habeat conjuncta, itaque omne jus divinum, itaque ut *πρωτόμαντις*, E. 2, omnia sciat et vaticinetur, quae diis eventura sunt et quae dii sunt constituturi. Eadem Tellus mater Jovis mater dicitur sub nomine Rheae, eadem postremo in Olympiorum numero procedit sub nomine Cereris. Quae tamen licet nunc pro pluribus unius formae nominibus habeantur ab Aeschylo, nunc quoniam



munera habent diversa, ipsae cogitantur diversae, itaque Themis, quae nunc est eadem quae Tellus, Pr. 210, 1091 nunc est Titanis Pr. 874, Telluris filia E. init. et Rhe pariter atque Ceres a Tellure secernuntur.

5.

Quidquid e terra nascitur, e tenebris prodit in lucem. Antiquum deorum genus, quod Tellus partu edidit, est tenebricosum, excipitur vero a genere Olympiorum claro et illustri. Simile est illud Hesiodi: *Νυκτὸς Αἰθήρ τε καὶ Ἥμερῃ ἐξέγενοντο*, Theog. 124. Noctem Hesiodus refert inter numina illa, quibus nullum est antiquius, idem haud dubie Aeschylus statuit. Noctis sorores sunt Parcae, E. 961, de quibus uberius dicendum est, ut pro variis aliis et incertis, quae de iis feruntur, opinionibus certa constuantur. Cum vero apud Aeschylum tum denum aliquid agendum habeant, ubi Jovis cum Saturno certamen exhibetur, ibi de iis erit disserendum. Eodem loco dicam de Furiis, Parcarum sociis, Noctis filiabus <sup>42)</sup>, quibus etiam sub Jovis et Orci imperio manent honores. Modo teneas, Furias pariter ac Parcas esse e numero antiquissimorum numinum.

Tellus Hesiodo progignit Coelum, Coelus, id quod ipse dicit Aeschylus, e Tellure progignit Titanes, Pr. 205; Pr. sol. fr. 179. Hoc Coeli et Telluris conjugium Aeschylus perpetuum est et aeternum, Danaid. fr. 36: unde satis patet, non virum et mulierem coeuntes eum sibi cogitasse, sed ipsum coelum ipsamque terram, quae tanquam nu-

42) Sophocli sunt filiae *Ἰγς καὶ Ῥοχάου Σκόρου* O. C. 40, 106.



mina percipiebantur <sup>43</sup>). Neque ipsi Titanes, quos nominat, quidquam sunt, nisi prodigia naturae, velut Oceanus, Atlas, (numen aliquod, quod coeli et terrae columnas sustineat, Pr. 348, 428.), Typhon (Pr. 354.), quem nihil esse nisi procellam demonstrat locus S. 560, et Prometheus, vis rationis, quae ipsa inter summa prodigia referenda est, quae progeniit natura. Titanes, quorum ordinem ducit Saturnus, Coeli imperium frangunt, ipsumque, quatenus numen est, e regia sede dejiciunt, Pr. 957. Titanum naturam satis designatam habemus Pr. 204: noluisse eos accipere bona et callida consilia et violento et atroci animo omnia disposuisse. Interea vero ortum est genus deorum novorum, liberorum Saturni, quorum princeps est Jupiter, qui tam rationis (Pr. 213, 219), quam naturae (Pr. 359.) viribus eximius omnes omnino, qui sibi resistere conantur, perdomat, ac sicut Hesiodo universum mundum suis incendit fulminibus, Theog. 690—700: ita idem Aeschylo ad novas leges, quas solus ipse jussit, omnia disponit, deos priscos hasta perdomat longe potentiore, patremque Saturnum cum Titanibus detrudit in Tartarum Pr. 220, E. 641.

Dubium non est, quin his certaminibus subesse cogitationem de magnis rerum naturae turbis et conversionibus, quarum in Graecia clariora, quam usquam, exstant vestigia, agnoverit Aeschylus. Jovis demum imperio firmato rationi cedit violentia, Jovem igitur primum habebat deum, qui revera divinus esset dicendus. Nam cum in rerum

---

43) Cf. Soph. Ant. 338; ubi homo dicitur fatigare aratro θεῶν τὰν ὑπερτάτων τῶν ἀγχιτοῦ.

natura, qua contemplanda sibi omnia reperire videbantur, quae mens requirit, quidquid bonum, pulchrum, perfectum est, natum viderent Graeci, minime ab omni aeo aeternum, cum mentem quotidie prodire et nasci animadverterent in infantibus, ubi licet eam innatam statuamus, testatur tamen serius sese esse, quam corpus: facilius ii sibi persuadebant, deum divinum neque viginisse neque exstitisse in primo rerum initio, sed tertium demum deorum et rerum dominum (*τριακτῆρα*, Ag. 171.) esse eum, quo nemo unquam potentior fuisset neque futurus esset. *οἱ θεολόγοι φασὶν προσελθούσης τῆς τῶν ὄντων φύσεως καὶ τὸ ἀγαθὸν καὶ τὸ καλὸν ἐμφαίνεσθαι. --- οἱ ποιηταὶ οἱ ἀρχαῖοι βασιλεύειν καὶ ἄρχειν φασὶν οὐ τοὺς πρώτους, οἷον Νύκτα καὶ Οὐρανὸν ἢ Χάος ἢ Ὠκεανὸν, ἀλλὰ τὸν Δία.* Aristot. Met. XIV, p. 301. Br. Atqui cum deus hic supremus semel dominatu potitus est, tum quaecunque ante eum magna fuerunt evanescent necesse est (Ag. 167.), ut nunc per eum omnia adornentur, in eius omnia sint arbitrio, ab eius voluntate omnia praedita sint omni, qualemcunque habent, potestate. Talem esse Jovem Aeschyli, postea probabimus, nunc id nobis demonstrandum est, hunc Jovem revera pro orto habuisse poetam, haud aeterno, haud ipsius telluris creatore. Cum in universae Graeciae sacris tum temporis Jupiter natus esse putaretur et Rheae filius Saturnius (Pind. Ol. II, 12) invocaretur, cum tot loci gloriarentur, quod ibi natus esset (quos reperies in indicibus in Pausaniam), cum denique a poetis omnibus uno ore haec cogitatio esset recepta: certis indiciis et disertis verbis a poeta significatum sit oportet, ut eum in hac re transisse statuamus in novorum illius aetatis sententiam philosophorum, quos poetis parum fuisse constat. At minime

talia dixit Aeschylus; dixit, quae contrarium demonstrant. Non solum in Prometheo, ubi alium quem Jovem, eumque parum divinum exhiberi opinantur nonnulli, invocatur Saturnius (Pr. 537; Pr. sol. fr. 479, 5.) et patrem ex imperio dejecisse perhibetur, sed etiam in Eumenidibus, ubi illud ne somnari quidem potest, v. 541. Deinde in Supplicibus, cuius fabulae ratio tum a Prometheo, tum ab Eumenidibus est diversa, invocatur *παῖς Πᾶς* <sup>44)</sup> v. 892. Tum in Agamemnone v. 167 eos debellavisse dicitur, qui ante eum fuerint validissimi, vincere praeterea tanquam *τοῖς ἀκτῆρ*, eos qui postea contra se rebellarent, ut omnium in omne aevum victor celebrandus sit Ag. 173; Th. 514, 517; S. 595. Titanum debellatorum mentio fit etiam S. 455. <sup>45)</sup>

Ipse Saturnus nihil est, nisi deorum rex pristinus, pater Jovis: hoc solo nudo fruitur honore: neque de eius laudibus quidquam praedicatur, sed est merus rex pristinus, *παλαιγενής*, Pr. 220; *πρεσβύτες*, E. 641; qui nihil amplius valet, nisi per ipsum illud vinculum, quo filius eum patre connectitur. Eius conjux Rhea semel tantum commemoratur, Pr. 837, sine ullo honore divino. Bene noverat Aeschylus, Rheam nihil esse, nisi Tellurem <sup>46)</sup>:

44) Cf. Soph. Ph. 392: *Πᾶ μᾶτερ αὐτοῦ Διός*. — 680: *παγκρατὴς Κρόνου παῖς*. cf. Tr. 499; Solon. fr. XXIV; fr. XXVIII, 2: *μήτηρ μεγίστη δαιμόνων Ὀλυμπίων*.

45) Ubi quod Tartarus pro Orco positus est, sine causa offendit Wellauerum, (cf. §. 10.), qui monstrum illud, quod excogitavit, *ῥιόκτυπον*, sole attonitum, esse vocem Aeschyli nemi nisi persuadebit.

46) Idem hoc percepisse Sophoclem, clarius etiam patet c Ph.

Itaque Jovem directo dicit filiam Telleris, cum omnino eatenus tantum peregrina numina veneretur, quatenus Graecas iis subesse cogitationes percipit. Qui vero Saturnium filium Telluris dicit Jovem, nihil intelligit, nisi deum supremum, a patre quopiam aliquando e Tellure progenitum. Et hic alter est summus Telluris honor, quod Jovis est mater. Itaque facilius etiam perspicitur, cur Tellus, quae Themis dicitur, cum Prometheo filio Jovem filium adjuverit. Quod idem legimus apud Hesiodum, ubi omnibus deorum imperii conversionibus Tellus mater praeest easque adornat et eventum praedicit. Aeschyli vero id est, quod hanc Themidem dixit, et egregie quidem, quia id ipsum, quod constituit, est jus divinum.

Jus divinum voce *θέμις* significatur, tum id quod dii hominibus religione servandum imponunt (Ch. 644; Ag. 98; 1431; S. 38, 335, 360, 436, cf. E. 414) 47) tum quod inter deos constitutum est, quo singula singulis munera descripta sunt, (E. 471); tum id quo erga homines utuntur (Ag. 217), quod quia oraculis pronuntiatur, pro ipso etiam oraculo vox usurpatur. Pind. Pyth. IV, 54. Pro-

391: *δρεστέρα παμβῶτι Ἰᾷ μήτερ αὐτοῦ Διός*, ubi certissimum est, intelligi Rheam, ex iis quae sequuntur *ἂ τὸν μέγαν Ἰάκτωλον εὐχρυσον νέμεις* — *ταυροκτόνων λεόντων ξεμεδρε*. cf. Schol. — Pindaro in beatorum insulis regnat Saturnus, reconciliatus cum Jove, qui ipse eum adire solet, Ol. II, 70, 76. Eidem Pindaro summus Saturni honor is est, quod dicitur conjux Rheae *πάντων υπέρτατον ἐχούσας θρόνον*. — Athenis vetustum erat fanum Saturni et Rheae, Paus. I, 18, 7; Indique celebrabantur Cronii in honorem pristinae aetatis aureae. Cf. Buttm. Mythol. II, 54.

47) Soph. El. 1064. Pind. Ol. XI, 24; Py. XI, 8; Isthm. fr. 4, 6.

pterea ipsa Themis est dea vaticiniorum, cuius consilia sunt sapientissima, ὄρσούβουλος (Pr. 18); quae Delphico oraculo praest ante Phoebum (Eum. init); et Prometheo quae futura sint praedicit. (Pr. 874 <sup>48</sup>). Et quia ipsa nihil est, nisi jus divinum, dirimit etiam certamen inter Titanes et Olympios, et ita quidem, ut ipsa transeat cum Prometheo ad Olympios iisque paret victoriam, quippe qui sapientiae et prudentiae consilia non aspernentur. Quo ipso transitu id significatur, maiorem esse Olympiis dignitatem, maius divinum ius, quam Titanibus. Nec vero hoc numen, quod tam gravi munere fungitur, graviore etiam, quam Parcae, quae ab Olympiis superantur, cum Themis ipsa recipiatur in Olympiorum numerum, ne hoc numen cogitatione magis perceptum videatur, quam vivum et vera pollens potestate, Themidis munus ipsi Telluri tribuit Aeschylus <sup>49</sup>), ut pro nominibus tantum eiusdem numinis diversis sint habendae Themis et Tellus. Licet autem pariter atque conjungere etiam disjungere utramque, ut Themis pro Titanide, pro Telluris filia sit habenda. Pr. 874; E. 3. (cf. 6.) E quibus apparet, agnovisse Aeschylum, latere sub his nominibus et formis cogitationem quampiam, quam modo hac modo illa forma significare liceat liberta-

---

48) Ita Pind. Isthm. VII, 32 ipsi Jovi et Neptuno vaticinatur eorumque rixam componit. De qua re cf. not. 55.

49) In Delphicis etiam fabulis revera eandem esse Themidem et Tellurem, bene exposuit Schwenck. Ephem. scholar. 1829, II, 8. Idem haud dubie subest fabulae quae perhibet Jovis eam fuisse uxorem et progenuisse Horas, etsi num Hesiodus (Theog. 901) et Pindarus (hymn. fr. 2) hunc sensum agnoverint, non dijudicem.

tate poetica. De Themidis templo quod Athenis erat cf. Paus. I, 22, 1.

6.

Si potentiam nactus est Jupiter, locum in ea habere potest aliquid mutationis: ipse cogitari potest eam non ab initio satis firmatam tenere, ut eam contra impetum et seditionem aliquam tueatur oporteat. Imperium de Coelo, Saturno, Jove nemo exercet, sed alter alterius regnum excipit diisque imperat. Attamen licet qui regnum tenet, dominus sit potentissimus, tamen necessitatem, quae in suae ipsius indolis ratione posita est, id est, ipsam suam ipsius indolem abjicere et effugere non potest. Necessitatem hanc gubernant Parcae et Furiae, *Μοῖραι τρέμορροι μνήμονές τ' Ἐρινύες* Pr. 516.

Parcarum naturam hanc esse contenderunt viri docti: significari hoc nomine legem quandam summam, quae nulla debilitari posset mutatione: quae quidem lex e communi Graecorum more pro persona, pro numine habita esset, cui imperium et arbitrium de omnibus rebus divinis et humanis in omnibus Aeschyli locis attribueretur. Tali legi supremae et ultimae confisum esse poetam et in ea acquiescere possemus cogitare. At ne unus quidem talis locus existat. Patet enim, diversam esse ab huius supremi et extremi naminis notione eam cogitationem, qua natura, indoles, ratio interior uniuscuiusque rei indicatur, quae natura alia est in aliis. Hanc ipsam vero rationem significat vocabulum *μοῖρα*, quod proprie portionem declarat, ut apud Aeschylam ipsum: *τέσσαρας μοίρας*, Ch. 238; *μοῖρ' Ἀφροδίτας*, S. 1011; *μοῖραν ἠδονῆς*, Pr. 631, cf. 292.



Soph. Trach. 1241, 163. (Talia etiam μοιρᾶσθαι Th. 907; ἄμοιρος, Th. 733, E. 353.) Mundus quasi totum aliquod cogitatur, cuius partes inter omnes, qui in mundo vivunt, describuntur. Quod unicuique assignatum est, in eo constat eius proprietas, natura, ratio fortunæ. Saepius hanc ipsi dii rerum gubernatores hominibus naminibusque inferioribus ascripsisse perhibentur: μοῖρα τεταγμένα ἐκ θεῶν, Ag. 1025; θεσμός μοιρώχραντος ἐκ θεῶν δοθείς, E. 392; θεόθεν κατὰ μοῖρ' ἐκράπησε, P. 101; μεγάλαι μοῖραι Διόθεν τελευτᾷν, Ch. 306; μοῖρα Διосδότων ἀχέων Th. 947; ὁ Πανόπτις οὗτος μοῖρα τε, E. 1046 (ubi eadem sententia per formulam ἐν διὰ δυοῖν profertur). Saepe deorum mentione non addita sors ipsa quae tributa sit simpliciter commemoratur, si vero quaerendum est, qui eam tribuerit, neminem intelligere possumus nisi deos. Ita παλαιγενεῖς μοῖραι Furiarum, E. 173, 476, quas v. 392, 365 a diis, a Jove se accepisse profitentur, ita Pr. 694 de infortunio Ioni a Jove parato, Pr. 511 de sorte Promethei; quae ipsa denique a Jove gubernatur, licet maxime invito Prometheo. Praeterea de sorte belli, Ag. 130; Th. 506; de morte, Ag. 1266, 1314, 1365, 1462; P. 917. Cf. P. 909; E. 890 (εὐμοιρος); Th. 850 (δίμοιρος de duplici infortunio, cf. v. 899.); S. 1071 (δίμοιρον de duplici fortuna). Interdum etiam de vitae conditione, quae alicui ab hominibus paratur, Ag. 1588. Tales igitur innumerabiles habemus naturas (φρῆ δ' ἕκαστος διαφέρουεν βιοτὰν λαχόντες, ὁ μὲν τὰ, τὰ δ' ἄλλοι Pind. N. VII, 54.) cum fatum illud unum esse debeat, stabile, aequale. Patet vero diversissimarum naturarum hoc esse commune, quod unicuique ipsi, unicuique soli sunt tributae, quod unicuique sunt propriae: ipsa proprietas singularum proprietatum omnium est com-

munis, sicut omne, quod dicimus abstractum, singularum rerum concretarum est commune. Jam ipsa haec proprietas ut numen aliquod cogitari potest, quod singulas singulis proprietates et indolis et fortunae cum omnibus eius, quae per totam vitam humanam accidunt, varietatibus attribuerit. Hanc Proprietatem Graeci dicebant *Μοῖραν*. *Μοῖρα* igitur suam cuique *μοῖραν* distribuit, neque est quidquam nisi uniuscuiusque *μοῖρα*, quam non tributam, id quod revera est, sed tribuentem cogitabant. Significabant hoc imagine nendi, quia id, quod filo intexitur, peculiaris est fili pars, neque ab eo divelli potest nisi lacerato. Quanquam Aeschylus nomina Parcarum non commemorat, nendi tamen officium iis tribuitur E. 327<sup>50</sup>). — Eandem *Μοῖραν*, quae nunc una cogitatur, nunc sibi fingunt ut *Μοίρας τριμόρφους*: triplex enim numerus principale est multitudinis et varietatis exemplum, et quicumque Graecorum nunc tres nunc unam agnoscebat, Parcam, bene sibi conscius erat unitatis huius in varietate positae<sup>51</sup>). Ubique vero in Graecorum opinionibus fluctuat notio numinum illorum, quae e sola cogitatione orta sunt neque a natura principio petita, fluctuat inter numinis personam et ipsam cogitationem, cui originem debent. Itaque vix ubique dirimi poterit, si *μοῖραν* Aeschylus commemorat, utrum de re an de numine cogitaverit.

Quodcumque numen statuitur, habet aliquid agendum. Parcarum munus est duplex, utrumque e prima et ipsa earum natura profectum. Tum assignant naturam, tum

---

50) Cf. Welckeri Ephem. hist. art. I. p. 225. sqq. p. 229. n. 48  
(οὐδεὶς δύναται μοῖραν μίτον ἐξαγαλῦσαι).

51) Cf. Welck. ib. p. 223.



assignatam servant, ne quis eam abjiciat. Custodiunt igitur deos ut maneant dii, homines ut maneant homines, Apollinem, ne fiat Jupiter, ne fiat inferus, neve fiat imbecillior, neve potentior, quam quod ipsa eius natura divina constitutum est. Custodiunt etiam Jovem, ne eius potentia infringatur, quia ea Jovis natura constituta est, ut sit potentissimus. (Cf. Pr. 511: ubi id agit Parca, ne quis eandem, quam Jupiter, potentiam adipiscatur.) Minime vero propterea Jove sunt potentiores, nisi forte regii corporis custodes ipso rege esse potentiores contendere vis. Imo id agunt, quod Jupiter, quod superi constituerunt, tum in assignanda natura, ut Furiis, E. 335; Meleagro, Ch. 612; Oceaninis, Pr. 895; tum in servanda, praesertim ne quis hominum terminos excedat, quos dii constituerunt: E. 105 (*Μοῖρα πρόσκοπος βροτῶν*); Ch. 306. Propterea iis, qui hunc terminum transgrediuntur, immittunt ultionem, Ag. 1536 (Orestem, quem a diis missum iri vaticinata erat Cassandra, 1279, 1284: *ὁμώμοται γὰρ ὄρκος ἐκ θεῶν μέγας Ἄξειν νῦν ὑπέρτασμα κείμενον πατρός*); Ch. 910, 911. Itaque eo funguntur munere quod proprie est Furiarum. Cum Furiis Aeschylus Parcas tantum non ubique conjungit <sup>52)</sup>, ubi earum mentionem facit Th. 975, 937; E. 961, 724.

At vero dixit Aeschylus, Parcas esse Jove potentiores. Non dixit. Parcas, quae nihil sunt, nisi quae peculiaritatem uniuscuiusque significant et distribuunt, Jovi ipsi

---

52) Hesiodus ad Parcas transtulit Furiarum negotia, et hac ratione etiam deos Parcis cogitabat subjectos, Theog. 220. Sicyonios Parcis eadem sacra fecisse, quae Furiis, tradit Paus. II, 11, 4.

etiam naturam assignavisse cogitentur necesse est <sup>53</sup>), hactenus igitur ipso etiam Jove superiores eas dicere poteris, scilicet si principes electores, qui imperium tradunt, imperatore dicis superiores <sup>54</sup>). Inspiciamus locum: praedixit Prometheus Oceaninis, nunquam sibi eandem quae sit Jovi fore potentiam, hoc fieri non posse, prohiberi hoc aeterna naturae necessitate: eadem vero hac necessitate jussum esse, sese liberatum iri: gubernari hanc necessitatem a Parcis et Furiis. Quaerunt puellae, num igitur his imbecillior sit Jupiter. Quibus ille respondet, non hoc se dicere, sed Jovi etiam certam esse naturam, certam fortunae rationem, quam abjicere non possit, οὐκ οὖν ἂν ἐκίπνῃσι γὰρ τὴν πεπρωμένην Pr. 518. Noverant Oceaninae, Jovis fortunam esse eam, ut omne per omne aevum penes eam futurum sit imperium, itaque mirantur et interrogant, quae praeterea aliquid valeant in eius fortuna, τί γὰρ πέπρωται Ζῆνι πλὴν αἰεὶ κρατεῖν; Non respondet Prometheus, sed hoc ipsum nobis est quaerendum. Neque

---

53) Est vero haec Jovis μοῖρα, ut, simulac potentiam conquisivit, sit potentissimus, αἰεὶ γὰρ εὖ πίπτουσιν οἱ Διὸς κύβοι, Soph. fr. inc. 84. Similis cogitatio subest Parcarum muneri, ubi Jovem cum Junone nuptiis junxisse dicuntur Arist. Av. 1774. Amor enim erga Junonem in ipsa Jovis natura positus est: propterea Venus dicebatur Parcarum natu maxima, Paus. I, 19, 2. Cf. Pindar. hymn. fr. 2. ubi Themidem Jovi nuptum Parcae adducunt.

54) Finge tibi cum Pindaro numina Veritatem, Pudorem, Εὐθυμίαν, Legem, Justitiam: has omnes eatenus Jove superiores dicere poteris, quatenus eam, quam quaeque significat, virtutem Jovi tribuisse cogitantur. Easdem vero eodem jure Jovis filias dicere potes. Nihil majus Aeschilo sunt Parcae.

obscura est res. Sicut ipse Jupiter suam habet naturam, suam fortunam: suam etiam habet eius pater Saturnus. Uterque aliquando mundum gubernat, utroque nemo est potentior. Ubi alterius natura et potentia cum altiori confligit, nihil inter utrumque iudicium ferre potest, nisi ipsa utriusque naturae et potentiae ratio. Hanc rationem significant Parcae, Parcís igitur certamen inter Jovem et Saturnum dirimendum est. Hoc ipsum, mythica quidem forma indicatum, testatur Aeschylus. Parcae enim, quae necessitatem in rerum omnium ratione positam gubernant, coniunguntur cum Furiis, neque alterae sine alteris huius, quae ad Jovem pertinet, necessitatis gubernandae habent potentiam, sed nonnisi consociatae: *τίς οὖν ἀνάγκης ἐστὶν διακοστροφός; Μοῦραι τρομορροὶ μνήμονές τ' Ἐρινύες*. 516. Circumspiciamus, quid hoc loco sibi velint Furiae, quod complures mirati sunt, nemo expedit. Furiae, id quod ipsae dicunt E. 417, quod generalem et constantem esse Aeschyli cogitationem mox ostendam, ratas faciunt execrationes, neque ullam aliam peculiarem habent potestatem. Revera de execratione quapiam cogitari, eo indicatur, quod *μνήμονες* vocantur Furiae: inania enim non dicit Aeschylus. Cuiusnam verò execratio Jovi perniciem minatur, nisi unius solius Saturni? Et hoc ipsum dixit poeta: *πατὴρ δ' ἀρὰ Κρόνου τότ' ἤδη παντελῶς κρανθήσεται*, "Hν ἐκπιτνῶν ἡρᾶτο δηναίων θρόνων, Pr. 910. Itaque Saturni execratio, Saturni *Ἐρινύες* illam gubernant necessitatem, quae ad Jovis naturam pertinet, illam *πεπρωμένην*, quam ipse evitare non potest. Rata fieri potest haec execratio nonnisi per solum ipsum Jovem, a nemine everti potest Jupiter, nisi a se ipso, *αὐτὸς πρὸς αὐτοῦ χενοφρόνων βουλευμάτων τύραννα σκῆπτρα σὺληθήσεται* Pr. 761.

sq. victorem suum sibi παρασχευάζεται Ἐπ' αὐτὸς αὐτῷ. Pr. 921. Clarius et certius poeta eloqui non poterat, in sola Jovis natura et in sola ratione filii cum patre omnia versari<sup>55)</sup>. Neque si modo pugna talis statuitur, qua alter deus supremus ab altero deo supremo filio suo evertitur, haec alia ratione cogitari poterat; hac autem ratione optime et cogitari et pro vera haberi poterat ab homine Graeco. Vides quam decore senserit Aeschylus, cui persuasum erat, patri hanc pietatem deberi etiam a deo supremo, licet hic coactus fuerit ad patrem evertendum, scilicet ut rerum potiretur is, qui Jupiter erat et solus esse poterat, deus divinus. Quae reliqua de hac ratione dicenda sunt, invenies §. 31.

Neque hanc solus Aeschylus fovebat cogitationem. Pugnam de mundi dominatu apud Hesiodum quoque gubernant Furiae, ibi vero aliter se habet ratio eorum, qui pugnant. E Coeli cruore, quod Saturnus effundit, gignuntur Furiae, Theog. 185, quod nihil declarat, nisi ob facinus illud impium erga patrem commissum Saturno instare ultionem, quam patris exsecratio ei immissura sit, quae ipsa commemoratur v. 210. Et ita postea etiam res narratur, Coelus enim ipse Rheae consilium dat, quomodo Jovem clam partu edere possit, scilicet ut ultionem, quam

---

55) Vides hic in quo differat Aeschyli mens a Pindaro. Uterque oraculum agnoscit, e quo Jovem maneat perniciēs, uterque hoc irritum fore habet persuasum: Pindarus vero, licet alibi fatum Jovis arbitrio prorsus subijciat, hoc tamen e fato repetit, εἵλεκεν πεπρωμένον ἦν, neque fontem habet, unde hoc fatum derivet, Isthm. VII, 33; Aeschylus fatum omnemque eius potentiam in ipsa collocat ratione Jovis cum patre.

Coelus postulat, per hunc filium perficiat, *τίσάιτο δ' ἔρινυς πατρὸς ἑοῖο*, v. 472. Ibi igitur Jupiter ipse cum Furiis consociatus est, et quod ipse perficit idem est, quod Furiae agunt: cum apud Aeschylum ea prematur cogitatio, quod hoc facinore adversus patrem perpetrato ipse Furiis redditur obnoxius. Et idem hoc videtur inesse in loco Epimenidis (Schol. Soph. O. C. 42.) *ἐκ τοῦ (Κρόνου) καλ-λίκμοις γένετο χρυσῇ Ἀφροδίτῃ Μοῖραι τ' ἀθάνατοι καὶ Ἑρινύες αἰολόδωροι*. Ad Saturnum referuntur, quae ab Hesiodo ad Coelum, Venus pariter ac Furiae; Parcae, ut apud Aeschylum, cum Furiis consociantur; Furiae, ut in Eumenidibus describuntur, dicuntur *αἰολόδωροι*. Probabile igitur iudicabis, hanc ipsam cogitationem de periculo, quod Furiae propter facinus contra Saturnum commissum Jovi minantur, Aeschylum sumsisse ex Epimenide, licet ea fabularum forma servata, quam praebebat Hesiodus.

Removetur illud periculum sapientia Jovis, qui, imperio satis firmato, vincula Saturni, quae solvi posse monet Apollo, E. 645. sq. revera solvit: *λύσε Ζεὺς ἄφθιτος Τιτᾶνας* Pind. Py. IV, 291; hymn. fr. 6: Saturnum cum sociis antea in Tartarum detrusum (Pr. 220) liberatum videmus in Prom. soluto, ibi enim constat e Titanibus chorum fuisse compositum, qui ex insulis beatorum in flumine Oceano sitis profecti esse videntur ad Prometheum. Patet igitur, filium cum patre esse reconciliatum: itaque Furiarum, quae execrationem ratam erant facturae, potentia fracta est a Jove, et Parcae, quae nonnisi in societate Furiarum aliquid de eo valebant, nunc nihil agendum habent, nisi quod ipse jubet <sup>56)</sup>, qui *πάντ' ἄνω τε καὶ κάτω*

---

56) Itaque Phidias et Theocosmus Jovis Olympii, quem Megaren-

*Σιρόφων τίθησιν, οὐδὲν ἄσθμαινών μενει.* Rem ita se habere per se jam necesse est, ubi enim deus verē divinus vivit et viget, locum non habent numina illa obscura et fluctuantia. Sed ne deest quidem Aeschyli testimonium, quod Parcae ante Jovis deorumque Olympiorum potentiam evanuerunt et nihil amplius valent, nisi quod Olympii iis concedunt. Pertinent enim ad genus deorum priscorum, quod se ab Olympiis antiquo honore privatam esse ubique conqueritur: sunt *Θεαὶ ἀρχαῖαι, παλαιαὶ δαίμονες*, E. 728; sunt sorores Noctis, quae ad tenebricosum illud regnum pertinet, quod evertērunt Olympii, quin etiam E. 728 ipsae dicuntur decipi ab Apolline et vino quidem, quod male e textu ejicere voluerunt interpretes, patet enim Aeschylum de his numinibus tenebricosis et priscis non sine ironia quadam esse locutum. Cf. Eur. Alc. 12: *Μοῖρας δολώσας*. Vides hac Apollinis de Parcis victoria ipsas superari leges naturae: *βροτοὶ redduntur ἄφθιτοι*; E. 724. Ita dicitur Apollo Furiarum *παλαιγενεῖς μοῖρας φθίσας*, E. 173. Ubicunque enim poeta Parcas commemorat, venerationem

---

sibus fecerunt, capiti Parcas addiderunt, significantes *τὴν πε-  
πρωμένην μὲν οἱ πείθεσθαι*, Paus. I, 40, 4. Cf. Böttiger.  
mytholog. techn. Jov. p. 28. sqq. Maximus tunc earum honor  
is est, quod Jovi assident, *Μοῖραι Διὸς αἵ τε παρὰ θρόνον  
ἀγχόταται ἐξόμεναι* <sup>ἑνὶ</sup> ~~Sept.~~ fr. ~~inc-3~~. Apud Aeschylum ne  
hunc quidem habent sibi relictum. Pindarus Jovi eas cogitat  
subjectas, in maiore tamen, quam Aeschylus, honore eas ha-  
bens, quas praedicat *βαθύφρονες*, N. VII, 1; *ὑψιθρόνους*  
Isthm. V, 16; quae quidquid instituitur ratum faciunt et  
ficiant Ol. VII, 64; XI, 51; idque in prima originae, sociae  
Lucinae, N. VII, 1; quae sanctitati vinculorum affinitatis  
prospiciunt Py. IV, 145.



nullam videmus <sup>57)</sup>, ne eam quidem, quae Eumenidibus tribuitur, ubique vero funesta ac lugubris, quae earum est,

57) Locus enim, quem pro honore Parcarum afferunt E. 963—967

Parcas spectare non potest, sed solas Eumenides ipsas, quarum honores recensentur, quorum honorum unus est is, quod Parcarum vetustarum et βαρυδοτειρῶν sunt cognatae. Nulla enim causa exstat, cur ibi Parcae celebrentur, neque Parcae possunt intelligi, nisi mutato τῶν in καί, tum contra codices, tum contra verisimilitudinem, omnia enim, quae ibi recensentur, sunt ea ipsa, quae ab Eumenidibus repetuntur: felicitas, 956, cf. 938; faustae nuptiae, 960. cf. 835; justitia, 963, cf. 910; quod omnium domorum sint communes, 964, cf. 895; omnium curam gerant, 965. cf. 930; per omne aevum, ib. cf. 898; honor summus apud justos homines, 966, cf. 805, 891, 994. (κύρι' ἔχοντες vertendum est: cum hoc vobis peculiare sit, haud vero: quibus hoc peculiare est, tum enim dicendum esset ἔχουσαι). — Fefellit vero interpretes, quod locus choro Eumenidum tribuitur, quas haec de se ipsis praedicare ineptum est. Imo loquuntur Areopagitae, iidem qui postea dicuntur προπομποί 1005, qui Eumenides invocant, omnium Atheniensium vice fungentes (ipsi ἀστῶν τὰ βέλτατα v. 487), quos ipsa ad dicendum, licet non disertis verbis, provocavit Minerva v. 949; qui his versibus et 976—987 ea precantur, quae precari Athenienses jubet Minerva, illis quidem posterioribus id, ut civium firmetur concordia, cui prospicere ipsos Areopagitas jussit Minerva v. 693 sqq. Itaque aemulantur Minervam bonis verbis adhibendis, quod ipsum laudans indicat dea, ἀγασθῶν ἔρις ἡμετέρα, celebrans facundiam, qua antea ipsa, nunc Areopagitae excellunt, v. 968—975. Eosdem, quod bene dixerint, denique collaudat Minerva v. 998. sqq. φρονοῦντας γλώσσης ἀγαθῆς ὁδὸν εὐρίσκειν. Vide quam egregia huic distributioni respondeat rhythmorum comparatio. Inter strophiam et antistrophiam priorem coinpositam ex versibus trochaicis, qui-

potentia premitur *Μοῖρὰ βαρυνδότερα μογερά*. Th. 975. Tristifica est, quia libertatem humanam coercet: itaque diis Parcae non imperant, et minime omnium Jovi, qui solus ab omni lege liber est, Pr. 50.

7.

Expédiamus hoc loco etiam reliquorum interpretationem vocabulorum, quae simile aliquid declarant. Naturae rerum singularum sunt variae, aliae meliores, aliae peiores, haec fortior, illa infirma. Res configunt, conflictum dirimit ratio, quae inter naturas intercedit. Haec ratio dicitur *ἀνάγκη*: quae vox usurpatur in aliis locis de quavis potentia superiore, Pr. 514; E. 426, 550, praecipue de voluntate divina, quippe quae humana sit multo potentior, Ag. 218 (de jussu Dianae); P. 293; Pr. 16, 72, 105; in aliis de servitute debellatorum Ag. 902, 1042; Ch. 75; in aliis de ipsis vinculis Pr. 108, 1052; de morte P.

---

bus benedicunt Eumenides Atheniensibus, insertum est longius systema anapaesticum, 927—937, quo Minerva earum auctoritatem in rebus humanis exponit. Sequuntur tria breviora systemata anapaestica, quibus Minerva dicit, quae pertinent ad Arcopagitarum preces his systematis insertas, mesostropham et mesantistropham e versibus maximam partem dactylicis constantem. Deinde sequuntur ultimae binae orationes Eumenidum, e trochaicis compositae, stropha et antistropha posterior, inter quas insertum est systema longius anapaesticum Minervae, quod respondet illi priori posito inter priores Eumenidum preces. Quae Eumenides dicunt, proferuntur versibus trochaicis, quae Arcopagitae, dactylicis, pariter atque illa quae in fine tragoediae canunt iidem v. 1032—1047.



569. — τὸ πεπρωμένον eodem sensu, quo μοῖρα, dicitur de iis, quae in ipsa alienius natura et conditione posita sunt et ex hac necessario prodibunt, Ag. 68, 684, 1657 (de morte); fr. 295; Pr. 103, 512, 518 (de ipsa Jovis natura); 753, 845 (de voluntate Jovis) Pr. sol. fr. 182 (de eo, quod Herculem maneat deo iubente). — Eadem vi in aliis locis positum est τὸ μόρσιμον Pr. 933 (de immortalitate Promethei); S. 47 (de justo parturiendi tempore); Amym. fr. 11 et E. 217 de nuptiis; in aliis de morte, S. 787; Ch. 103; Ag. 1048; in aliis de iis, quae dii constituerunt Ag. 157; Ch. 464; S. 1048 de suprema Jovis voluntate <sup>58)</sup>; Th. 263, 281. — Etiam αἶσα justam rei rationem naturalem indicat: quacum quod concinit, dicitur καταίσιον (Ag. 1598), ἐναίσιμον (Ag. 775): quod ei adversatur, παρ' αἶσαν (S. 79.); quod eam excedit ἐξαίσιον (S. 514). Hanc vitae conditionem, quae necessitate evenit, αἶσα indicat; Ch. 77; Pr. 104; mortem, θάνατηφόρος αἶσα; Ch. 369, 927. Alibi est quod dii constituunt, κράτος αἴσιον de omine Ag. 104, αἶσαν Jupiter gubernat <sup>59)</sup>, ὀρθοῦ πόλιος νόμος, S. 673, Io iter a Jove designatum perficit ἐν αἶσα S. 545; qui Jovem et Justitiam parum colunt, iis Αἶσα ultorem immittit, Ch. 648. — πότμος est modo vitae sors et conditio, Ag. 1005; P. 709; Pr. 119, 198; modo mors, Th. 899. — τὸ μέλλον, quod futurum est, Pr. 102, 211; Ag. 250, 1240; quod quidem dii adducunt Pr. 373 (τὸ μέλλον ἐκ θεῶν); 454; S. 1057. — νέμεσις similis est

---

58) τὸ μόρσιμον Διόθεν πεπρωμένον, Pind. N. IV, 61.

59) Διὸς αἶσαν, Solon. XV, 1. Pind. Ol. IX, 42; N. VI, 13; Is'hm. fr. 4 v. 2.

μοίρα, sed ita, ut severa lege omnia distribuere soleat, δαί-  
σαντι παθεῖν assignans. Ch. 313. Haec etiam nihil agit,  
nisi quod deorum jussa perficit Ch. 235; Heet. lutr. fr.  
244. — In his omnibus ultimam rerum rationem non inve-  
nimus: relegamur ad deos legislatores. Nam in vocibus  
ἀλάστορ, quae genium Ultorem, δαίμων, quae fere idem,  
quod θεός declarat, μόρος, μόριμον λάχος (Ch. 361); κῆρ  
(Ag. 206; Th. 777) quae mortem significat, supremam illam  
legem inesse non posse, per se jam satis apparet. — εἰ-  
μαρμένα apud Aeschylum legitur nonnisi Ag. 913, et ibi  
de Agamemnonis institutis. De divinis Soph. Tr. 169.

8.

Cum Parcis Furiae consociantur. Quae originem re-  
petunt ex ἄτη, quae proprie est noxa damnumque alicui  
illatum. S. 444, 470. (ἄτη φρενός stultitia, insania S. 850;  
Th. 601, 687; Ag. 388; idem quod νόσος φρενῶν P. 790)  
praecipue vero miseries (Ch. 339; Ag. 1284; S. 110; Soph.  
Aj. 1189; El. 215) et tale damnum quo omnis hominis  
vis frangitur, quo aut revera necatur aut mortui instar  
habendus est (Ch. 272, 339, 1076; S. 164; Pr. 746, 886.)  
Alibi usurpatur de strage magna et de pernicie Th. 315,  
954; Ag. 643, 735, 771 cett. Haec ultima seu vitae seu  
mortis pernicies, qua alter tantopere fractus est, ut mani-  
bus suis alterum non possit ulcisci, per deorum volunta-  
tem, qui causam afflicti suscipiunt, se convertit contra  
alterum, a quo alteri inflicta est, διαλγῆς ἄτη διαφέρει τὸν  
αἴτιον παναρχέτας νόσον βρῦειν (tristis pernicies differt au-  
ctoris discrimen, ut immani morbo impleatur) Ch. 68. cf.  
E. 372. δαΐσαντι γὰρ τοι καὶ παθεῖν ὀφείλεται, fr. 208;

Ag. 1564; Ch. 313; e qua lege quivis ἔπραξε<sup>ν</sup> ὡς ἔκρανε<sup>ν</sup>, Ag. 369. Et sicut omnino gravis est ἀστυὼν φάτις ξὺν κότῳ, δημοκράντου δ' ἀρᾶς τίνει<sup>ν</sup> χρέος, Ag. 458; ita afflictus ille ἄστας ἐξανδᾷται Ch. 172: velut: ταῦτ' ἐν μέσῳ τίθῃμι τῆς κακῆς ἀρᾶς, Ch. 145. Et ἐπῆλαλαξαν ἀραὶ τὸν ὄξυν νόμον, Th. 935; εὐχαὶ δύνωτοιμοι, Th. 819; κατεύγματα, 709; εὐ-  
πταῖα φάτις, 841; φθόγγος ἀραῖος οἴκοις, Ag. 235. Exse-  
crationi haec subest cogitatio: τὸ μόρσιμον μένει πάλαι,  
εὐχομένοις δ' ἂν ἔλθοι. Ch. 464. (Oppresso φθόγγῳ ἀ-  
ραίῳ, Ag. 236, cohiberi potest ποινὰ ἀντίφονος ἄτα, E.  
982.). Ortum hoc est e vetusto simplici more cogitandi,  
qui omnia etiam quae sola mente percipiebantur et in solis  
animis versabantur, ab ea repetebat origine, quam oculis  
cernere vel auribus audire poterat. Potentissimae dicun-  
tur πολυκρατεῖς ἀραὶ φθιμένων, Ch. 406; est enim νόμος,  
φονίας σταγόνας χυμένας ἐς πέδον ἄλλο προσαιτεῖν αἷμα,  
Ch. 401: scimus μέμφεσθαι τοὺς γὰρ νέρθεν περιθύμως, τοῖς  
κτανούσι τ' ἐγκοτεῖν, Ch. 39; cf. 323. Tamen haec lustrari  
possunt, Th. 680, his exceptis εἴ τις ἤλιτεν βροτῶν ἢ θεὸν ἢ  
ξένον τιν' ἀσεβῶν ἢ τοκέας φίλους, E. 269, 356, 545. Ibi nullum  
λύτρον πεσόντος αἵματος πέδῳ, Ch. 48; ibi δι' αἵματ' ἐκπο-  
θένθ' ὑπὸ χθονὸς τροφοῦ Τίτας φόνος πέπηγεν οὐ διαῤῥυδᾷν,  
Ch. 66; ibi πόροι πάντες ἐκ μιᾶς ὁδοῦ βαίνοντες τὸν χερο-  
μυσῇ φόνον καθαίροντες ἰοῦσαν ἄτην, Ch. 72: et hac quidem  
via, quod eo Jupiter mittit ὕστερόποινον ἄταν. Ch. 363.  
Tales igitur ἀραὶ et praecipue quidem γενέθλιοι, Ch. 912,  
redduntur ἀληθεῖς, Th. 944; τέλειαι παλαίφατοι ἀραί, Th.  
766, 695, 832: easque ratas faciant, τελοῦσι (Th. 785),  
ἐπικραίνουσι (Th. 887) Ἐρεινύες.

Has nihil esse, nisi iram (κότον, Ch. 40, ὀργάς Ch.  
326) eorum, contra quos scelus est commissum, execratione

pronuntiata, quae sicut *δίκη, μοῖρα, τύχη* pro re et ratione tanquam numen cogitatur, innumerabiles ostendunt loci: *Ἀρὰ Ἐρινύς πατρός* Th. 70; *πατρός εὐχταῖα Ἐρινύς* Th. 721, 886; *πότνια Οἰδίου σκιά μέλαινα Ἐρινύς* Th. 976. Cf. Ag. 457 et 463; Th. 695 et 700, 787 et 791: E. 416, 508; Soph. O. C. 865, 1010, 1299, 1375, 1391, 1433; Aj. 1390; El. 411; Tr. 811; Eur. Or. 38; Hom. Il. XXI, 412; Od. XI, 279. Mortuis enim ea relicta est potentia, ut ultionem possint commovere, quod e precibus patet, quibus Orestes et Electra Agamemnonem invocant, Ch. 332, 456, 479, 495; *ὀτοτύζεται δ' ὁ θνήσκων, ἀναφαίνεται δ' ὁ βλάπτων πατέρων τε καὶ τεκόντων γόος ἔνδικος μάτευει ῥοπὴν, ἀμφιλαφῆς ταραχθεὶς*. Ch. 327. Apud Aeschylum ubique cognosci potest haec cogitatio principalis, Furias esse eas, quae execrationem ratam faciant Ch. 651. cf. fragm. Thebaid. apud Ath. XI. 465: *αἶψα δὲ παισὶν ἐοῖσι μετ' ἀμφοτέροισιν ἐπαρὰς Ἀργαλέας ἡρᾶτο, θεὸν δ' οὐ λάνθαν' Ἐρινύν*. Tamen interdum etiam nulla execratione pronuntiata scelera antiqua puniunt<sup>60)</sup> Ag. 749, 1433, 1580. cf. Th. 574; Pr. sol. fr. 179, v. 9.

Quod hac ratione perficiunt. Expellunt eos, qui *δ-μαίμονες* (E. 605, 653, Th. 681) occiderunt, e domo (E. 421, 201; Ch. 1050, 1062) soli huic ipsi apparentes, cum ab aliis non conspiciantur (Ch. 1051, 1053, 1061), neque conspici debeant, dolor enim, quem homini infligunt, imprimis in habitus et aspectus earum foeditate positus est: illius vero oculis assidentes, Th. 695; magis magisque sese

---

60) Apud Sophoclem etiam quodvis scelus puniunt, El. 275, 488, 1388; Ant. 1075; Aj. 835; quin etiam pro iis habentur numinibus, quae quodvis malum hominibus inferant; Aj. 1034; Tr. 897, 1053; El. 1080; Teuc. fr. 3; Antig. 603.

ei obtrudentes, Ch. 1057; fugientem πρὸς αἷμα καὶ σταλαγμὸν ἐκμαστεύουσαι (E. 247, 253) perpetua persecutione urgentes, E. 139, 231, 244, 251: unde κύνες dicuntur Ch. 925, 1054, E. 132; carmine tristi et horribili (Ag. 645, 990, 1191; Ch. 475) eum obstringentes et vincientes (E. 306, 332); et usque ad insaniam stupefacientes (E. 330; Ch. 288, 1024); et quamvis fortissimo membra frangentes, E. 370; Th. 791; clandestino aggressu superbos securos debilitant, E. 373; Ag. 463, 553, 935, neque hos quidquam potest servare, Ag. 467; E. 299, 261; οὐκ ἔστι γῆρας τοῦδε τοῦ μιάσματος, Th. 682, 738. Correpto vivo sanguinem exsugunt (ἰαροπῶτις) E. 264, 184, 302, 359, vivum (ἰσχνάσαι morbis foedis corpori injectis Ch. 275—296) ad inferos detrahunt, E. 267, 305, 328: eum etiam, qui scelus occultavit, detegentes et punientes E. 317; solumque hominem integrum et purum nulla earum ira aggreditur, ut incolumis vitam degat, E. 313. Ille vero ne apud inferos quidem securus est E. 340, 322, 273; S. 228, 416. Opprobria mortuorum reliquorum erga socium sceleratum habes E. 96; Ag. 1555. Et eadem ratione eius progenies a Furiis vexatur, τὰ γὰρ ἐκ προτέρων ἀπλακῆματά νιν πρὸς τάςδ' ἀπάγει E. 934; καὶ μὴν πεπωκὼς γ', ὥς θρασύνεσθαι πλέον, Βρότειον, αἷμα κῶμος ἐν δόμοις μένει, Δύσπεμπτος ἔξω ξυγγόνων Ἑρινύων. Τιμοῦσι δ' ὕμνον δομάσιν προσήμεναι Πρωταρχον ἄτην. Ag. 1188. Quanam hoc fiat ratione, ipse declarat Aeschylus: τὸ γὰρ δυσσεβὲς ἔργον μέτα μὲν πλείονα τίττει, σφετέρᾳ δ' εἰκότα γέννα, Ag. 758, 769; Ch. 402: βοᾷ γὰρ λοιγὸν Ἑρινὺς, Παρὰ τῶν πρότερον φθιμένων ἄτην Ἑτέραν ἐπάγουσαν ἐπ' ἄτη. Cf. Ch. 577, 648, 692; Ag. 155, 1119, 1565, 1601; Th. 741, 833, 812, 951, 1054; Pind. Ol. II, 41. Exempla scelerum omnium,

quae punienda habent Furiae, praebet Aeschylus, quae recenset E. 269. Saepissime commemoratur impietas adversus parentes, quae tum Oedipi filiis, etsi manum contra patrem non sustulerint, tum Oresti miseriem infligit. Impietatis etiam est negligere ultionem parentis, itaque Apollo Oresti, si patrem neglecturus sit, minatur *προσβολὰς Ἐρινύων*, profecto haud minus terribiles, quam quibus postea propter matris parricidium vexatur, Ch. 271 — 296, 925 (*τὰς τοῦ πατρὸς δὲ πῶς φυγῶ παρεῖς τάδε;*). — Impietatis adversus hospitem clarissimum exemplum dedit Paris, Ag. 362, 399, 702: qua de causa eius carmen nuptiale in planctum pervertit Furia, Ag. 749. Erga deos peccatur in evertendis aris Trojanis, quod saepius indicatum (Ag. 338, 527) Furiae puniunt (645) per illam tempestatem *οὐκ ἀμήνιτον θεοῖς*, 649, cf. 645. Simile exemplum praebent Persae, qui aras et templa Graeca evertunt P. 808 — 828, simile Lycurgus et Pentheus in tragoediis ad Bacchi res gestas pertinentibus. Ne liberos quidem, si a parentibus impie tractantur, deficit ultio Furiarum, quas Clytaemnestra suscitavit ad vindictam sumendam de nece Iphigeniae, Ag. 1433, 1398, 1527, quam ipsam mente non incolumi ab insania, quam Furiae mittunt, paraverat Agamemnon, Ag. 223: in cuius domum propter vetusta Thyestis et Atrei scelera irruerant. Ag. 1580, 1189. Haec vero novorum semper scelerum pariter ac poenarum in domibus sceleratis parandarum potentia propria est genii Alastoris.

Speciem et habitum 61) Furiarum descriptum habes

---

61) Primus Aeschylus Furiarum crines serpentibus implicuit, Paus. I, 28, 6: ubi in earum simulacris, quae Athenis erant, nihil terribile infuisse dicitur. Ibi enim erant *Εὐερινίδες*, Σ3-



E. 46 sqq., 69, 387; Ch. 1057; Th. 699. Noctis tristificae filiae dicuntur E. 321, 416, 745, 792, 845: et sicut inter homines ibi tantum versantur, ubi foeda et turpia contrahuntur piacula, E. 186, ita domus earum est in foeda Tartari caligine, E. 72: κακῶν δ' ἑκατὶ καγένοντο. Cf. 125. Itaque diis Olympiis sunt invisae, Th. 720; E. 70, 73, 410, 644, (itaque αἰὲ παρθένοι Soph. Aj. 835. Aesch. E. 68); et maxime omnium Apollini, qui ne commemorare quidem eas potest sine detestatione. Et a diis Olympiis sunt debilitatae, honores iis erepti: id quod Apollo dicit: ἐν τε τοῖς νέοις καὶ παλαιτέροις Θεοῖς ἄτιμος εἴ σύ E. 724; quod idem ipsae: θεοὶ νεώτεροι παλαιοὺς νόμους καθιππά-

---

μναί, Thuc. I, 126; Demosth. Mid. 32, 6: nomen vero Eumenidum non Atticum erat, sed Sicyonium, unde factum videtur, quod Aeschylus in ipsis sermonibus tragoediae eo non utitur, sed simili vocabulo εὐφρονες. Legitur tamen illud Soph. O. C. 42. Foeda illa et fastidiosa specie, quam Böttiger excogitavit, eas ab Aeschylo esse indutas, minime est credibile. Severum autem, quin etiam terribilem vultum ab iis non abjudicabimus, collato praesertim loco Ch. 1058: καὶ θυμῶν σιάνουσιν αἶμα δυσφιλές. (Etenim ubi earum ira est excitanda, in Attica etiam dicuntur Ἐρινύες, velut in epigrammate heroi, Corp. inscr. 916). Quamquam nemo sibi persuadebit, tale quidquam revera pictum fuisse in persona, nisi qui parum reputat, quid in rebus scenicis leviter significare, quid exprimere soliti sint Graeci. Versus fabulae finem, ubi animum et indolem mutant, habitum etiam aliqua ratione mutatum esse consentaneum est: ut ex Arcadum fabula Orestis antea nigris, deinde candidis vestibus indutae apparebant, Paus. VIII, 34, 3. Talia leviter in scena Attica significabantur.

ἑαυτοῦ καὶ χειρῶν εἰλεσθῆ μου, 779. Natae sunt antiquitas ubi prima impietas a primo filio adversus patrem primum commissa est: hanc ultionis legem tuentur et efficiunt in omnibus, de quibus potentiam possunt nancisci. Frangitur vero haec potentia prima vice jam eo, quod Jupiter facinoris versus Saturnum perpetrati poenam non luit, et nunc nihil amplius valent, nisi quod ipse iis concedit. Concedit vero, ut eadem agant, quae antea agebant, modo pro potentia innata habeant potestatem, eamque a se ipso repetant suoque obtemperent summo arbitrio. Itaque ab eo et a diis Olympiis, ab Apolline, a Pane mittuntur contra eos, qui piaculum contraxerunt Ag. 55 sqq. Ch. 383; Ζεὺς γὰρ αἱματοσταγὲς ἀξιόμισον ἔθνος τόδε λέσχας ἄς ἀπηξιώσατο, E. 365: diique Olympii has curas aspernantur iisque tribuunt administrandas. E. 360 <sup>62</sup>). Itaque neminem Furia aggreditur, a quo sacrificia dii acceperunt, Th. 699. Hoc iis relictum est γέρας παλαιόν, hactenus dicere possunt οὐδ' ἀτιμίας χυρῶ E. 395; huius etiam ministerii a superis iis concessi ratione habita homines iis sacra faciant, quae enarrantur E. 106. Quantopere vero Jovi sint subjectae, inde apparet, quod ubi cum Apolline in iudicio litigantur, obmutescunt, simulac Jovis auctoritatem profert Apollo, remque alio vertunt et Apollinis modo testimonium in suspicionem vocare conantur, E. 621, 640, 652, 719.

---

62) ἑμαῖσι λιταῖς v. 362 significat »preces quibus ego invocor,« illud ἰὼ δίκαι ἰὼ θρόνοι τ' Ἐρινύων. v. 511. Simile est πρὸς μακάρων λιταῖς Th. 214; cf. S. 270; λιταῖς καὶ κληδόνας πατροφούς Ag. 238.



Athenis iudicio mortalium, qui ipsi sicut Orestes, deorum ope et clementia egent, honores Furiarum sunt imputati, quae jam ad acerbissimam iram concitatae (*βαρύκοτο*) terrae Atticae pestem se immissuras esse minantur in testinam. Satis valet Minerva, Atheniensium dea gentilitia, ut has minas vi propulset (E. 826, 899) sed maiorem rem conatur. Concedit iis venerationem, leviter deinde, cum conciliari nolint, ipsa Jovis fulmine commemorato minatur, tum vero statim pergit ad exhortationes amicas. Neque frustra hoc facit, missis enim minis nonnisi lamentantur Furiae, ira nondum pacata, quam grandaevis ignoscens et indulgens nunc omnibus utitur artibus facundiae; usque dum reconciliatae sedem *τιμίαν πρὸς δόμοις Ἐρεχθέως* accipiant. Ita illae *δυσπυρήγοροι*, E. 384; *αἱματηραί*, Ch. 477; *ἔγκοτοι* Ch. 924, 1054; *μαινάδες*, E. 500; *πνέουσας μένος ἅπαντ' ἄ τε κότον*, E. 840; *δυσάρεστοι*, E. 928; *ἀγρίως ἅπανηνάμεναι*, E. 972, nunc *θέλγονται καὶ μεθίστανται χόλου*, E. 900; quin etiam pro *ὑμνῷ δεσμίῳ φρενός* nunc terrae *ἐφ' ὑμνοῦσι* quidquid mortalibus prosperum contingit, 902: quam clementiam pariter et honorem tenent in omne aevum, quippe quem superi iis assignaverint, cum per se hanc potentiam adipisci non possint (896 sqq.) *ὥς μήτιν' οἶκον εὐ-θeneῖν ἄνευ σέθεν* 895. Quae pollicentur ita perficiant ut *κατὰ γῆς σύμεναι* (eo, ubi omnia sunt, quae evanuerunt) omnia quae noxam afferre possint, cohibeant (*κατέχουσιν τὸ ἀτηρόν*) E. 1007; itaque suam ipsarum potentiam, quae malis modo parandis nata est, irritam faciant <sup>63</sup>). Manent

---

63) Subesse iis, quae polliceantur, cogitationem, omnia bene evenire iis, qui parentes pie colant, monet Lobeck. de trito-

severae, αἰναι, acerbae contra impios, quos in posterum quoque clandestino morbo interimunt, 935; 940; erga pios vero mites et amicae, εὐφρανες, 992, 1030. Itaque πάντα τὰ κατ' ἀνθρώπους ἔλαχον διέπειν, 930; 964. Sicut ipsae pro carmine execrationis nunc dicuntur εὐφημεῖν, Ei 4035; earum potissimum metu homines jubentur favere linguis, Soph. O. C. 130; et sacra earum tacite peragantur a genere Hesychidarum. Schol. Soph. O. C. 487.

9.

Vocabulum ἀλάστωρ sive cum Hermann<sup>61)</sup> a λάτσειθαι derivabimus (qui non recipiendus, non ferendus est), sive a λάττειν (ὕβριζειν) unde λάσθη, unde etiam ἀλαζών repetendum videtur. Quod si concedis, eadem ratione qua μιάστωρ nunc sceleratum, nunc sceleris ultorem significat, quippe quos interiore hoc vinculo Graeci cogitarent conjunctos, quod in utroque scelus quasi repraesentatum est. Scelus necessario ultionem requirit, ab altero piaculo alterum progignitur, ut utrumque quasi unius cogitationis pars appareat. Itaque μιάστωρ, is qui piaculum contraxit (Ch. 944; Soph. O. T. 353; El. 275), ille quoque dicitur, qui piaculum ulciscitur E. 178; Soph. El. 603; Eur. Med. 1368. ἀλάστωρ apud Aeschylum et Sophoclem hunc alterum solum declarat. E. 236. — Jam piaculum ipsum ut deus quidam (S. 414) cogitatur, qui per scelus potentiam ad-

patr. II, p. 5. Cernimus vero in iisdem etiam cogitationem de numinibus ad terram pertinentibus, omnia enim, quae civitati addicunt, referuntur ad agrorum fertilitatem.

61) Soph. O. C. 1480.

eptus scelera sceleribus addit, cum ultores in ipsa sceleris poena ad novum piaculum contrahendam suscitet, et propterea mentem perturbet et corrumpat, P. 354. Talis δαίμων ἀλάστωρ dominatum exercet per totum Pelopidarum genus, et propter Atrei facinus contra Thyestem perpetratum Clytaemnestram adjuvat in caede Agamemnonis, Ag. 1502. (Ἀτρέως ἀλάστωρ est qui de Atreo vindictam sumit, minime vero Atrei anima ultrix) sed ita, ut is, quem ad scelus committendum suscitatur, ipse culpa non destitutus sit, Ag. 1505 sq. οὐκ ἀνελεύθερος 1521.

Saepe sola vox δαίμων hunc genium declarat, Ag. 1468, 1477, 1569, 1660, 1665; Ch. 119; E. 560, 802; P. 345, 354, 472, 515, 725, 845, 911, 921. Mittitur hic etiam a Jove Ag. 1482; Ἄϊος πράκτωρ σκοπός S. 646, 381, qui nihil est nisi Jovis ἱπταίου κότος (S. 385) ipse ut numen cogitatus. Concidit hic δαίμων ἀλάστωρ saepe cum genio hominis sive generis alicuius male vertente: ita ut notiones vix amplius discernendae sint. Cuiuslibet enim hominis sors et fortuna quasi numen quoddam cogitari potest, cuius nutu, quaecunque varia ei accidunt, dirigantur, qui δαίμων dicitur ἀσινής dum homo ipse incolumis servatur Ag. 1342, 1663; P. 601, 825; Th. 705; Ch. 513: impio autem facinore commisso μετάρροπος existit P. 942, 158: totamque nunc domum ad perniciem trudit Th. 812, 960.

# 10.

Quorum numinum omnium sedes est in tenebricosa regione subterranea, ubi cohibentur, si nihil inter mortales habent negotii, unde evocantur et emittuntur ad puniendos eos, quos indignos habet Jupiter, quos castiget,

Dominum et regem in his sedibus habeat Orcum, qui cum Tellure matre et Mercurio princeps est inferorum. Propterea ipsa Tellus invocatur, ut mala in sese cohibeat <sup>65</sup>), P. 223; E. 1008; S. 899, Pr. 568; Ch. 45, (τοῖανδε χάριν ἄχαριν ἀπότροπον κακῶν, ἰὼ γαῖα μαῖα, μωμένα μ' ἐάλλει), quippe quae emittere possit tum monstra saeva et foeda nata e cruore quo polluitur S. 266; cf. Ch. 66; quorum non dissimilis est Argus γηγενῆς ἄκρατος ὄργην Pr. 678; Sv 305; tum Furias omnium terribilissimas, tum etiam horrenda mortuorum spectra, εἰδωλὸν Ἄργου ἄλεν δᾷ, ὃν οὐδὲ κατθανόντα γαῖα κεύθει, Pr. 568; et Clytaemnestram, quae in Eumenidibus Furias excitat. In intimā enim terra (μύχῃ γᾶς) positum est mortuorum domicilium, ab hominibus longe remotum (Th. 613); longius etiam a diis Olympiis, S. 161; aedes Orci Pr. 433 <sup>66</sup>). Infra ipsam hanc immensa Tartari incipit vorago, ipso Orco inferior Pr. 154; E. 72; nigra, Pr. 219, 1051; caliginosa, Pr. 1025; quo omnes deorum hostes relegantur <sup>67</sup>), S. 155, e quibus Typhon premitur injecto monte Aetna Pr. 365. Neque discerni haec Typhonis vincula ab ipso Tartaro intelligimus e Pind. Py. I; 15, 17 sqq: unde patet, vicina cogitari regnum mortuorum et Tartarum et utrique imperare Orcum, Ἄιδην, quo ipso nomine significatur, nihil in eius ditione posse conspici <sup>68</sup>), ut si quae vi et

65) Γῇ καίτοχος Corp. inscr. 538, 939 in Attica.

66) Soph. Aj. 571.

67) Tartarus, filius Erebi (Soph. O. C. 1389) e Tellure Cerberum gignit, O. C. 1574; cf. Tr. 1100.

68) Ἄϊδης Ἄιδης Soph. Aj. 608, cf. 660.

potentia destituta sunt, eius imperio obtemperent necesse sit. Et propter hanc potentiam, quae non minor est in hac regione, quam Jovis apud superos, ipse vocatur Ζεὺς ἄλλος, de quo nomine dicendum est, ubi de Jove agemus. Itaque dicitur rex mortuorum, S. 791; P. 629; τύραννος χθόνιος, Ch. 358; P. 629, 640, 405, μάκαρ χθόνιος, Ch. 476; summus mortuorum iudex et vindex, E. 273; puniens quae in his terris peccata haud expiaverunt <sup>69)</sup>, cf. S. 228, 416; idemque mortuorum servator, ut Jupiter vivorum; Ag. 1387; omnes homines recipiens et cohibens ἄγχοιλαος fr. 451; νεκροδέμων, Pr. 153; cf. Ag. 1292, 1528; Pr. 236; Teleph. fr. 217; P. 689: inde etiam carminibus evocatos emittit P. 650, quamquam non lubens. P. 690. A Sisypho decipitur <sup>70)</sup> in dramate satyrico. Eius domum praeterlabuntur fluvii Acheron <sup>71)</sup>, Styx, Cocytus, quos omnes mortui trajiciunt, Ag. 1160, 1558; Th. 690, 856; P. 668. Uxorem habet Proserpinam <sup>72)</sup> Ch. 490; Dairam, Psychag. fr. 262; filios Zagreum et Polyxenum, quibus nominibus nihil subest nisi lusus poeticus (Welck. Tril. p. 556, not. 863). — Propter hunc dominatum, quem de mortuis exercet, pro ipsa morte <sup>73)</sup> Orci nomen usurpatur. P. 923;

69) Sophocli etiam in his terris ultionis curam gerit El. 183, 1391; apud inferos, Ant. 451, 519.

70) Soph. Ph. 449, 625.<sup>†</sup>

71) Soph. El. 183, 812; lacus domum cingens, El. 137, Polyx. fr. 2. cf. Brunck. lex. Soph. Ἀλίστας.

72) Quam amore correptus domum detrahit Soph. Tr. 501. Quinam sint Orci amores, habes El. 542. De Proserpina mortuos recipiente cf. El. 110; Ant. 194; detrahentem vide O. C. 1548; τὰν ἀγαγὲ θεόν O. C. 1556. 73) Soph. Aj. 1035.

Ag. 667 (Ἰδὸς πόνητος); 1115, 1235. Itaque non re sed nomine differt a numine, quod Mortem <sup>74)</sup> dicit Aeschylus, quae nulla ara <sup>75)</sup> nullo cantu, nullis precibus possit placari <sup>76)</sup> Niob. fr. 147. cf. Ag. 569. E. 648. Voce κῆρ pro ultima perniciē summisque aerumnis utitur Th. 1055; Ag. 206 : pariter ac Soph. O. T. 472; Tr. 433.

Mortuorum animas robore inanes exhibet (in dram. satyr. Sisyph. profug. fr. 211.) <sup>77)</sup> et quibus vix aliquid grati facere possimus <sup>78)</sup> Hect. lutr. 244; attamen non misera fatigantur conditione (nisi quibus scelera luenda sunt <sup>79)</sup> ut Clytaemnestrae (E. 95.), ut Sisypho, qui ad volvendum saxum coactus est) sed pacata et tranquilla: ut iis, qui aerumnis in hac vita premuntur, omnium malorum in morte sit remedium <sup>80)</sup> Pr. 754. Philoct. fr. 227. (ὦ θάνατε, θάνατε — μόνος γὰρ εἶ σὺ τῶν ἀνηκέστων κακῶν Ἰατρός, ἄλγος δ' οὐδὲν ἄπτεται νεκρῶν); fr. 412, 413; Th. 367, 684, 697, 703; P. 712, 915; S. 802; Ag. 539, 550; Ixion. 77. Inimicos reconciliat Th. 938.

## 11.

Atqui sicut hominum apud superos minime omnium

74) Soph. Aj. 854. 75) Cf. Paus VI, 42, 2.

76) Δαίμων δς οὔτε τοῦπιεικὲς οὔτε τὴν χάριν Ἰδὸς μόνην δ' ἔσπεργε τὴν ἀπλῶς δίκην Soph. fr. inc. 52.

77) Soph. fr. inc. 35. 78) Soph. El. 356; Ant. 780. Itaque ipse Orcus dicitur ἀπότροπος, Aj. 608; μέλας, O. T. 30, ἔσπερος, 178; etiam senibus inuisus Jobat. fr. 1. 79) Soph. O. T. 1372.

80) Soph. Tr. 104, 1087; Aj. 634; O. C. 1559.



aequalis est dignitas, quippe quorum reges et patricii a Jove diisque Olympiis sint progeniti divinumque servant sanguinem, ita etiam apud inferos magno, qui in his terris reges erant, fruuntur honore ipsorumque deorum sunt πάρεδροι, velut Agamemnon κατά χθονὸς ἐμπρέπων σεμνότιμος ἀνάκτωρ, Πρύπολός τε τῶν μεγίστων χθονίων ἐκεῖ τῶν ῥάνων Βασιλεὺς γὰρ ἦς, ὅφρ' ἔζης, Ch. 356; et Darius ἐκείνοις ἐνδυναστεύσας P. 691; δαίμων μεγαυχῆς 641; 620<sup>31</sup>). Cogitatio haec, quae unicuique homini insita est, manere iis, qui decesserint, aliquid potentiae in eos quos ament, eoque maiorem eam, quo minus apertam se ostendat, universam procreavit venerationem heroum, quippe qui regio amore populos, quorum reges fuissent, essent amplexi, et ab origine divina satis retinuerint auctoritatis, qua etiam apud inferos aliquid valerent. Itaque ea potentia iis assignatur, quae ipsorum est numinum inferorum, Telluris, Orci, Proserpinae, et praecipue Mercurii, emittendi eventum prosperum, ἔσθλα σοι πέμπειν τέκνῳ τε γῆς ἔνερθεν ἐς φάος P. 222; cf. Ch. 140, 143, 147, 456, 480, 497, 502; E. 598. Ideoque dicuntur βαρύντιμοι χθόνιοι θήκας κατέχοντες, S. 26. δαίμονες ἀντήλοι in θάκοις σεμνοῖς Ag. 519. Ideo promittit Orestes sese cum mortuus foret, tuiturum esse rem Atheniensium, etiam contra ipsos Argivos E. 767. In honorem heroum δεύτερος κρατήρ libari solebat, Epig. fr. 46. P. 220. Soph. apud Hesych. τρίτος κρατήρ. — Ex his opinionibus etiam repetenda est magna illa, quae execrationibus et irae mortuorum tribuitur, potestas, Ch. 40,

---

31) Amphiaraus ὑπὸ γαίας πάμπνοχος ἀνάσσει, Soph. El. 841.

324; 420, 454. 82) quam libationibus placare student, P. 610, 523; Ch. 22, sqq. Nonnulli heroes, diis carissimi, videntur esse translati in insulas beatorum: constat enim ab Aurora abductum esse Memnonem ab Achille occisum, et simile aliquid videtur inesse in loco de Iphigenia a Diana servata, Ag. 245. Cum Memnoni talis vita contingerit, vix putandum est, eam Achilli esse abrogatam. Cf. Pind. Ol. II, 79. De honore tumuli et sepulcri cf. Ag. 1548; Ch. 106, 430, 722; Th. 1008, 1058; P. 647, 1000; Soph. Antig. 1070, cett. Notum est, Aeschyli tempore maxime floruisse cogitationem de potentia heroum, cuius plurima apud Herodotum exstant exempla, e quibus id modo afferam, quod victoria Salaminia diis pariter et heroibus tribuitur VIII, 109: arcessiverant enim paulo ante proelium Aeacidas Aegina, VIII, 64, 83; ipsamque eam navem quae horum simulacra advexerat et paulo ante proelium ad classem advenerat, totius pugnae exordium fecisse contendebant Aeginetae; ib. 84; quin etiam ipsi Aeacidae flagrante certamine Aeginae visi esse narrabantur sub specie virorum armatorum, qui manus pro Graecorum classe protendissent. Plut. Them. 15.

## 12.

Amicum et comem animum magis, quam ipsi Morti et Oreo, Telluri matri tribuit Aeschylus, quae in sinum

---

82) τελοῦσ' ἀραι, ζῶσιν οἱ γὰρ ὑπαι κείμενοι Soph. El. 1417. De libationibus cf. El. 431, 895.



mortuos recipit et fovet. Hanc ipsam cogitari terram, ipsam humum, cuius pars est tumulus et sepulcrum, patet e Ch. 722: ὦ πότνια χθών καὶ πότνι ἄκτῃ Χώματος ἥ νῦν ἐπὶ ναυάρχῳ σώματι κεῖσαι τῷ βασιλείῳ, Νῦν ἐπάκουσον, νῦν ἐπάρῃσον. Hanc implorant, ut divos emittat heroes, quos se adiutores esse sperant, Ch. 489 (ὦ γαῖ, ἄνδρες μοι πατέρες ἐποπτεύσαι μάχην); cf. 127, 149, 540 (εὐχομαι γῇ τῇδε καὶ πατρὸς τάφῳ, Τοῦνειρον εἶναι τοῦτ' ἐμοὶ τελεόφορον); P. 220, 629, 640. Haec si sub Cereris Eleusinae nomine cogitatur, ipsa jam est e numero Olympiorum, eadem vero est ipsa tellus mortuos fovens, et propterea mystarum status post mortem est longe beatissimus. Sed de his cf. §. 18. Nunc e profundis terrae angulis in laetam prodeamus lucem. Tellus quatenus luce collustrata est, non magis caret veneratione, quam sinus eius profundus, qui mortuos et potentia fractos vi coerces. Haec enim telluris superficies ipsa est deorum hominumque mater παμμήτωρ (Pr. 90, cf. 1091) et alma nutrix, ex hac imbribus coelum progignit greges et victum Cerealem<sup>83)</sup> (Dan. fr. 36; Ch. 127.) haec est regum antiquissimorum mater, S. 250: haec est hominum nutrix et patria, haec in singulis partibus et provinciis viros sibi educat, qui ea, quae partu ipsa edidit, defendant. Γῇ μήτηρ φιλεῖται τροφός· Ἡ γὰρ νέους ἐρποντας εὐμενεῖ πέδῳ Ἀπαντα πανδοκοῦσα παιδείας ὄτλον ἔθρεψατ' οἰκιστῆρας ἀσπιδηφόρους Πίστους ὅπως γένοισθε πρὸς χρέος τόδε. Th. 16. sqq. ὦ Ζεῦ τε καὶ Γῇ καὶ πολιισσοῦχοι θεοί, 69; ὦν πόλις, ὦν γῇ, καὶ λευκὸν ὕ-

83) Propterea Athenis in arcis vicinia ex antiquissimo inde tempore conjunctae erant Tellus κουροτρόφος et Ceres Χλόη Paus. I, 22, 3; Thuc. II, 25; Arist. Thesm. 300; et in pago Phily-

δορ, δέξαιθ' ἐνέτην. S. 24, <sup>776.</sup> 81), Et hanc illustratam summam tellurem in Eumenidum initio nomine Phoebae indicatam puto, quam Titanidem dicit Telluris filiam, quod idem de Themide legimus, quae etiam ipsa Tellus est. Parum enim intelligimus, cuinam alii numini ante Apollinem res sit cum oraculo Delphico, nisi quod a Tellure repetitum sit ipsiusque Telluris forma et nomen.

---

unte colebantur Tellus magna dea et Ceres ἀνησιδωρα, quae dona emittit. Paus. I, 31, 4. 84) Cf. Soph. Oed. Col. 1480:

---

## II. Regnum coeleste.

---

### Jupiter.

#### 13.

Jupiter, vincto patre grandaevo Saturno, rationis auxilio Titanes superavit, mundi imperium adeptus est. Duplici jam fretus est potentiae fundamento, tam naturae tum mentis viribus supremis <sup>85</sup>). Illarum validissima est fulmen, sedet enim in coelo τοῖς πεδαρσίοις κτύποις Πιστὸς τινάσσων τ' ἐν χερσὶν πυρπνύον βέλος (Pr. 916), quo telo licet terribilissimos prosternit adversarios (ὑπερήφανον θεοῖσι τοῖσι πάρος δαίκνυσιν αἰχμάν, Pr. 404, 151, 165; Ag. 170, pro quibus omnibus describitur Typhonis clades Pr. 358; Th. 513. Et sicut hunc excussit e grandisonis jactationibus (Pr. 360), ut nunc nihil amplius valeat (ἐφεψαλώθη): ita hoc telo grandiloquum et impium quemvis iusta poena prosternere solet, Th. 444, 255, 453, 630; Ag. 470; S. 35, 94; eoque utitur contra inimicos omnes <sup>86</sup>). Cf. Th. 430; Pr. 667, 992, 1017, 1044, 1062, 1082; E. 826;

---

<sup>85</sup>) Summa potentia et sapientia ornatum vide Soph. Polyx. fr. 3.

<sup>86</sup>) Soph. El. 823, 1063; Ph. 1198; O. T. 200; Pind. Ol. XI, 80.

Argiv. fr. 16. (cf. Niob. fr. 148) quibus fulminis descriptionibus splendidiore neque exstant neque exstabant. Proprium de omnibus rebus coelestibus Jupiter exercet imperium, de nubibus (S. 780), de ventis imbrem et fertilitatem ferentibus <sup>87)</sup>, (Ag. 1391), ac sicut coelum totam terram amplectitur, ita ipse dicitur γαῖόχοος παγκράτης S. 816. Sicut validissimus, est etiam sapientissimus, πᾶν μῆχαρ οὐρίος, S. 594; quo quivis est σοφίστης καθεύστερος, Pr. 62; ἡμερον ἄνω φρόνημα Αυτόθεν ἐξέπραξεν ἔμπας ἐδράνων ἐφ' ἁγῶν, S. 100. Omnem enim rem justo et apto tempore aggreditur, Ag. 365. Utrumque ei abrogatur a Prometheo, qui contendit, per execrationem Saturni et perversa (κενόφρονα) fore eius consilia Pr. 762, et fulmina eius Neptunique tridentem inferiora futura telis illis, quae nova illa ipsius proles inventura sit Pr. 922. Sed verum est, quod Oceaninae dicunt Prometheo: tu ea, quae cupis, Jovi ominaris (Pr. 928). Neque sapientia neque potentia Jovis franguntur, sapientia enim unicum illud removet, quod potentiae suae minatur, execrationem Saturni. Sed de hac satis dictum est.

Itaque Jupiter in omne aevum tenet mundi imperium <sup>88)</sup>, αἰῶνος χρόων ἀπάνστου, S. 574: in eo enim conjugatur robur cum justitia, quo nullum contubernium est potentius (fr. 308). Justitia autem μεγατόμιμος (S. 709) tantopere eius est propria, ut ipsa eius filia perhibeatur,

---

87) Athenis erat simulacrum Telluris implorantis Jovem ut pluvium mittat, Paus. I, 24, 3; 32. 2.

88) Itaque in omnibus rebus a Jove principium faciendum est, velut in carminibus, Pind. N. V, 25; OL. II, init.; in libationibus cett.

Th. 662; Ch. 949; ut id, quod Jupiter justum esse jabet, sit justissimum, τὸ μὲν δίκαιον τοῦθ' ὅσον σθένει, μαθεῖν· Ὅρκος γὰρ οὔτι Ζητὸς ἰσχύει πλέον<sup>89)</sup>, E. 619; ut omnis igitur justitia pendeat a Jove, neque id, quod Jupiter a Prometheo dicitur παρ' ἑαυτῇ τὸ δίκαιον ἔχων Pr. 186, quod ille quidem pro convicio profert, pro mendacio sed pro vero habendum sit<sup>90)</sup>. Siquidem nullam Jupiter legem agnoscit, nisi quam ipse dedit, ἰδίῳ νόμοις κρατύνων Pr. 402; νεοχμοῖς νόμοις ἀθέτως κρατύνων Pr. 150: itaque revera est τύραννος<sup>91)</sup>, Pr. 10, 305, 310; βασιλεύς<sup>92)</sup>, Ag. 355; P. 532; Soph. Tr. 127; τραχύς Pr. 35, 186; τραχύς μόνάρχος οὐχ ὑπεύθυνος, Pr. 324; ἐλεύθερος γὰρ οὔτις ἐστὶ πλην Διός, Pr. 50. Cf. Pr. 17, 40, 77, 162, 906. Neque ullas timet Jupiter minas, Pr. 952; neque unquam duxit vel ducet suspirium Pr. 579. In quibus omnibus nihil est deo supremo indignum, nihil quod tristificum dominum indicet; imo necessario prodeunt omnia e cogitatione regis, quo nemo potentior cogitari potest. Nam quod Prometheus μηδέν μείον ἰσχύσειν Διός sperant Oceaninae, ab his eam tantum intelligi potentiam, quam ipse Jupiter concesserit, id ostendit, quod simul eum adhortantur, ut Jovis voluntati cedat Pr. 507 — 510. Et sicut inimicis inimicissimus est, τραχύς, οὐκ εὐπιθής,

89) Pind. Ol. XIII, 83. 90) Cf. §. 30.

91) ὑψημέδων θεῶν τόραννος, Arist. Nub. 563; Soph. Colch. fr. 2; θεῶν παντάρχης παντοπτής O. C. 1085.

92) Solon. fr. XXIV: πρῶτα μὲν εὐχόμεσθα Διὶ Κρονίδῃ βασιλῆϊ, Θεσμοῖς τοῖςδε τύχην ἀγαθὴν καὶ κῆδος δπάσσαι. — Cf. Pind. Ol. VII, 34; N. V, 35; Isthm. VI, 5. Böttig. myth. techn. p. 31.

Pr. 333; ἄγραμpton et ἀπαράμυθον ἔχει νόον, Pr. 163, 185; S. 86, 1056: tamen non innocentes pariter atque impios condemnat. Cf. Pr. 331. Sed de his postea. Pronuntiare voluit Aeschylus et disertis verbis stabilire sententiam, omnia, quaequae existant, esse in Jovis arbitrio, qui πάντ' ἄνω τε καὶ κάτω Στρέφων τίθῃσιν οὐδέν ἀσθμαίνων μένει, E. 650. Eius ministri sunt Κράτος et Βία, qui ipsi omnia perficiunt, nisi quod diis ipsi non imperant, sed per eos Jupiter (Pr. 49), cui obtemperant sine ulla mora, cui πάρεστιν ἔργον ὥς ἔπος, σπεῦσαι τι τῶν δούλιος φέρει φρήν. S. 598. Et quantumvis magnum sonat Promethei confidentia: πάντως ἐμέ γ' οὐ θανατώσει Pr. 1053, 933; aliter tamen ipsi aerumnis fracto res sese habere videbatur, in Pr. sol. fr. 179 enim conqueritur: «sic me viduus pestes excipio anxias, Amore mortis terminum anquirens mali. Sed longe a leto numine aspellor Jovis.» Et immortalitatem etiam dari et adimi posse a Jove, inde prodit, quod deum aliquem posse subire Orcum pro Prometheo statuit (Pr. 1029), Io vero deam facit immortalem <sup>93)</sup> Pr. 834. S. 41. Unum tantum negat Apollo Jovem perfecisse, ἐπιδάς <sup>94)</sup>, quibus mortui in vitam revocarentur, E. 649. Quamquam ne nimium aliquod ex hoc loco eliciamus, ne hoc quidem eum non potuisse dicendum est, sed noluisse. Erat enim Aesculapius peritus in revocandis mortuis in vitam, hunc vero haud cunctanter Jupiter coercuit. Ag. 1024; Pind. Py. III, 57.

Epitheta, quibus supremam Jovis potentiam declarat

93) Immortalitatem donat Jupiter etiam apud Soph. Mutor. fr. 1; Pind. Ol. 1, 63; Nem. X, fin.

94) Ζεὺς πάντων αὐτὸς γάρμακα μούνος ἔχει Simonid. fr. X. Br.

Aeschylus, a Welckero (Tril. p. 99) habes collecta: cum quibus conferas, quae nos de eius potentia super fatum et Parcas posita monuimus. Homericam etiam imaginem Jovis fata ponderantis recepit Aeschylus, et ita, ut in ipsius arbitrio poneret, cuinam tribuere vellet victoriam: alioquin enim inepte Thetidem et Auroram eum implorantes adduxisset. Et diserte dicitur Jupiter decernere et gubernare momentum trutinæ: σὸν δ' ἐπίπαν ζυγὸν τάλαντου, S. 822. Cf. Th. 21: εὖ ῥέπει θεός. — S. 403: Ζεὺς ἑτεροῦρρεπῆς νέμων εἰκότως ἄδικα μὲν κακοῖς, ὅσσια δ' ἐννόμοις 95).

14.

Jupiter cum fratribus duobus, Neptuno et Orco, mundi imperium partitur, ita ut in sua quisque ditione summum exercent dominatum. Et quia in mari eadem Neptuni est potentia, quae Jovis in coelo, ipse ab Aeschylo dicitur Ζεὺς πόντιος, cf. Paus. II, 24, 5. Etym. m. p. 409; et eadem ratione Orcus dicitur Ζεὺς ἄλλος, S. 231; Ζεὺς πολυξενώτατος τῶν κεκημηκότων, S. 157. 96); ac sicut Jovi servatori tertia effunditur libatio (τρίτην Διὸς σωτῆρος εὐχταίαν λίβα, Epig. fr. 46.) ita tertio ictu Clytaemnestra ferit Agamemnonem, (Αἰδὼν νεκρῶν σωτῆρος εὐχταίαν χάριν, Ag.

95) Idem dicit Theognis 157: Ζεὺς τάλαντον ἐπιρῥέπει. Contra in locis Homericis momentum non assignatur, sed cadit, accidit, ῥέπει δ' Ἐκτορος αἵσιμον ἡμᾶρ, neque tribuit Jupiter sed experitur fatum.

96) Cf. Soph. O. C. 1606. (Ζεὺς χθόνιος). Alibi est Διὸς αὐθαίμων Tr. 1041, 1057. Colebantur Corinthi una Ζεὺς, ὅς οὐκ εἶχεν ἐπίκλησιν, Ζεὺς χθόνιος et Ζεὺς ὑψιστος Paus. II, 2, 8. χθόνιος etiam Olympiac Paus. V, 14, 8.



1387). E quibus minime apparet, eundem Jovem cogitari dominum supremum coeli, maris et inferorum, imo diserte discernuntur <sup>97)</sup>: sed haec inde elucent, unicuique supremam in sua regione esse potestatem, elucet etiam, Jovem inter fratres esse principem, quia ipsius nomine vocantur, ubi summa eorum declaranda est potentia, elucet denique, eandem unumquemque in sua regione dedisse et exercere legem. Ratio qua conjunguntur ea est, quae in Homeri loco Il. XV, 187 <sup>98)</sup> explicatur, e quo eodem apparet, Jovem tamen esse potentissimum: quod quin ab Aeschylo etiam statutum sit, non est quod dubitemus. Nullum vero in Aeschylo ullius fratrum discordiae reperitur vestigium: imo ne Orci honores minuantur, sine ulla mora Aesculapium Jupiter interimit, Ag. 1024: certis enim finibus superiorum et inferiorum jura discrevit neque commune quidquam est mortuis cum superis. Soph. Ant. 1072. Xerxis in Neptunum insolentiam (P. 750) Jupiter ulciscitur *εὐφρονος βαρὺς* P. 828, 740. Et contra validissimus Jovis adjutor in bellis contra adversarios est Neptunus, Pr. 925; Jovisque auctoritatem agnoscunt Furiae, quae ad Orci regnum pertinent; E. 229, 365, 622, 640, 652, 676, 918; et a Jove contra impios mittuntur Ag. 56, 748; E. 365; Orcusque ipse apud inferos condemnat eos, qui

---

97) Versus illos a Clemente servatos (fr. 304) non esse ab ipso Aeschylo profectos, ostendit inanis illa oppositio coeli et aetheris. Clementi in hac re fides nulla est, nisi forte scripsit *Εὐφροῖων ὁ τοῦ Αἰσχύλου* (codd. exhibent *Εὐφροῖων ὁ τὸ Αἰσχύλος*) ut Euphorion, servato paternae poeseos colore, Euripideae aliquid immiscuerit philosophiae.

98) Soph. Tr. 499.

adversus deos, parentes, hospites impie egerunt 99) (E. 269), quorum sanctitatem Jovis legibus videbimus constitutam.

Reliqui dii Olympii Jovi pares non sunt (Pr. 50), sed eius imperio obtemperant, et ita quidem, ut summam suam quisque potestatem summumque honorem a Jove repetat, ut in Jovis natura, quod in unaquaque reliquorum natura summum est, contineatur. Junonis summa dignitas ea est, quod Jovis est uxor nuptiisque prospicit, id quod Jupiter non minus agit, quam ipsa, itaque ubi huius rei ratio habetur, fere ubique consociati invocantur E. 211; Epigon. fr. 46; fr. 327. Hunc igitur honorem tuetur suoque jure tuetur, sed suo etiam jure Jupiter alias ducit uxores, quia quidquid facit est justissimum. Itaque rixa oritur (S. 298) usque donec Jupiter καταπαύει Ἡρας νόσους ἐπιβούλους, S. 586. Severitas, qua honorem suum Juno tuetur, revera est divini numinis, quippe quod non possit non custodire suam divinitatem: itaque eandem cernimus in iis, quae Jupiter agit, et maxime quidem in ratione, qua Prometheus tractat. — Veneris proprium est tum amare, tum parare amorem et nuptias inter homines et in universa natura. De amoribus Jovis postea dicendum est, de nuptiis diximus: magna vero illa naturae vis genitrix, quae si alteram rationem respicis, Veneri, si alteram, Cereri debetur, in eodem Jove habet originem, S. 689: καρποτελεῖ δέ τοι Ζεὺς ἐπιχραινέτω φέρματι γᾶν πανώρω, Cf. Ag. 1391. Eadem vis genitalis, alia quidem ratione cogitata, Dianae tri-

---

99) Pind. Ol. II, 58: καὶ δ' ἐν τῇδε Διὸς ἀρχῇ Ἀιτῶν κατὰ γᾶς  
δικάζει τις ἐχθρῶν λόγον ἱερῶσιν ἀνάγκη.

buitur S. 676. — Mercurii triplex est natura, tum ut significet rationem quae inter Orcum et Jovem intercedit, inter Jovem Olympium et inferum: quam eandem rationem duplici illa vocis *Διός* significatione declaratam ostendimus. Tum, id quod peculiare eius munus est, facit ut hominibus contingant, quae suscipiant, adjuvat eos *εὐ- πόμπῃ τύχῃ* (E. 93): fortunam vero ut assignet nemini magis est proprium, quam Jovi Ch. 785: *Ζεῦ -- δός τῷ- χάς μοι τυχεῖν* <sup>100</sup>). Etiam servatoris munus, quod Jovi cum Orco est commune, tribuitur Mercurio Ch. 2: itaque optime dicitur *πατρὶ' ἐποπτεύων κράτη*, Ch. 4. <sup>101</sup>). Praeterea fidus est Jovis minister, neque agit quidquam nisi quod a patre jussus est Pr. 941, 969; et is pro maximo eius habetur honore, quod Jupiter eius munus honorat (*σέ- βει*) E. 92. Mars tum bellum indicat, tum virilem potestatem propulsandi, Jovis vero est et summum de bello arbitrium <sup>102</sup>) (*Διόθεν πολέμοκρανον* Th. 161; P. 532) et validissima pugnandi potestas, *οὐπω τις εἶδε Ζῆν' ἄ που νικῶ- μενον* Th. 511; E. 918; S. 85, 1052, 1063. Bacchi summa natura est violentia, qua divinum numen homines corripit. Eandem habes in Jove, et in hoc quidem compensatam divina comitate, quam si solam et nudam consideras et ipsam in moribus dei alicuius habes repraesentatam, in Vulcano. Jovi vero; utramque et comitatem et violentiam

---

100) Cf. de utroque Pind. Ol. VI, 81: *σὺν βαρυγδούπῃ πατρὶ κραίνοι σέθεν εὐτυχίαν.*

101) Caduceum, quo mortuos deducit Mercurius (Pind. Py. IV, 178), Orco tributum vide Pind. Ol. IX, 33.

102) Idea *τρεπᾶτος* Soph. Tr. 303; Ant. 143. Eur. Heracl. 870, 940. Cf. Tyrtae. eleg. II, 2.

tiam tribuit locus egregius S. 1068: *εὐμενέῃ βίᾳ*. Et per se jam patet, hos omnes qui Jovis liberi perhibentur, Dianam, Mercurium, Bacchum, Vulcanum et Martem accepisse honorem et potestatem a Jove. Cf. Pr. 229: *δαίμονιν νέμει γέρα Ἄλλοισιν ἄλλα καὶ διεστοιχίζετο Ἀρχὴν* <sup>103)</sup>. Generale deorum Olympiorum cognomen est *Διογενεῖς* S. 630; Th. 301; Ch. 784 <sup>104)</sup>; E. 618; Jovis adversarii omnibus diis sunt invisī, Pr. 37, 120: qui si aliter sentiunt, velut Vulcanus, Pr. 14, et qui indicantur Pr. 159, tamen nihil contra eum valent, Pr. 40, 17, 68, 77; quippe cuius vires omnium deorum robore longe sint superiores, Typhon enim, qui omnibus diis restitit, a solo Jove contunditur Pr. 362. <sup>105)</sup>.

Maxima vero haec apparent in iis, quibus nullum maiore pietate Aeschylus venerabatur, Minerva et Apolline. Minerva maxime excoellit tum sapientia, *τῇ φρονεῖν*, tum facundia, *θέλκτορι πειθοῖ*, quam utramque Jovi acceptam refert, *φρονεῖν δὲ καὶ μοῖ Ζεὺς ἔδωκεν οὐ κακῶς*; E. 850, et Jovis ipsius summum est cognomen *ἡμερον ἄνω φρόνημα*, S. 100; et de splendidissima victoria, quam per facundiam acquisivit, non ipsa gloriatur Minerva sed ad patrem gloriam transfert, *ἐκράτησε Ζεὺς ἀγοραῖος*, E. 973. Is omnino illustrissimus est Palladis honor, quod pro carissima et longe optima Jovis filia celebratur, E. 664 sqq. 738 (*κάριτα δ' εἰμι τοῦ πατρός*); cf. 1001, 1045. Propter ea soli huic ex omnibus superis libere fulmine uti licet

103) Sorte honorem in singulis terris inter deos Jupiter distribuit et ipse deinde possessionem confirmat, *κατανεύει*, Pind. Ol. VII, 67; N. I, 14.

104) Soph. El. 659; Tr. 275.

105) Pind. scol. fr. 7.

(E. 827). — Apollinis <sup>106</sup>) summi honores omnes de Jove etiam praedicantur. Est *ἀγνός, καθάρσιος, Λοξίας, Παιών, σωτήρ, ἀπαγώνιος, ἀπότραπος, vindex*. *ἀγνός* dicitur Jupiter S. 652, ideoque iudicium de foedis impiisque facinoribus aspernatus Furiis mandat, E. 365. Deinde primus Jupiter lustravit <sup>107</sup>) *Ιχίονεμ τὸν πρωτομνησῆ* E. 718; *σταλαγμοῖς αἵματος χοιροκτόνου* *Αὐτός νιν χραίνων καταστάξας χερσῖν* fr. 340. (Cf. E. 283.) Oracula Apollo neque ipse excogitavit neque sua auctoritate confusus pronuntiat: *οὐπῶποι' εἶπον μαντιφοῖσιν ἐν θρόνοις, Οὐτ' ἀνδρὸς, οὐ γυναικὸς, οὐ πόλεως πέρι, Ὅ μὴ κέλευσε Ζεὺς Ὀλυμπίων πατὴρ*, E. 618. Jupiter enim *τέχνης νιν ἔνθεον κτίσας, φρένα Ἴξι τεταρτων τόνδε μάντιν ἐν θρόνοις, Διὸς προφήτης δ' ἐστὶ Λοξίας πατὴρ*, E. 17. Idem invenies E. 713, 797; fr. 74. <sup>108</sup>). Paeon in Ius fabula Jupiter praedicatur <sup>109</sup>); vindictam sumit Furiis immissis; inter *ἀγωνίους* uterque recensetur, S. 189. cf. Soph. Tr. 26. *σωτήρ* e. maxime sollemnibus Jovis est nominibus, *ἀλεξητήριος* vocatur Th.

106) Pindaro Apollo et Musae gignuntur, quia dii Jovem precantur, in eius nuptiis, ut novos sibi deos crearet, a quibus ipse posset celebrari, hymn. fr. 3.

107) In Attica pro *καθαρίῳ* colebatur Ζεὺς *μελιχίος*. Cf. Plut. Thes. 12. Thuc. I, 126. Paus. I, 37, 4. Eustath. Odys. p. 1935: *Διὶ Μελιχίῳ ἐν τοῖς καθαρμοῖς φθίνοντος Μαιμακτηριῶνος, ὅτε ἤγοντο τὰ πομπαῖα καὶ καθαρμῶν ἐκβολαὶ εἰς τὰς τριόδους ἐγένοντο.* — *καθάρσιος* ipse Olympiae Paus. V, 14, 8.

108) Cf. Soph. O. T. 151, 498; O. C. 793; Tr. 1161, 172. Pind. Ol. VIII, 44. Ideo Jupiter oraculorum Apollinis honorem tuetur Soph. O. T. 903; O. C. 623, 793. *Τῖρεςιαν προφήτην* *Διός*, Pind. N. I, 61.

109) Cf. Pind. Py. III, 67.

8. 110). Quatenus pro sole habetur Apollo vocatur Ζηνὲς ὄρνις (praeco) S. 212. Summusque Apollinis honor is est, quod μέγας παρὰ Διὸς θρόνοις λέγεται E. 229.

Vides quidquid summae est in deorum naturis et muneribus dignitatis summaeque potentiae in Jovis natura esse conjunctum: tamen non ita, quasi nihil amplius sint illi, nisi quod etiam in Jovis natura positum est, sed habet suam quisque indolem, certam eam et definitam, quam explicabimus ubi de singulis dicemus. Jovis autem auctoritate quaevis deorum rixa dirimitur, Jupiter proprie invocatur ἄναξ ἀνάκτων, μακάρων μακάροτατε, καὶ τέλειων τελεῖτατον κράτος ὄλβιε Ζεῦ <sup>111)</sup>, qui si preces exaudit, res evenit (πειθοῦ τε καὶ γενέσθω) S. 526. Propterea ubicunque conjunctim dii complures invocantur et adorantur, ex eorum numero est Jupiter, et princeps quidem, ut modo praemittatur eius mentio, modo postea addatur <sup>112)</sup> ut quo omnia confirmentur (τελειότατος). Talia apud Aeschylum haec habes: Ζεῦ τε καὶ Γῇ καὶ πολιουσούχοι θεοί, Th. 69, eosdem 822, 1074; deinde ξυτελείαν illam Thebanorum deorum πανήγυριν, Th. 251, 220, 166, quam enumerat Th. 117: Ζεῦ πάτερ, Διογενὲς Παλλὰς, Ποσειδᾶν, Ἄρης, Κύπρις, Απόλλων Ἀντίοχος, Ἄρτεμις, Ἥρα. Tum patrios <sup>113)</sup> Delphorum deos: Tellurem,

110) Cf. Soph. Aj. 187. Pind. Ol. VIII, 85.

111) Θεῶν ἄτε πλέον τι λαχὼν, Pind. fr. inc. 6.

112) ἔχει γὰρ ἔδραν Ζεὺς ἐν ἐσχάτῳ θεῶν, Soph. fr. inc. 82. cf. Arist. Thesm. 369: Ζεῦ, τοῦτο κυρώσεως, ὥσθ' ἡμῖν θεοὶς παρασταιεῖν.

113) Patrios deos Coloni Soph. O. C. 705: Bacchum, Musas, Venerem, Jovem, Minervam, Neptunum.



Themidem, Phoeben, Phoebum, Palladem, nymphas Corycias, Bacchum, Plistum fluvium, Neptunum, καὶ τέλειον ὑψιστον Δία. E. 1—28. Argivorum deos ἀγωνίους, S. 209. Jovem, Apollinem, Neptunum, Mercurium; Ag. 509: Jovem, Apollinem, Mercurium, reliquos. Deos partui et juventuti faventes Dianam, Apollinem, Jovem S. 676—689. Numinibus nuptiis faventi et adversanti, Veneri et Dianae arbiter additur Jupiter S. 1031; cum Apolline et Panem mittit Furiis, Ag. 56; <sup>114)</sup> cum Apolline et Minerva Orestii faventibus Jupiter servator conjungitur, E. 760; idem servator tertius <sup>115)</sup> additur superis et heroibus S. 27; additur etiam Jupiter servator Jovi et Junoni nuptiarum tutoribus et heroibus in libatione, Epig. fr. 46; additur

114) Idem, Pan, Apollo, Jupiter conjunguntur Soph. Aj. 693—708. Praeterea Jupiter apud Sophoclem conjungitur cum Mercurio, infero, Furiis, Sole, Morte Aj. 831; Jupiter, Justitia, Furiae, Aj. 1389; (propterea Jupiter dicitur ἀρχαῖος Phil. 1183); Jupiter, Apollo, Diana, Bacchus, O. T. 201; Jupiter, Minerva, Apollo O. C. 1085 sqq. (de his conjunctis vide Buttm. Mythol. I, p. 29; Demosth. Mid. 54. a.) — Cf. Pind. Ol. V, ubi Camarina, Pallas, Jupiter. Arist. Thesm. 315: Jupiter, Apollo, Minerva, Diana, Neptunus, Nereides, Oreades; Equ. 942: Jupiter, Apollo, Ceres; Nub. 563: Jupiter, Neptunus, Aether, Sol; Plut. 81: Apollo καὶ θεοὶ καὶ δαίμονες καὶ Ζεῦ. Et in oraculo Delphico (Plut. Aristid. 11); Jupiter, Juno Cithaerona, Pan, nymphae Sphragitides.

115) Cf. Soph. Naupl. fr. 1. Ζεῦ. πανσέλυπε καὶ Διὸς σωτηρίου Σπονδῇ τρίτου κρατήρος. Hesych. τρίτος κρατήρ. Pind. Isthm. V, 7. De servatore Athenis in arce culto vide Arist. Plut. 1176. c. schol.



denique nūminibus Κράτει et Διῶν, ut faustissima declaratur victoria. Ch. 244.

15.

Explicanda jam est Jovis cum mortalibus ratio. Exstabant homines, cum rerum potitus est, quī miseri diem degebant, νῆπιοι, somniorum imaginibus similes, et sine ratione omnia agebant, Pr. 443. Quod genus inane et debile aspernatus extinguere constituit αἰσιώσας γένος τὸ πᾶν, Ἐχορῆσεν ἄλλο φρεσὶν νέον. Pr. 233. Itaque ne id quidem Dissenio (Welck. Tril. p. 93.) largiri possumus, initio placuisse Jovi dominatum de hominibus ratione carentibus bestiarumque instar viventibus, imo tale imperium deo viribus alacribus et juvenilibus rem aggressō tantopere displicet, ut indignum censens conatum, quō paulo melius reddatur, quod funditus ac penitus egregium reddi non possit, aliud novum procreaturus sit, quod sibi satisfaciat. Resistit ei in hac re Prometheus, qui cum hominibus ignem communicat superis furto ereptum, et cum igne rationem suscitāt artesque docet. Prometheus de furto, seditioso facinore, Jupiter ulciscitur, hominibus vero, quos jam divino favore non prorsus indignos videt, favere coepit: στρεπτοὶ δὲ τε καὶ θεοὶ εἰσιν Il. IX, 497<sup>116</sup>). Quaeris, qua in re hunc favorem ostenderit. Apertum est, in amore. Pulchritudo puellae mortalis ex illo genere, quod jam per Prometheus honestius redditum est

---

116) Cf. Danaes preces in Simonid. fr. μεταβουλία δὲ τις φανείη  
 Ζεῦ πάτερ ἐκ σέο. ὅτι δὲ θαρσάλεον ἔπος εὐχομαι, τεκνύ-  
 μι δίκην οὐγγνωθί μοι.

(Pr. 613), Jovis ἔρωτα, Jovis ἡμερον sibi conciliat (Διὸς κέαρ θάλλπει ἔρωτι Pr. 530, 650, 654). Ea re homini Graeco, qui naturali omnia cogitabat ratione et quae in sensus cadit, genus humanum testari videbatur, se ipsum esse altioris, esse divinae dignitatis<sup>117</sup>). Minime dubium est, quin res ita se habeat. Jupiter enim deus potentissimus et supremus tamen, sicut omnes dii reliqui, ἀνθρώποειδής cogitabatur (Arist. Met. p. 46, 22. Br.) humano more (quamquam non vulgari cf. Solon. V, 25) irascitur (Pr. 376, 390; P. 478) et aspernatur: humano more amat<sup>118</sup>); sed tali more humano, qui ipse divinus est dicendus<sup>119</sup>). Nam ex his cum puellis mortalibus connubiis prodit genus heroum, φητεύεται illud γένος νέον (Ζεὺς ἐφάπτωρ χειρὶ φητεύει γόνον S. 312.), quod Jupiter; qui πᾶν ἔπος τελεῖ (Pr. 1033) paraturus erat (Pr. 233): et de toto hoc heroum genere dicendum est, quod de τοῖς περὶ Τάνταλον praedicat Niobe Aeschylea fr. 145: οἱ θεῶν ἀγγίσποροι, Οἱ Ζηνὸς ἐγγυὲς, οἷς ἐν Ἰδαίῳ πάγῳ Διὸς πατρὸς βωμὸς ἐστ' ἐν αἰθέρι;

117) Gloriantur propterea urbes puellis, quae Jovis amorem sibi conciliaverint, quod de Argis dicit Pind. Nem. X, 10: καὶ γυναιξὶν καλλιόμοισιν ἀριστεύει. πάλαι Ζεὺς ἐπ' Ἀλκμάναν Δανάαν τε μολὼν τοῦτον κατέφανε λόγον. cf. de Thebis Isthm. VI, 5. Et inter mala, quae Cadmī domo accidunt, unum est bonum magnum, quod Jupiter Semelam amore amplectitur. Pyth. III, 98.

118) ἔρωτ' ἀπέλογειν οὐδ' ὁ παγκράτης σθένει Ζεὺς ἀλλ' ὑπέκχει καὶ θεῶν ἐγκλίνεται. Soph. Phaedr. fr. 3; cf. int. 23, 50 (e dr. satyr.); Antig. 499.

119) Quod ex Io Epaphum gignit πρέπων βούθροφ ταύρω δέμας, religiose attingit poeta S. 301. cf. S. 40.

κοῦπω σφιν ἐξίτηλον αἶμα δαίμόνων. Itaque deorum dominus sane βίαιος est ἐς τὰ πάνθ' ὅμως (Pr. 737), sed βίη εὐμενεῖ κτίσας (S. 1068) divinum genus mortaliū. Non potest puellae ipsi, cuius amore correptus est, non assignare molestias, ἐπιβόηπτειν πλάνας πολυδότους Pr. 738: ipsi enim divinos constituit honores, quos, cum genus mortaliū, quamvis recreatum, tamen fragile maneat (Pr. 547), nonnisi per summos adipisci potest labores. Omni-  
no est Jovis, ut doceat per dolorem, πάθει μάθος θείναι κυρίως ἔχειν (Ag. 177); et hoc erat e communi Graecorum more cogitandi, quod de se ipso profert Hercules Sophoclis, Phil. 1413: ὅσους πονήσας καὶ διεξελθὼν πόνοὺς Ἀθά-  
νατον ἀρετὴν ἔσχον ὡς πάρεσθ' ὄρῳ. Atque, id quod ini-  
tio errorum Ioni praedictum est ab oraculo Dodonaeo (Pr. 831), postquam iter emensa est, redditur Διὸς κλεινὴ δά-  
μαρ Pr. 834; βία δ' ἀπημάντω σθένει καὶ θείαις ἐπιπνοίαις Πάύεται, S. 576; Jupiter eam πημιονᾶς ἐλύσαι' εὖ χειρὶ  
παιωνίᾳ κατασχέδων, S. 1005; ipsaque dea deum parit  
Eraphum, παῖδ' ἀμεμφῇ δι' αἰῶνος μακροῦ πάνολβον celt.  
S. 58. Prodit ex hoc genus divini roboris plenum, prod-  
it Hercules, qui etiam labore divinos sibi conquirat ho-  
nores. Et gloriatur hoc genus sancta origine, confidit Jo-  
vi proavo, S. 19, 168, 531, 1063; cf. Th 140. Pr. sol.  
fr. 182<sup>120</sup>). Itaque et his et omnibus hominibus, qui ἐξ  
ἐνπατριδῶν nati generis originem a Jove vel a Jovis ali-

---

120) Soph. Aj. 387; Tr. 140, 288. — πατρὸθεν ἐκ Διὸς εὐχονται,  
Pind. Ol. VII, 2. cf. VI, 49; VIII, 16; ὅμμε θ' ἐκλάρω-  
σεν πότμος Ζηνὶ γενεθλίῳ, IX, 56; Nem. III, 65; V, 7;  
VII, 50.

ἡνὸς filio repetunt, Jupiter est πατήρ φυτουργός; γένους παλαιόφρων μέγας τέκτων S. 592, γεννήτωρ S. 206; ὁμαίων S. 402 <sup>121</sup>); Jovisque filii mortales honorantur cognomine Διογενούς, quod deorum est proprium, velut Amphion, Th. 528. Attamen sicut omnino Διὸς ἕμερος οὐκ εὐθρήρατος ἐτύχθη πάντα τοι φλεγέθει καὶ σκότῃ μελαίνῃ ξὺν τύχῃ μερόπεςσι λαοῖς <sup>122</sup>) S. 86, decet puellam mortalem, minime desiderio harum nuptiarum summarum (Pr. 648) capi, neque ulla tantopere religione metuque humano egebat, ut non potius cum Oceaninis profiteretur μήποτε, μήποτέ μ', ὦ Μοῖραι, λεγέων Διὸς εὐνάτειραν ἴδοισθε πέλουσαν, Pr. 895; cf. 759, itaque ut Jovis desiderio satisfaceret, opus semper erat illa violentia benevola, qua versus Io et Inachum agit. Una tantum mortalis audacius sensit, Semele, et quomodo Semele ἐνθεαζομένη (fr. 204) interierit, ipse Aeschylus exposuit in tragoedia (cf. Welck. Tril. p. 328.). Quomodo Jupiter summa amorem coercuerit sapientia, haud dubie erat expositum in Prometheo soluto.

Cordi est Jovi genus humanum divinis viribus auctum, et ita quidem ut jam omnes adornet atque disponat res humanas <sup>123</sup>), summa usus et potentia et justitia et clar-

121) Soph. Antig. 658, 487; propterea etiam ἐρχεῖσθαι, ib. et ἐφίσαιος Aj. 492. γενέθλιος Pind. Py. IV, 167. cf. not. 120.

122) ἕμερος hoc loco significat voluntatem, ut Ch. 299 et saepius, Sententia congruit cum Sophoclea Antig. 604 sqq.

123) Ipse iis tribuit indolem, mores, ἰννατός: Ζεὺ μεγάλαι δ' ἀρεταὶ θνατοῖς ἔπονται ἐκ σέθεν Pind. Isthm. III, 4; cf. not. 35 et 126.

mentia. Est enim τέλειος <sup>124)</sup>, rata facit, quae homo optat (εὐχὰς τελεῖ Ag. 973), ea quidem, quae cum lege aeterna, qua mundum gubernat, concinunt: reliquis ἄθελκτον S. 1056, δυσπαραίτητον Pr. 36, οὐκ ἐπιθῆ Pr. 333, se ostendens. Scilicet quod semel jussit, irritum reddi nequit: ψευδηγορεῖν οὐκ ἐπίσταται στόμα Τὸ Δῖον, ἀλλὰ πᾶν ἔπος τελεῖ Pr. 1032; πίπτει δ' ἀσφαλὲς οὐδ' ἐπὶ νώτῳ, Κορυφαῖ Διὸς εἰ κράνθῃ προῦγμα τέλειον S. 90, neque ea quae constituit mutantur πλὴν ὅταν κείνῳ δοκῇ Pr. 258. Hoc enim ubique tenendum est, non dirigi solum legem aeternam a Jove, sed esse eam in ipsa Jovis mente positam, et inesse in quacunque eius voluntate omnem sanctitatem pariter ac potestatem, quae legis est: σὸν δ' ἐπίπαν ζυγὸν ταλάντου, τί δ' ἄνευ σέθεν θνάτοισι τέλειόν ἐστι; S. 822; agitur quidvis διαὶ Διὸς παναιτίου πανεργέτα· τί γὰρ βροτοῖς ἄνευ Διὸς τελεῖται; Ag. 1495 <sup>125)</sup>, et ne ullum quidem scelus οὐ θεόκραντόν ἐστιν, mentem enim humanam deorum dirigit et mutat arbitrium <sup>126)</sup> S. 1016, et per al-

<sup>124)</sup> Pind. Ol. XI, 115; Pyth. I, 67.

<sup>125)</sup> Πλὴν Διὸς οὐδεὶς τῶν μελλόντων ταμίας, Soph. Tereï fr. 5; πάντα κραίνων Trach. 127. cf. 1280; vitaeque universae moderatorem habemus Jovem Ph. 989, 1415; Antig. 2; Oed. T. 738; 162; Oed. C. 1079, 1435; Phaedr. fr. 8, inc. 80; Ζεὺς πάντων ἐφορᾷ τέλος Solon. V, 17; τέλος μὲν Ζεὺς ἔχει πάντων ὅσ' ἐστὶ καὶ τίθησ' ὅλη θέλει, Simonid. fr. IV; Pind. N. X, 29; Ζεὺ πάτερ πᾶν τέλος ἐν τινὶ ἔργων. Isthm. IV, 52; Ζεὺς τὰ τε καὶ τὰ νέμει, Ζεὺς δὲ πάντων κύριος.

<sup>126)</sup> Quod Jovi diserte tribuit Archil. fr. 38: τοῖσιν ἀνθρώποισι θυμὸς γίγνεται θνητοῖς ὁκοῖον Ζεὺς ἐφ' ἡμέρην ἄγει. secu-

terum scelus alterum Jupiter ulciscitur. Itaque in omnibus rebus humanis revera eius numen viget. Jupiter enim reges constituit <sup>127)</sup> Ag. 43; E. 626; P. 762; comitiis et orationibus praest *ἀγοραῖος* E. 973 <sup>128)</sup>; plebiscita gubernat S. 624; civitates tuetur E. 919, 997, 1001 <sup>129)</sup>; domus et gentes elevat Ch. 262; Ag. 677; S. 140; hominum sortem gubernat Ag. 1036 <sup>130)</sup>; eos juvat <sup>131)</sup> Ch. 788; S. 209; facit ut desperata hominibus contingant <sup>132)</sup> Ag. 970; cf. Th. 227; tribuit κράτος S. 1069; Ch. 244; discriminis eventum constituit Ch. 855; S. 210 (*κείνου θέλοντος εὖ τελευτήσει τάδε*); mala et hostes averruncat <sup>133)</sup> Ch. 775; Th. 9, 117, 255; mala etiam assignat <sup>134)</sup> Th. 948; per mala φρονεῖν βρότους ὀδώσας <sup>135)</sup> Ag. 176. Jovem

---

tus Hom. Od. XVIII, 135. Itaque sanam mentem a Jove precatur Pindarus N. VIII, 35.

127) Soph. Phil. 140; Ant. 304.

128) Arist. Equ. 411 (cf. schol.), 500; Eur. Heracl. 70. Propterea Ζεὺς βουλαῖος et Ἀθηνᾶ βουλάτα in curia Atheniensium, Antiph. de choreut. p. 146.

129) Itaque Atheniensibus est Ζεὺς πολιεύς Paus. I, 24, 4. Cf. Solon. XV, 1.

130) Διὸς τοι μέγας νόος κυβερνᾷ δαίμον' ἀνδρῶν Pind. Pyth. V, 114.

131) Soph. O. C. 642; Trach. 201; Pind. Isthm. III, 76; IV, 29.

132) Cf. Archil. fr. 31: χρημάτων ἀελπτον οὐδέν — ἐπεὶ δὲ Ζεὺς πατήρ Ὀλυμπίων ἐκ μεσημβρίνης ἔβηκε νύκτα cett.

133) Soph. Oed. C. 143, 1485; Aj. 824; Pind. Ol. XII, 1.

134) Clades Persarum Salaminia, Graecis salutaris, egregie dicitur Jovis imber Pind. Isthm. IV, 49.

135) Cf. Sol. fr. V, 18—26 sicut ventus purgat et illustrat coelum, τοιαυτή Ζηὸς πέλεται τίσις, οὐδ' ἑφ' ἑκάστῳ Ὡσπερ θνήτὸς ἀνὴρ, γίγνεται δὲ ὕχολος.



implorant qui a morte doloris finem cupiant Pr. 583 ; P. 915. Jupiter γυναικῶν ὥπασεν γένος <sup>136)</sup>, Th. 256. Quomodo singulos singulorum deorum honores in se ipso conjungat, expositum est. Quidquid agit, hominis instar manu agit: ἐπαφῶν ἀταρβεῖ χειρὶ καὶ θιγῶν μόνον Pr. 849; αὐτόχειρ ἄναξ S. 592; ἀμφιθαλὴς Ζεὺς ἐπὶ χεῖρα βάλοι Ch. 394. Manu enim trutinam dirigit, qua omnia gubernat et attribuit. Itaque praedicatur κλάριος S. 360; παντόπτης <sup>137)</sup> S. 139; E. 1045; cf. Pr. 313; παγκρατής Th. 255; E. 918, ὑπατος <sup>138)</sup> Ag. 55, 505; S. 595; σωτήρ <sup>139)</sup> Th. 520 (cf. §. 14. fin.) ἀφ' ἱκτωρ S. 1; κτήσιος <sup>140)</sup> S. 445, 689; Ag. 1014. Neque est qui eius voluntatem evitet, οὐποτε τὰν Διὸς ἀρμονίαν θνατῶν παρεξίασι βουλαί, Pr. 551, cf. 906; Διὸς οὐ παρβατός ἐστιν μεγάλα φρενὴν ἀπέρατος, S. 1048. Itaque quantumvis aliquis quaesiverit atque huc illuc cogitaverit, ubinam in tanta rerum omnium fragilitate stabile quidquam ac solidum posset inveniri, curis se liberare non poterit, nisi Jovi confisus: Ζῆνα δέ τις προφρόνως ἐπινίκια κλάζων τεύξεται φρενῶν τὸ πᾶν Ag. 150 — 183 <sup>141)</sup>. Et in universum qui-

---

136) Simonid. II, 72, 93, 115.

137) Soph. El. 175, 659; Oed. T. 498; Oed. Col. 704; Ant. 184.

138) Athenis cultum vide Dem. Mid. 15, d; cf. n. 147.

139) Pind. hymn. fr. 2. cf. not. 115. De hoc Athenis in arce culto cf. Corp. inscr. 157; Boeckh. Civ. oec. II, 255; Arist. Plut. 1176 c. schol. Eundem dicebant ἐλευθέριον. Ita Jovem ἐλευθέριον et τύχην σώτειραν conjunctos habes Pind. Ol. XII, 1.

140) Qui in Attica colebatur una cum Cerere, Minerva, Κόρη, Σεμναῖς, Paus. I, 31, 4; Dem. Mid. 15 f. Isae. de hered. Ciron. p. 70. med. - Et in Piraeo Antiph. κατηγ. φαρμ. p. 113. med.

141) Ubi in illis Ζεὺς ὅστις ποιεῖ ἐστὶν εἰ τόδ' αὐτῷ γέγονεν κεκλή-



dem nemo potest φρένα *Διαν* καθορᾶν, ὅψιν ἄβυσσον S. 1058; δαυλοὶ γὰρ πρᾶπιδων δάσχοι' τε τείνουσιν πόροι καὶ ἰδεῖν ἄφραστοι. S. 92 142). Principalem tamen, quam in gubernandis rebus humanis legem constituit, cognitam habent mortales: *μῖμνει μῖμνοντος ἐν χρόνῳ Διὸς παθεῖν τὸν ἔρξαντα* Ag. 1563. Haec est communis omnium qui vivunt, solique e mortalibus et immortalibus Jovi contigit, ei non parere. Haec est αἴσα quam πολλὴν νόμῳ ὀρθοῖ, haec est δίκη τοῦφειλόμενον πρᾶσσουσα. 143) — δρᾶσαντι παθεῖν, τριγέρων μῦθος τάδε φωνεῖ, Ch. 310; itaque μοῖραι Διόθεν rem eo ducunt ἢ τὸ δίκαιον μεταβαίνει ib. Superbiaίως σέλμα σέμνον ἤμενοι (Ag. 183.) nullam inter mortales vim exerceri sinunt: βίαν δ' οὔτις ἔξοπλίζει τὰν ἄποινον δαιμονίων S. 96; βίαία μὴ φιλεῖς ὀρῶν ὕμμασιν ἐνδίκαις S. 813. Propterea contingunt Διόθεν δίκαια κράτη S. 437; ὑστερόποινον πέμπει παραβᾶσιν Ἑρινόν, Ag. 58; ὦ Ζεῦ πάτερ, Ζεῦ, σὸν μὲν οὐρανοῦ κράτος, Σὺ δ' ἔργ' ἐπ' οὐρανίων τε κἀνθρώπων ὀρᾶς Λεωργὰ καθήμεστα, σοὶ δὲ θηρίων ὕβρις τε καὶ δίκη μέλει fr. 272; cf. Ag. 362, 367, 381,

μένω, τοῦτό νιν προσεννέπω minime ironiam, inesse potius pietatem, contra Welckerum monuit Baurus ann. Heid. 1826, VI, p. 707; ostenderunt praeter Stanlei. ad. h. I. Heindorf. Plat. Phaedr. p. 337; Cratyl. p. 61; Spanhem. Callim. hymn. Dian. 7. Sollennis erat precantium mos ita invocandi Jovis, quod de Graecis testatur Plato, de Romanis Serv. Virg. Aen. IV, 577: quisquis es, pontificem more qui sic precantur: Jupiter omnipotens, vel quo alio nomine appellare volueris.

142) Cf. Solon. fr. X: πάνπαν δ' ἀθανάτων ἀφανὴς νόδος ἀνθρώποισιν. Pind. Nem. XI, 43; τὸ δ' ἐκ Διὸς ἀνθρώποις σαφὲς οὐχ ἐπεται τέκμαρ cf. not. 23.

143) Pindar. Nem. IV, 32: ἔξοντά τε καὶ παθεῖν ἔοικεν.

470, 748; Ch. 18, 382, 645. Propterea Jupiter dicitur δικηφόρος, Ag. 525 <sup>144</sup>); propterea ἑτερορρεπής, νέμων εἰκότως ἄδिका μὲν κακοῖς, ὅσια δ' ἐννόμοις, S. 403; quod idem Clytaemnestrae dicit Orestes: ἔκανές γ' ὅν οὐ χρῆν καὶ τὸ μὴ χρῶν πάθε, Ch. 930. Constat igitur, ultionem manere impios, quando vero poena eos correptura, quam via Jupiter eam paraturus sit, occultum est: ῥοπή δ' ἐπισκοπεῖ δίκης Ταχεῖα τοῖς μὲν ἐν φάει, τὰ δ' ἐν μεταίχμῳ σκότου Μένει χρονίζοντα βρούει. Τοὺς δ' ἄκραντος ἔχει νύξ Ch. 61; μόχθος δ' ὁ μὲν αὐτίχ', ὃ δ' ἥξει Ch. 1020: Jupiter enim suspensam tenet ultionem, ut justo tempore neque irritum impium feriat, Ag. 363. cf. P. 739: ἐς δὲ παῖδ' ἐμὸν Ζεὺς ἐπέσκηψεν τελευτήν θεσφάτων. ἐγὼ δέ που Διὰ μακροῦ χρόνου τὰδ' ἤρχον ἐκτελεστήσειν θεούς. Ἀλλ' ὅταν σπεύδῃ τις, αὐτὸς χά θεὸς ξυνάπτεται. Constat vero etiam hoc: ἀνάγκας ἄτερ δίκαιος ὢν οὐκ ἄνολβος ἔσται Πανώλεθρος δ' οὐποτ' ἂν γένοιτο, E. 550.

Tria sunt scelera, quibus maxime contra Jovis voluntatem peccatur, quae committuntur adversus deos, hospites et parentes: cf. Soph. Phil. 1441: εὐσεβεῖν τὰ πρὸς θεούς. Ὡς τὰλλ' ἅπαντα δεύτερ' ἡγεῖται πατήρ Ζεὺς. El. 1097 <sup>145</sup>). Itaque et de Graecis, qui Trojana, et de Persis, qui Graeca templa diruerunt, sumit vindictam. Ag. 649; P. 827: Ζεὺς τοι κολαστὴς τῶν ὑπερκόμπων ἄγαν Φρονημάτων ἔπεστιν εὐ-

144) Soph. O. C. 1382: παλαίφατος Δίκη ξύνεδρος Ζητὸς ἀρχαίοις νόμοις. cf. Antig. 450, 127, 604; fr. 87; Trach. 251, 279; El. 209; Solon. V, 76.

145) Propterea est etiam ὕρκιος. Soph. Ph. 1324; O. C. 1767; cf. Tr. 399, 1190; O. C. 882. Jurejurando enim violato deorum minuitur honor. Soph. Oenom. fr. 1 Theogn. 400, 660; cf. Pind. Pyth. IV, 167. Böttig. myth. techn. p. 43.

θυγος βαρύς, cf. Th. 429, 442 sqq. 483 (ὥς δ' ὑπέρανχα  
βάζουσιν ἐπὶ πτόλει μαινομένα φρενὶ τῶς νιν Ζεὺς νεμέτωρ  
ἐπίδοι κοταίνων). Itaque cuius pio et qui sanae mentis est,  
precandum est cum Oceaninis: μήδαμ' ὃ πάντα νέμων Θεῖτ'.  
ἐμῇ γνώμῃ κράτος ἀντίπαλον Ζεὺς, Μηδ' ἐλινύσαιμι θεοὺς  
οἰσίαις θοίναις ποτινισσομένα Βουφόνους - - Μηδ' ἀλίτοιμι  
λόγοις. Ἀλλὰ μοι τόδ' ἐμμένει Καὶ μήποτ' ἔκταχείη, Pr.  
526. Hospites tuetur Ζεὺς ξένιος Ag. 61, 362, 748; S.  
628, 671: Ζῆνα μέγαν σεβόντων, τὸν ξένιον δ' ὑπέρτατον <sup>146</sup>),  
scelusque, quod contra hunc committitur, nullis abluitur  
lacrimis et sacrificiis Ag. 70. <sup>147</sup>) cf. Ag. 701. Cum ho-  
spitibus etiam advenis, supplicibus prospicit, Ζεὺς ἰκέσιος <sup>148</sup>)  
ἱκταίος: βαρύς γε μέντοι Ζηνὸς ἰκεσίου κότος S. 346, 385;  
ἀνάγκη Ζηνὸς αἰδεῖσθαι κότον Ἰκτῆρος, ὕψιστος γὰρ ἐν βροτοῖς  
φόβος S. 478; cf. S. 360, 616, 641, 646, 652, 815. De  
parentum honore cf. S. 708; Ch. 272 sqq. 384, inter quos,  
summum ipse soluto Saturno exhibens pietatis exemplum  
προτιμᾷ πατρὸς μέρος (E. 760, 640) quia viri omnino in  
maiore Aeschilo sunt honore quam mulieres. Cum pa-  
rentibus etiam ὁμαίμους ἄζεσθαι jubet, S. 651. Et pro-  
pter haec potissimum, quae sibi tuenda sumit, munera  
ἀγνός <sup>149</sup>) dicitur (S. 653) et αἰδοῖτος <sup>150</sup>) S. 192; cf. S. 644,  
478. Ac sicut omnino servator eorum est, quos diligit,

---

146) Cf. Pind. Nem. V, 33 (ξενίου πατρὸς χάλον δέισαις); XI,  
8; Böttig. myth. techn. p. 39.

147) ἄπυρα ἔρα Athenis in arce Jovi ἐπάτω (Ag. 55) oblata esse  
narrat Paus. I, 26, 5.

148) Soph. Phil. 484. Böttig. mythol. techn. p. 35.

149) Soph. Phil. 1289. cf. Tr. 279.

150) Ζηνὶ Αἰδῶς σύνθακος Soph. Oed. Col. 1267.

quorum stirps eun: βωμοῖς ἀρήγει βουθυτοῖς ἐν ἡμασι (Morte enim excepta omnes dii sacrificiis laetantur, fr. 147) ita eos, qui labores, quos perficiendos assignaverat, perfecterunt, liberat dolore, Ionem τίθησιν ἔμφορα, ἐπαφῶν ἀταρβεῖ χειρὶ καὶ θυγῶν μόνον Pr. 849; S. 312, 314; quod munus παιώνιον (S. 1067) celebratur pulcherrimo carmine S. 571.

E montibus Jovi sacris commemoratur Ida, Niob. fr. 145; Athos <sup>151)</sup>, Ag. 285; Olympus, E. 664; Cenaeum <sup>152)</sup>, fr. 23; Dodona <sup>153)</sup> Pr. 830. Aquilam <sup>154)</sup> eius ministram habes Pr. 1021; Pr. sol. fr. 179; Niob. fr. 148. Solem Ζηνὸς ὄρνιν vocat S. 212. Ipsum Jovem in scenam introducere ausus est Aeschylus in Psychostasia, et eum μοιραγέτην, ponderantem et adornantem fata Achillis et Memnonis, e quibus etiam apparet, ipsum illum Jovem supremum et potentissimum Aeschylo indutum fuisse specie humana.

## 16.

### Jun o.

Junonis unus tantum est honor, quod uxor est invicti Jovis ideoque matrimonio prospicit. Propterea dicitur ἄλοχος ἰσχυρὰ Διός, S. 302; τελεία <sup>155)</sup> Ζηνὸς εὐναία δά-

151) Soph. Thamyr. fr. 3.

152) Soph. Trach. 238, 755.

153) Soph. Niptr. fr. 1. Tr. 172. Oeta Soph. Tr. 200, 437, 1193.

154) Soph. Ant. 1040; Pind. Py. I, 6. Isthm. V, 50.

155) τελεία Pind. N. X, 18; mater Lucinae V11, 2.

μιαρ fr. 327; cf. S. 167: ipsiusque matrimonii dignitas in eo posita est, quod Ἡρας τελείας καὶ Διὸς πιστώματα vocatur E. 214. Epig. fr. 46. Hunc suum honorem animo maxime intento contra omnes tuetur, quae eiusdem participes fiunt, neque aliter agere potest, valet enim proprium matrimonii jus contra omnes pellicatus, torus enim viro et mulieri natura est assignatus (μόρσιμος) et maior jurejurando per justitiam custoditus, E. 218. Neque Jupiter hoc uxoris jus et honorem contemnit et ideo illos pellicatus agit clam Junone, S. 296. Quod cuivis eius concubinae Juno irascitur eamque odio habet (στυγητόν Pr. 592) naturae consentaneum est, neque, cum quivis animi motus in numine divino actionibus ostendendus sit, Juno concubinas non insectari potest, pariter atque Apollo Furiis non potest non esse inimicus. Itaque haec Junonis ira (ἐπίκοτα μήδεα Pr. 601, νόσοι ἐπιβουλοι, S. 587) manet divina, ipsaque πότνια, Th. 152; θεία S. 564; δύναται Διὸς ἄγχι-στα<sup>156</sup>), S. 1036; cf. 298. Itaque clades, quam immittit, est ingens (ἄτα οὐρανόνικος· χαλεποῦ γὰρ ἐκ πνεύματος εἶσι χειμῶν S. 167). Maxime apud Aeschylum Io persequitur, Pr. 592, 601, 704, 900, cui in vaccam mutatae (S. 299) furorem injicit (306), quam urget per extremas terrae regiones (S. 564; Pr. 666, 592, 601, 704, 900): usque dum Jupiter virgini labores illos ingentes perpessae finem malorum assignet<sup>157</sup>) S. 586. Haud dubie etiam in Atha-

---

156) μεγαλοσθενής Pind. N. VII, 2; χρυσόθρονος I, 37; deorum regina I, 39; Jovi ὑμύθρονος XI, 2; Jupiter πόσις Ἡρας VII, 95.

157) Ita Hercules, cui Juno insidiatur, Pind. fr. inc. 8; cui infanti dracones immittit, N. I, 40; inter deos receptus redditur gener Junonis, Isthm. III, 78.

mantis rebus et in Bacchi fabulis partes egit. Ipsa vero, quia universa matrimonii sanctitas in eam confertur, Jovi est fida: et infinita punitur miserie, qui hanc sanctitatem laedere cōnatur, Ixion. Cuius scelera in trilogia Aeschylus videtur exhibuisse, cuius quidem duarum tantum traegœdiarum nomina nobis tradita sunt, Perrhaebidum et Ixionis. Cf. Müller, in Ephem. Gott. 1827, 68. Exitum fabulae egregie narrat Pindarus Py. II, 21—48.

Est Aeschylus dea Argiva (S. 299, cf. 291), patrocinium autem Argivorū nusquam gerit, neque in reditu in patriam (Ag. 503; Ch. init. <sup>158</sup>) neque inter Orestis servatores invocatur (E. 754). Patet igitur, sola Attica instituta Ae-

- 158) Ibi tamen fortasse eius mentio lacuna interiit. Sophocles enim El. init. eam haud neglexit. Cf. Inach. fr. 2. *Ἀργούς τε γυῖαις Ἥρας τε πάγοις*. Praeter hos locos in omnibus Sophoclis reliquiis non nisi Tr. 1050 commemoratur, et ibi ut quae Herculem insectata sit. Apud Euripidem contra, qui nulla erga deos pietate religatus erat, innumerabilibus locis eius mentio fit. Et ibi quoque tum est Herculi inimica, tum matrimonium tuetur (in Helena), tum Argis prospicit, Minerva quidem inferior, Heracl. 350. Apud Pindarum contra omni ornata est honore divino, praesertim ubi Argis prospicit, N. X, 2, 23, 36 (in oda homini Argivo scripta) et Heraeis Py. VIII, 79, Argonautis Py. IV, 184: quia fabulae hoc ferebant. Propterea inter Arcades invocatur Juno Parthenia, Ol. VI, 88. Nec mirum, si Pindarus Junonem veneratur, cum apud Boeotos maiore, quam in Attica, honore culta esse videatur, Paus. IX, 2, 7; 3, 1; Coronaeae, 34, 3; Lebadeae, 39, 4, 5. Thebis etiam a Jove decepta Herculi mammam praeuisse putabatur, 25, 2. Tamen Pindaro a Vulcano vincitur, fr. inc. 8.



schylum esse secutum, e quibus nonnisi nuptialis <sup>159)</sup> colebatur. Consortium illud deorum, in quo a puellis Thebanis invocatur, revera videtur fuisse Thebanum (Th. 152): sed illae quoque justas et faustas potissimum nuptias ab ea videntur precari.

17.

Venus.

Veneri vis amoris pertinens per totam rerum naturam assignatur, quod ipsa profitetur in Danaid. fr. 36: ἐρᾷ μὲν ἄγνός οὐρανὸς τρωῶσαι χθόνα, Ἔρως δὲ γαῖαν λαμβάνει γάμου τυχεῖν. Ὅμβρος δ' ἀπ' εὐνάοντος οὐρανοῦ πεσὼν ἔκυσσε γαῖαν· ἣ δὲ τίκτεται βρότοις Μήλων τε βοσκὰς καὶ βίον Δημήτριον. Δενδρῶτις ὥρα δ' ἐκ νοτιζοντος γάμου Τέλειός ἐστι· τῶν δ' ἐγὼ παραίτιος. Vides, quantam sanctitatem tribuerit Aeschylus cogitationi de diis amantibus, gignentibus, parturientibus. Propterea summus est honor Veneris, δύναται Διὸς ἄγχιςτα σὺν Ἥρᾳ, Τίεται δ' αἰολόμητις θεὸς ἔργοις ἐπὶ σεμνοῖς S. 1036; summaque etiam inter deos auctoritas <sup>160)</sup> eius, unde contingunt mortalibus quae iis sunt gratissima, E. 215 <sup>161)</sup>. Sicut vero omnia deorum

---

159) Cf. Intpp. Hesych. ἱερὸς γάμος. Casaub. Athen. VI, p. 143; Plutarch. quaest. Rom. c. 2; Dion. Chrysost. or. 36, p. 453. Aristoph. Av. 1731 sqq. Thesm. 973. Böttig. myth. techn. Junon. p. 109.

160) Sophocli ipsum Jovem, Neptunum, Orcum decipit Tr. 497; tacite, quae constituit, efficit Tr. 863; omnia pervertit suoque instituit arbitrio, fr. 23.

161) Mimnerm. fr. 1. Cf. Pind. N. VII, 53.



dona mortalibus tam laetitiam, tum propter horum ipsorum fragilitatem dolorem afferunt, ita etiam Veneri <sup>162)</sup>, quam ipsum poetam aversatum esse testatur Aristophanes (Ran. 1045), *μετάκοινοι φιλᾷ. ματρὶ πάρεισιν Πόθος ἃ τ' οὐδὲν ἄπαρνον τελέθει θέλκτορι Πειθοῖ. Δέδοται δ' ἁρμονία μοῖρ' Ἀφροδίτας Ψεδυρᾷ τρίβῳ τ' ἐρώτων* <sup>163)</sup> S. 1039. Ne dubites quin hoc loco revera significantur mala amoris. Dolorem, quem affert desiderium, habes explicatum Ag. 414-427, cf. P. 62. De suadelaе vi perniciosa <sup>164)</sup> inspicias Ag. 385 (*βιάται δ' ἀτάλαινα πειθῶ, προβουλόπαις ἄφερτος ἄτας*), de malis in ipsis amoribus positis *δηξίθυμον ἔρωτος ἄνθος* Ag. 743; *παντόλμους ἔρωτας ἄταισι συννόμους βροτῶν, ξυζύγους θ' ὀμνυλίας* (quae in nostro loco significantur illo *ἁρμονία ψεδυρᾷ*. Cf. Eur. Hippol. 162), *Θηλυκρατῆς ἀπ-ἐρωτος ἔρως παρανικᾷ κνωδάλων τε καὶ βροτῶν*, Ch. 598. Desiderium et Suadelam Veneris liberos nonnisi poetice dictos accipies. Deum Amorem <sup>165)</sup> apud Aeschylum non invenimus: imo omnia, quibus fungi possit, ad Venerem referuntur <sup>166)</sup>, quae puellarum formam *κηρύσσει* S. 1001;

162) Perniciosam et invictam vim, qua omnia subigat, longius describit Sophocles fr. inc. 23. Molli et effeminato habitu ornata opponitur Minervae in dr. satyr. Iudicio dearum fr. 1.

163) Sic legendum pro *Ψεδυρᾷ τρίβοι*. *τρίβος* est contritus, ut Ag. 197; 391.

164) Soph. fr. inc. 57: *ταχεῖα πειθῶ τῶν κακῶν ἐδοιπορεῖ*.

165) Qui maximam apud Sophoclem habet potentiam, Tr. 354, 441; Ant. 781; Phaedr. fr. 4.

166) Idem hoc reperies apud Pindarum, Venus docet artem aman-

ipsoque suo nomine modo venustatem <sup>167)</sup> (Ag. 419) modo amorem <sup>168)</sup> declarat Pr. 650, 864. Divina potentia nuptiis prospicit, S. 1034, regit Cyprum et Paphum (fr. 323) tuetur Thebas, ubi invocatur *Κύπρις ἅτε γένους προμάτωρ ἄλευσον*, nam ex tuo sanguine natae te precibus adoramus Th. 110; Mesopotamiae etiam et Babyloniae tutela ei assignata videtur S. 555: *βαθύπλουτον χθόνα καὶ τᾶς Ἀφροδίτας πολύπυρον αἶαν*. Congruunt haec omnia cum Atheniensium rebus sacris: ibi enim maxime colebatur Venus coelestis, qua totius rerum naturae vis genitrix significatur (propterea pro Parcarum natu maxima habebatur) repetita quidem haec, ut ferebant, ex Assyria, Paus. I, 14, 7; cf. 19, 2; et Venus *πάνδημος* cum Suada, a Platonica quidem longe diversa habitaque pro universae civitatis tutrice. Quod denique eius *ἐννάτωρ* perhibetur Mars <sup>169)</sup>: S. 665; ne haec quidem cogitatio, petita ex Homero, carebat auctoritate sacrorum Atticorum <sup>170)</sup>, cf. Paus. I, 8, 4.

## 18.

### Ceres.

Ne saepius, ne temere Cereris nomine uteretur,

---

di Py. IV, 215; jungit Apollinem cum Cyrena, Py. IX, 9; *μάτηρ ἐρώτων* scol. fr. 1.

167) Cf. Soph. Ant. 800; Pind. N. VIII, 1; Isthm. II, 4; pulchritudinem carminum, Py. VI, 1.

168) Soph. fr. inc. 53. Pind. Ol. VI, 35. Cf. Ol. I, 75. N. VIII, 7.

169) Cf. Pind. Ol. IV, 88.

170) Apud Sophoclem Colono prospicit O. C. 691; Mater Aeneae commemoratur Laoc. fr. 3.

Aeschylum arcebat religio ex Eleusiniis percepta. Tamen quod nusquam in iis, quas nos habemus, tragoediis eius mentionem facit, id casui tribuendum est, cum minime ubicunque de Cerere quidquam dicitur, de mysticis eius sacris cogitetur. βίον Δημήτριον legimus Dan. fr. 36; φερέσβιον Δήμητρος στάχυν fr. 299 <sup>171</sup>). Unde satis apparet, agnovisse Aeschylum deam prospicientem agriculturae. Sed quod mystica etiam ratione eius mentionem fecit, auctor est Eustratius (ad Arist. Eth. Nic. III, 2) idque in Iphigenia, Sacerdotibus, Jaculatricibus, Sisyphe, Oedipode. <sup>172</sup>) Initiatum fuisse mysteriis Aeschylum, virum e nobili genere Eleusinio, satis testatur Arist. Ran. 886, precantem inducens Aeschylum ante certamen: Δήμητερ, ἡ θρέψασα τὴν ἐμὴν φρένα Εἰναί με τῶν σῶν ἄξιον μυστηρίων, qui versus quin ab Aeschylo profecti (videntur Thesei in Eleusiniis) et ab Aristophane ad verum ipsius animum significandum usurpati sint, non dubito. Cf. fr. 398: ἔφριξ' ἔρωτι τοῦδε μυστικοῦ τέλους quod vix ita dixisset poeta, si parum curavisset mysteria. <sup>173</sup>) Traditum est, diem poetae dictum

171) Soph. O. C. 1600, Ceres εἰχλοός, et in lex. Soph. Brunck. Ceres ἀζησία, εὐτραφής. — Eleusinia memorantur O. C. 1049, cf. 683; Antig. 1120; Triptol. dr. sat.; fr. inc. 58 (Tom. III, p. 686 ed. Brunck): ὡς τρισεύβοιοι cett. — Pindaro quoque Ceres est Eleusinia, Isthm. I, 57; praeterea favens Siciliae Ol. VI, 95; et socia Bacchi, quae cymbalorum strepitu colebatur, Isthm. VI, 4.

172) Locos ad rem pertinentes collatos habes apud Herm. de choro Eum. II, p. 20.

173) Quo nituntur, qui de re dubitant, locum Clementis et reli-

esse, quod mysticum aliquod profanaverit eumque sese eo purgavisse, quod nesciverit, *ὅτι ἀπόρρητα ἦν*, Aristot. l. c. Itaque dixit aliquid, quod dicere nefas erat. Quarendum est, quidnam profanaverit. In Iphigenia Dianae mentio deesse non potuit, ad eandem fabulam eleganti iudicio Sacerdotes retulit Welckerus, ab Amazonibus vero in Jaculatricibus eandem invocari non mirum erit. Jam ex Herodoto II, 156 (quem male exscripsit Pausanias VIII, 37, 6) constat ab Aeschylō Dianam dictam esse filiam Cereris <sup>174</sup>): quod Herodotus quidem ex Aegypto repetit: *ἐκ τούτου δὲ λόγου καὶ οὐδενὸς ἄλλου Α. ὁ Εὐφ. ἤρπασε τὸ ἐγὼ φράσω, μούνος δὲ ποιητέων τῶν προγενομένων, ἐποίησε γὰρ Ἀρτεμιν εἶναι θυγατέρα Δήμητρος*. In quibus apertum est, adversari Herodotum aliis, qui rem aliunde repetant. Unde repetivissent, nisi e mysteriis? Id quidem minime probabile est, recepisse Aeschylum peregrinam talem de talibus numinibus cogitationem sine auctoritate patria, praesertim cum Cereris et Bacchi muneribus gaudens non sine aspersione tractet Aegyptios. S. 761, 953; cf. 741, 914. Ipsique Lobeckio (de myst. arg. III, p. 17) suspectum est Herodoti testimonium (quamquam quae ibi et p. 14 med. de poetis illius aevi praedicat,

---

qua, quibus ut untur, argumenta pariter ac Lobeckii sententiam, (de myst. arg. III, p. 18; de praec. myst. p. 5. not.) omnia versata esse in choregii mystici imitatione scenica, satis refellit et Eustratii fidem tuetur Welcker. Tril. p. 105 — 110.

174) Quod imitatus est Euripides, qui Dianam lunariam, Hecaten, dicit filiam Cereris, Ion. 1062.

nullo modo quadrant in Aeschylum). Sed concinisse videntur in hac re Eleusinia cum sacris Aegyptiacis, et bene se excusare potuit Aeschylus, quod nesciverit, etiam hunc *ἱερὸν λόγον* esse arcanum et *ἀπόρρητον*, neque hoc ita se habere crediderit, cum idem dicerent Aegyptii. Atque revera Dianam cum Proserpina in Eleusiniis fuisse conjunctam, id eo videtur probari, quod Eleusinia minora Agris celebrabantur in templo Dianae. (Ste. Croix de myst. I. p. 300. seq.). Pluresque tales fabulas, in quibus conjunguntur, commemoravit Welckerus (Ephem. hist. art. I. p. 74, 77, 80, 104, 122). Praeterea mysticis sacris cultam esse ipsam Dianam ostendit Müller. Dor. I. p. 386.

Ostendam jam, quid in Aeschyli cogitationibus petatum videatur e mysteriis. Quantum nobis compertum est, in his celebrabantur Proserpina ab Orco rapta et rediens, Iacchus moribundus et redivivus. Orcus est *Ἄιδης*, locus, ubi nihil cernitur. Cicero (Nat. deor. I. 42) testatur, rerum naturae rationem significari in Eleusiniis, id quod ipsum Proserpinae (*Περσεφάσης, Περσεφόνης*) nomen declarare videtur, Proserpina segetem germinantem, Ceres tellurem significat <sup>175</sup>). Proxime ab hac cogitatione abest altera de animis mortuorum redivivis, quam ipsam fovebant mysteria Hom. hymn. in Cerer. 487; Pind. thren. fr. 8; Soph. fr. (quod indicavi in not. 171); Arist. Ran. 454: *μόνοις γὰρ ἡμῖν ἥλιος καὶ φέγγος ἱλαρόν*

---

<sup>175</sup>) Cf. Orph. h. in Cerer. Eleus. XI, v. 12: *σὺ χθονίη, σὺ δὲ φαινομένη*. Cererem *χθονίαν* Orpheus Lacedaemonem secum duxisse dicebatur Paus. III, 14, 5.

ἔστιν, "Ὅσοι μεμνήμεθ' εὐσεβῇ τε διήγομεν τρόπον περὶ τοὺς ξένους καὶ τοὺς ἰδιώτας. Propterea Oedipi miseriae ibi finem fore Aeschylus videtur finxisse, eoque pertinere fr. 398. cf. Welck. Tril. p. 374. — Itaque constat, vitam beatam post mortem promissam, immortalitatem significatam, pietatem commendatam esse in mysteriis. Indicata sunt haec imaginibus naturae, telluris recipientis et emittentis. Haec vero cogitatio de tellure bona et mala omnia emittente est Aeschyli<sup>176)</sup>. Telluris notio hac ratione eadem est, quae "Αἶδον, cohibet et continet ea, quae non sunt, quae non cernuntur, quae latent. Latendi cogitatio subest numini Latonae: itaque Tellus eadem est, quae Latona: Ceres, quae Proserpinam emittit, est Tellus, est igitur Latona, Dianae Lucinae mater. Emittit, quae optamus, Aeschylo etiam Proserpina Ch. 490. Itaque Latonam eandem quam Cere-rem e mysteriis Aeschylus videtur recepisse, e mysteriis fortasse omnem illam Telluris πολωννυμίαν (Pr. 210). Tamen recte suspicatum esse puto Lobeckium imitationem pompae (modo ne in solo facium usu hanc quaerendam, neve in Eumenidibus eam reperire tibi videaris) si con-fero fr. 397: τὰ ἐν Ἐλευσίνι τέλη — — ἀκταῖς καταλαμπομέ-ναις ὑπὸ τῆς μυστικῆς φλογὸς καὶ τῶν ἱερῶν δάδων, περὶ ὧν Αἰσχύλος φησὶν λαμπραῖσιν ἀστραπαῖσι λαμπάδων σφέ-

---

176) Simile aliquid in aliis etiam significatum erat sacris Atticis, cf. not. 83. Hoc ipsum vero probabile est summam talium cogitationum, quae per Atticam sparsae erant, fuisse conjunctam in Eleusiniis ibique significatum, quinam sensus his omnibus subesset.

ἔει. Addere liceat conjecturam, haec esse petita e Sisyphe ibique introductum fuisse chorum mystarum beatorum, quem fortasse in Ranis lusit Aristophanes.

Ceterum haud dubie inter deos, qui ob templa vastata vindictam sumserint de Persis, non infimam Aeschylus putabat Cererem Eleusiniam. Narrat enim Herodotus, Demaratum et Dicaeum e deserto templo Eleusinio, dum Xerxes Atticam vastaverit, resonantem audivisse cantum mysticum, vidisse speciem pompae immensae mystarum (VIII, 65): ac deinde tum Plataeense tum Mycalense proelium esse commissum prope fana Cereris Eleusinae IX, 65, 101. A qua vocem illam missam esse suspicatur, quae Graecis trans mare nuntium attulerit de victoria Plataeensi: cf. not. 36.

## 19.

### Diana.

Dianam esse deam lunae diserte dicit Aeschylus: ἀστερ-  
ωπὸν ὄμμα Ἀητῆος κόρης, Xantr. fr. 159<sup>177</sup>). Ratio qua cum luna conjungitur, eadem haud dubie est, quae Apollinis cum sole, de qua sub Apollinis nomine (§. 23) dicetur: excepto quod simplicius omnia Dianae munera a luna repetuntur, quam fratris a sole. Est enim Lucina, partui prospiciens, S. 676: huiusque potissimum honoris ratione habita Cereris filia dicta esse videtur, quia in lucem omnia evocat, eodem in hominibus et animalibus fungens munere, quo Proserpina in segete producenda. Ut nocturna dea feris etiam favet bestiis, maxime quidem catulis leonum, εὐφρων

---

177) Phlyenses venerabantur Dianam σελασφόρον. Paus. I, 31, 4.



δρόσοισι λεπτοῖς μαλερῶν λεόντων πάντων τ' ἀγρονόμων φιλο-  
μύστοις Θηρῶν ὀβριχάλοισι Ag. 141: nec minus leporibus, <sup>178)</sup>  
gravidis praesertim, Ag. 137; proptereaque irascitur aquil-  
lis, Jovis patris canibus alatis, αὐτότοκον πρὸ λόχον μογε-  
ρὰν πύκα θνομένοισι, quas pro impio hoc facinore ultura  
est. Sed non in animalibus tantum hoc ultricis munere  
fungitur: eodem etiam in hominibus, <sup>179)</sup> qui similia com-  
mittunt; ideoque Atridas, aquilarum illarum prodigio si-  
gnificatos, quos Trojam crudelius neque sine impietate  
eversuros esse novit, Aulide cohibet, neque ut naves  
solvant concedit (202), donec filia immolata eam placant  
Iphigenia, quam ipsam divina servat clementia Ag. 244. <sup>180)</sup>

---

178) Cf. Xenoph. de venat. V, 14.

179) Omnino facile eius iram succendi cogitat Sophocles Aj. 173;  
El. 563; Meleag. fr.

180) Hunc enim sensum subesse mihi constat loco perobscurο:  
ἀγνὰ δ' ἀταύρωτος αὐδῇ πατρὸς Φίλου τριτόσπονδον εὐπο-  
τμον Αἰῶνα φίλως ἔτιμα, quae ad Iphigeniam referri non pos-  
sunt, cum huic os obligatum sit (235), cognomina vero  
ἀγνὰ et ἀταύρωτος propria sunt Dianae, illaque voce patris  
vel tonitru vel jussum quodpiam Jovis (qui prosperum malis,  
finem assignat 177, itaque φίλως agit et φίλως agere jubet  
deos, 245) declaratum videtur. Quae omnia haud dubie ab  
Atheniensibus, qui fabulas norant, tam clare percipiebantur,  
quam a nobis difficile. Longius rem exposuit Aeschylus in  
Iphigenia, quam trilogiam optime a Welckero restitutam  
existimo. Cum vero nusquam in fabulis ea tradat Aeschylus,  
quae sibi repugnent, et ex omnibus Oresteae locis (Ag. 1432,  
1555; Ch. 242) patere videatur, mactatam revera esse Iphi-  
geniam, mihi quidem, si conjectura rem definire fas est,

Pariter ac poenas immittit, tuetur etiam et averruncat, φερέγγυον φρούρημα προστατηρίας Ἀρτέμιδος εὐνοίαισι Th. 450; cf. fr. 326; Th. 154, 142: σύ τ' ὦ Λατογενεῖα κοῦρα, τόξον εὖ πυκάζου, Ἀρτεμι φίλα. Telis enim proprie quidem in venando <sup>181)</sup>, tum vero omnino etiam contra hostes utitur, unde vocatur Hecate: et hoc ipso nomine eam videmus declaratam, tum ubi parturientibus prospicit (Ἀρτεμιν δ' ἐκάταν γυναικῶν λόχους ἐφορεύειν <sup>182)</sup> S. 676), tum deam inferam <sup>183)</sup>, ἀλλ' εἴτ' ἔνυπνον φάντασμα φοβεῖ χθονίας θ' Ἐκάτης κῶμον ἐδέξω, fr. 419 (quamquam testimonio, quod Aeschylei sunt hi versus, egeamus): tum deam lunariam, δέσποιν' Ἐκάτη τῶν βασιλείων Πρόδρομος μελάθρων Τῶν τ' οὐρανίων τῶν τε πατρώων — Ἀ νύκτωρ μὲν προσέφαινες, fr. 400. <sup>184)</sup> Casto frigidoque lunae splendori illa etiam cognomina originem debent, quibus ἀγνά et ἀταύρωτος dicitur <sup>185)</sup> Venerisque et nuptiarum adversaria

is trilogiae finis videtur constituendus, quod Diana Cereris filia virginem in novam vitam vocaverit beatam et immortalem (τρίτοσπονδον αἰῶνα εὐποτμον): id quod Cypria narrabant. — Dianam averruncantem vide Theogn. 13.

181) Soph. El. 563; Tr. 214; O. C. 1092; Paus. 1, 19, 6,

182) Eur. Hippol. 166.

183) Quam Cereris filiam dicit Eur. Ion. 1062.

184) Ibi etiam intelligi deam inferam, patet e schol. Theocr. II, 36, qui his versibus utitur ad explicandum locum, ubi Theocritus de Diana magica dea loquitur. Quo magis commendabitur Porsoni opinio, fr. 419 esse Aeschyli. Cf. Soph. Rizot. fr. 2. Agnovit igitur Aeschylus Dianam, quae spectra et animas emittat pariter ac Proserpina et Tellus. Ch. 490.

185) Soph. El. 1239. Cf. Pind. Py. IV, 90.

S. 1031; Ag. 135, 243. Ex eodem lunae splendore derivandum videtur cognomen *ἡ καλή*. Ag. 140<sup>186</sup>). Facile ex his apparet, Dianam, licet Apollinis consanguineam, licet pariter atque Apollo arcu utatur, perniciemque mittat et averruncet, tamen Aeschylo non esse Apollinis simillimam, sed minus, quam illum, in regionibus, quae mentis sunt, magisque naturae viribus pollere ac praeterea conjunctam esse cum inferis numinibus, a quibus maxime abhorret Apollo. Siquidem luna est nocturna: ob hanc ipsam rationem facile dea lunaria in inferorum vocatur societatem: solis est mera lux, quae tenebras fugat, ubicunque eas invenit. Patet hinc, qua in re similis sit frater sorori, qua in re dissimilis. Itaque semel tantum una cum Apolline invocatur Diana<sup>187</sup>, uterque ut hostes propulset, Th. 150; cum sole fr. 159. Alibi Paeon imploratur, ut Dianae iram avertat, Ag. 147. Lunam ipsam commemoratam habes Pr. 797; Ag. 5, cf. 298; Th. 389.

---

186) Paus. I, 29, 2.

187) Saepius apud Pindarum, Py. IV, 3; N. VI, 38; IX, 4; prosod. fr. 1; et apud Sophoclem Tr. 213; O. T. 160 (cum Minerva et Apolline), 207; O. C. 1092. Invocatur praeterea apud hunc Ortygia Tr. 213, Tauropola, Aj. 173, *χρυσήλατος* Tr. 638; faces gestans Lyceos montes pervagatur O. T. 207. Vides apud Sophoclem etiam praevalere deam naturalem. Apud Pindarum *ἑπιδόα* Ol. III, 26; venatrix N. III, 50; fluvialis Ortygiensis, Py. II, 7; N. I, 3; *Ὠρωσία* Ol. III, 30; Ephesia, cuius templum condunt Amazones Pind. apud Paus. VII, 2, 7.

## Mercurius.

Mercurii est, divina potentia conjungere contraria <sup>188</sup>). Propterea ipse dicitur summus praeco superiorum et inferiorum (τῶν ἄνω τε καὶ κάτω) Ch. 165: coelestem et inferam in sese conjunctas habens naturas, idem illustris Olympius, qui ipso mortis fungitur officio in animis ad inferos deducendis: *κίχάνει δέ νιν* <sup>Ἐρμῆς</sup> <sup>189</sup>), Ch. 622; qui cum Tellure et Orco ab inferis animam emittit in lucem P. 629 <sup>190</sup>). E terra, e tenebris, e profundis Aeschylo prodit, quidquid boni mittitur mortalibus (cf. Ch. 147); semina omnium posita sunt in terra apud inferos, progressa vero in lucem ipsa cogitantur lucida ac serena. Mercurii jam duplex est munus, tum producendi res e profundis in lucem tum productas inter se conciliandi, ut aptus et justus prodeat eventus: utrinque contraria et dissimilia componit. Itaque Mercurius inferus, ubi felicem adducit eventum, ipse egreditur in lucem, velut ubi hominibus nuntium affert de acceptis eorum precibus

---

188) Itaque praeest omni conversioni et vicissitudini, *στροφοῦς* Arist. Plut. 1154.

189) Cf. Arist. Pac. 650; Aj. 832 (*πομπάϊον Ἐρμῆν χθόνιον, εὖ με κοιμίσαι*); O. C. 1548. — *χθόνιον* Atticum habes Corp. inscr. 538: consociatum cum Tellure et Proserpina. Conferas Mercurium *χάτοχον*, ib. 539.

190) Soph. El. 111.

apud inferos deos <sup>191)</sup> κηρύξας ἐμοί Τοὺς γῆς ἔνερθε δαίμονας κλύειν ἐμᾶς Εὐχάς) Ch. 124; vel ubi Perseo galeam Orci apportat Phorc. fr. 242. Eadem est ratio cogitationis, Mercurio deberi gregum fecunditatem <sup>192)</sup>, E. 947 (ἐρμῆα δαιμόνων δόσιν), cuius origo quidem e terra repetenda est (μήλων γόνος πλουτόχθων ib.), transit vero in aliam regionem, in regionem animantium. Itaque tum quae justo nexu naturali, a quo non abest momentum aliquod fortis fortunae (ἐπισσύτους βίου τύχας ὀνησίμους γαίας ἐξαμβρῦσαι, E. 924), tum quae casu contingunt, repetenda sunt a Mercurii potestate <sup>193)</sup>. Haec insunt in loco Chœoph. init. Ἐρμῇ χθόνιε πατρὶ' ἐποπτεύων κράτη, Σωτήρ γενοῦ μοι ξύμμαχος τ' αἰτούμενῳ, ubi et inferum et servatoris Olympium paternum habet munus, quorum illud tantum invidus agnoscit Euripides, at non temere dixit poeta κράτη, non κράτος. Optime idem apparet e Ch. 124. Renuntiantem Mercurium, acceptas esse Electrae

---

191) Simili sed opposita ratione Pindarus (Ol. VIII, 81) Mercurium jubet referre Iphioni mortuo nuntium de Alcimedontis victoria.

192) Propterea in Thesmophoriis Athenis conjunctim invocantur Ceres, Κόρη, Plutus, Calligenia, Tellus κουροτρόφος, Mercurius, Gratiae, Arist. Thesm. 300. Et ib. 977 Mercurius pastor cum Pane et Nymphis, mox addito Baccho.

193) Sortitioni praeest Arist. Pac. 365. Propterea in Babr. fab. 1 (Mehlh. anthol. lyr. p. 69) sortes in galea quatit. Et quidquid casu aliquis invenit, debetur Mercurio, cf. Aesop. fab. 44, 47. Et in altera fabula Babriacae loquitur tum ut nuntius deorum, tum quia optime facinus illius hominis adversus formicas commissum cladi a diis hominibus immissae respondet.

preces apud inferos, jam ea implorat, ut Orestem σὺν τύχῃ τινὶ adducat v. 138. Idem habes in illa ipsa cogitatione, qua ἐριούνιος vocatur. Mercurius enim ἐριούνιος <sup>194)</sup>, vel quod idem est, servator, est inferus, quod patet e loco Aristophanis; idem vero Mercurius, quatenus servator est, conjungitur cum Apolline, qui in sola pura luce versatur: Ch. 812 deo Pythio invocato additur: juxta eum adjuvet filius Maiæ ἐπιφορώτατος προῶξιν οὐρίαν τελῶν. Eidem Apollini morem gerit E. 89: ubi ab ipso αὐτάδελφον αἶμα καὶ κοῖνον πατρός appellatus eius supplicem custodit (φυλάσσει) atque ut πομπᾶς ποιμαίνει. Hoc munus, hoc τελεῖν προῶξιν οὐρίαν peculiaris eius est honor <sup>195)</sup>, σέβει τοι Ζεὺς τόδ' ἐκ νόμων σέβας, 'Ορμωμένον βροτοῖσιν εὐ- πόμπῃ τύχῃ. E. 93. Propterea in Phrygibus Priamum ad Achillem proficiscentem comitatur, Achillemque ipse alloquitur etseni morem gerere jubet. Jam quia omnino et prosperum eventum adducit et contraria conjungit, suo jure gubernat certamina, tum hostilia, ut Th. 508 (Ἐρμῆς δ' εὐλόγως ξυνήγαγεν) ubi χθόνιος et νύχιος ἐφοδεύει ξιφοδηλητοῖσιν ἀγῶσιν Ch.

194) Idem agit Mercurius δνήσιμος, qui et ipse inter inferos refertur. Corp. inscr. 539.

195) Ἐρμῆς δ' ὁ πέμπων δόλιος ἡγήσαιο γῶν Soph. Ph. 133. Itaque est ἡγεμόνιος, qui etiam coecos ducit Arist. Plut. 1159; Corp. inscr. 157. Boeckh. Civ. Oec. II. p. 254. Similis cogitatio subest Apollini ἀγνιστῇ, cui idem propterea tribuitur munus assignandae fortunae, cf. n. 230. Mercurius propterea dicitur etiam ἀκακήσιος, qui ipse omnis mali expertus omnis etiam mali expertem facit hominem.

726.<sup>196)</sup>; tum certamina ludorum <sup>197)</sup> et propterea dicitur *ἐναγώνιος* fr. 401; Ag. 515; S. 189, 220. Quia contraria conjungit, prospicit etiam commercio hominum <sup>198)</sup>, et praecipue quidem praeconibus, quorum idem est munus, conciliandorum quae contraria sunt. Itaque est praeconum *τιμάρορος, κηρύκων σέβας* Ag. 515 <sup>199)</sup>; itaque Mercurius *μαστήριος* praeconum *πρόξενος μέγιστος*, S. 920, facitque ut inveniant, quae anquirunt. Propterea translato hominum, qui deum colunt, munere in deum ipsum, ipse est praeco, Ag. 515; iisque quibus favet *ἔσθλα κηρυκεύει*, S. 220. Propterea in Prometheo apparet ut Jovis minister <sup>200)</sup>, *διάκονος* et *τρόχης*, Pr. 941. Praeconem decet excellere facundia, facundia excellit Mercurius, neque a *πειθοῦ δολίᾳ* abhorret Ch. 726 <sup>201)</sup>. Atque Prometheo revera praeconum more

196) El. Soph. 1395.

197) Pind. Ol. VI, 79; Py. II, 10; N. X, 53; Isthm. I, 60; Arist. Plut. 1161, Corp. inscr. 250.

198) Propterea *ἀγοραῖος* Ariqst. Equ. 297; *ἐμπολαῖος*, Arist. Plut. 455, *παλιγκαπηλος* ib. 1156.

199) Soph. Tr. 620.

200) *διακονικός*, Arist. Plut. 1170. cf. Soph. Inach. fr. 8. Est omnino deorum minister Si vero deos infantes, Bacchum, Aristaeum nutricibus portat, non deest cogitatio de deo fortunam assignante, divino enim infanti nutrices optimae contingunt, ut Aristaeo Horae et Tellus, Pind. Py. IX, 6; ubi de similibus muneribus cf. Boeckh.

201) *δούλιος* Arist. Plut. 1157; Soph. Ph. 133. Templum Mercurii *ψιθυρίστου*, quod Athenis erat, vide Demosth. Neacr. p. 1358.



persuadere studet, ut Jovi se subiciat, quod si minus contingit, ideo a poeta institutum est, ut melius appareat atrocissima Promethei contumacia, quam ne felicissimus quidem deus flectere potest. Melius ei res videtur cecis-  
sisse in Prom. sol. Indigni tamen nihil inest in ratione ea, qua Mercurius in nostro agit Prometheo. Omnium enim causam dicit deorum Olympiorum, 945, et minime blandis suavisque verbis eum decipere conatur, sed divino munere fretus directo et σεμνοστόμως ei imperat, ut faciat, quod pater jusserit: αὐθέκαστ' ἔκφραζε μηδέ μοι διπλῶς Ὀδοῦς, Προμηθεῦ, προσβάλλης, ὁρᾷς ὅτι Ζεὺς τοῖς τοιοῦτοις οὐχὶ μαλθακίζεται, 950; insaniam ei objicit 977, 1054, et intolerabilem superbiam, 979, 1057, et quod σωφρονεῖν non didicerit 982. Et tamen, etsi bene sibi conscius potentiae patris (980, 1011, 1032), etsi ipse a Prometheo ignominia tractatus, (970, 986,) non sine comitate ei suadet, ut fortunae Iovique cedat, 1000, 1035, monetque Oceaninas ne temere incidant in perniciem, 1058, 1071.

Mercurii sacrum, quod Lemni erat, Aeschylus commemorat Ag. 283<sup>202)</sup> deumque Cyllenium<sup>203)</sup>, quem Arcades lacus Stympiali accolae venerabantur, Psychag. fr. in Arist. ran. 1290 (1266, ubi cf. Schol. Cant. 1, ed. Dindf.) Argum Ius custodem occidit S. 305; et subita quidem minimeque exspectata morte (Pr. 680), id quod bene cum universa Mercurii natura congruit.

---

202) Soph. Ph. 1459.

203) Soph. O. T. 1104.

21.

Vulcanus.

Vulcani ignis est peculiaris (Pr. 7, 38), ignis, quo homines utuntur, et praecipue quidem is, qui in caminis flagrat fabrorum arti necessarius, sed non solus, eodem enim nomine signa declarantur, quibus Agamemnon Clytaemnestrae nuntium mittit de Troja expugnata *Ἡφαιστος Ἰδης λαμπρὸν ἐκπέμπων σέλας* <sup>201)</sup> Ag. 281 sqq. ubi laetum ac serenum ignis splendorem pulchre habes descriptum: v. 287 *πρὸς ἡδονὴν — χρυσοφεγγὲς ὥς τις ἥλιος σέλας*, et v. 298: *δίκην φαιδρῶς σελήνης*. Sed non laetior quam utilior mortalibus ignis exhibetur, *πάντεχρον σέλας* Pr. 5, cf. 109, 254, 613. Omnibus igitur artibus fabrorum praeest Vulcanus, faber ipse omnibus praestans, neque rudis faber sed elegans artifex <sup>205)</sup>, eiusque opera, etsi perfecta non magno labore (Pr. 75) dicuntur *δύσλυτα* Pr. 19, *ἄρδῆκτα* 6 cett, manusque invicta, Attii Philoct. fr. apud Macrobian. Saturn. VI, 5. Commemorantur haec eius opera praestantissima Heliad. fr. 59: *Solis δέπας Ἡφαιστοτέυχες*, Phorc. fr. 242: *Persei ἄρπη ἐξ ἀδάμαντος*; arma Achillis in fr. Attii Philoct. <sup>206)</sup> Propterea a Jove jubetur vincere Prometheus,

201) De igne nomen usurpatum habes etiam Soph. Ant. 123, 1007; Pind. Py. I, 25; III, 40; Archil. fr. 61. Sed fr. 137 de deo.

205) Saepissime cum Minerva conjungitur, Solon. X, 49; Pind. hymn. fr. 5; Ol. VII, 35: *Ἀφαιστίου τέχναισιν Χαλκιδάτῳ πέλειαι πατέρας Ἀθαναία κορυφὰν καὶ ἄκραν Ἀνορούσαισιν*. Siquidem ex artificiorum calliditate prodit sapientia.

206) Solium artificiose comparatum, cui Juno astringitur. Pind. fr. inc. 8.

Pr. 4, 619; Pr. sol. 179; quae vincula nemo solvere potest, nisi qui ipso corporis robore divinus est, Hercules. Facile apparet, in Vulcano, qualis in Prometheo introducitur, non inesse eum, qui reliquorum deorum magnorum est, divinum vigorem: id quod haud dubie repetendum est e virorum nobilium superbia, qua opifices etsi non contemnebant, tamen despiciebant, Aeschyli praecipue aetate, ubi fabricas servis relinquere coeperant. Et profecto, etsi minime serviles, obedientissimi tamen exhibentur Vulcani mores, placidus est et tranquillus ut in eo recordemur illius verbi Ovidiani: didicisse fideliter artes Emollit mores nec sinit esse feros (cf. Pr. 79): favet hominibus, favet Prometheo eiusque miseratur. Et in hac comitate cum summa artis peritia conjuncta divinam inesse dignitatem, quis est qui neget? Dum vero alius quilibet deus *κῦδος γαίῳ* honorem ac munus suum strenue tuetur ac propterea si jus cum jure confligit saepe sibi invicem, saepius hominibus irascuntur: Vulcanus ipse conqueritur, quod sibi munus contigerit, quo vel invitatus invisa etiam facere cogatur Pr. 45 seqq. Deos vero pariter atque homines pietate et comitate tractat. Eadem ratione prisci Athenienses, qui eius liberi perhibentur, summa pietate Apollinem nuperrime Deli natum venerantur et Delphos comitantur, *πέμπουσι καὶ σεβίζουσιν μέγα*, securibus viam aperientes E. 12 c. schol. Cf. Welcker. Tril. p. 290, not. 314; Müller. Dor. I, 241.

Sedes Vulcani duas Aeschylus commemorat, illam Lemni <sup>207)</sup> in monte Mosychlo, ubi Cabirom pater dice-

---

<sup>207)</sup> Soph. Ph. 800, 986.

batur (Volcania templa et mysteria Cabirûm, ex Attii Philoct. apud Varr. l. L. VI, p. 67 <sup>208</sup>); neque dubium videtur, quin idem statutum fuerit in Prom. ignifero); hanc in Aetnae cacumine Pr. 367, ubi e Thalia uxore, Jovis filia, genuit Palicos Aetn. fr. 6.

22.

Minerva.

Minerva Aeschylo est Παλλὰς Ἀθηναίη, Virgo Atheniensis: hanc ut suam deam summa religione pariter ac pietate venerabatur, in hanc excepto matrimonio quidquid sancti et decori in rebus humanis cogitari potest, transtulit, neque ex ulla re clarius elucet generosum et liberale Aeschyli ingenium, quam ex huius, quale ab eo adumbratum est, numinis imagine. Itaque Minervae natura singulari aliquo nomine significari non potest: est virgo divina et quidquid virginem divinam decet eius est proprium: est optima et carissima Jovis filia, qualem nulla dea partu edere potest, E. 666; propterea neque in uteri caligine nutrita ibid., neque omnino ab ulla matre progenerita E. 736; *κάριτα δ' εἰμὶ τοῦ πατρὸς* <sup>209</sup>) 738. Propterea peculiare eius nomen est *Διὸς κόρη* E. 445, 664; S. 445; solaque in illa cum Jove et Apolline (Ag. 165; E. 87) omnem fiduciam ponere potest mortalis, *πράξας γὰρ ἔν σοι πανταχῇ τάδ' αἰνέσω*, E. 469, quod ex intimo i-

208) Cf. Hrm. de Aesch. Philoct.

209) Pind. fr. inc. 9. Licetque ei Diomedem, cui favet, facere deum immortalem. Pind. N. X, 7.

psius Aeschyli animo dictum esse mihi constat. Scilicet est potentissima, confidit enim Jovi, solique ei libere fulmine uti licet, E. 826; <sup>210)</sup> ac propterea neque opus est, ut longam consumat orationem ubi rem quampiam suadet, neque omnino ut quidquam dicat, quod ratum non est factura, E. 899; propterea si quid novi et incogniti miratur, metu tamen minime tangitur, E. 407; et in rebus humanis, imprimis Atheniensium, tanta est eius potestas, ut ipsa Eumenidibus honorem apud hos concedat eumque se tuituram esse polliceatur: *τῇ γὰρ σέβοντι ξυμφορὰς ὀρθώσομεν*, 897. Unde apparet, quam inanis sit Furiarum fiducia, qua se aliquid contra eam valere opinantur, E. 299. Audit praeterea (*ὦν θεός*) quae e longinquo dicuntur E. 297, 397. Est sapientissima <sup>211)</sup>, id quod ipsae concedunt Furiae, *τῶν σοφῶν γὰρ οὐ πένη* E. 431: cuius laudis a Jove acceptae bene sibi conscia est, E. 850: nam quod ibi maiorem Furiis concedit sapientiam, id modestius quam verius dictum esse res ipsa docet: ac sapientiae maxime insignia in tota tragoedia edit exempla, velut in constituendo Areopago, 696. Itaque quibus favet, iis assignat *τὸ σωφρονεῖν*, 999, cf. 988. Est facundissima, proprium est eius illud *γλώσσης μείλιγμα καὶ θελκτήριον, ἄγνὸν πειθοῦς σέβας*, E. 886. Propterea vim, qua agere potest, aspernata soli huic facundiae confidit, 829; omnem adversariis

<sup>210)</sup> Eur. Troad. 80. De clavibus cf. Arist. Av. 1745.

<sup>211)</sup> Athenis in curia sacrum erat *Διὸς βουλαίου καὶ Ἀθηνᾶς βουλαίας* Antiph. de choreut. p. 146. Quia ab artificibus parum discernitur sapientia, ipsa artificibus excellit Minerva eorumque peritos facit, ut Rhodum, Pind. Ol. VII, 51.

largitur honorem 798, 933, 848, 882; summa comitate grandaevarum iracundiam perfert et ignoscit 849, 881; summa suavitate honorum, quos iis assignatura sit, gratiam exornat 805, 834, 851; ut tandem suo jure possit gloriari, quod per se vicerit Jupiter ἀγοραῖος, facundiaeque gratiam habere, quod sibi linguam adjuverit 970-975. Propterea cives suos docet γλώσσης ἀγαθῆς ὁδὸν εὖρίσκειν 988. Est justissima, retinet sese ab omni negotio, quod non sortita est, 471; curat ubique ut omnia justissime fiant, 430, 488, 573, 674, 709, 913 (summam vero justitiam a Jove pendere agnoscit, 797); et propter hanc eius justitiam ac sapientiam Apollo (79, 224) pariter ac Furiae (435) eius judicio se submittant (σέβουσαι γ' ἄξιον ἐπαξίων), summaque fiducia Orestes, 213 (468. Nam sicut comiter agit erga unumquemque deum, erga foedas etiam Furias, quibus neque propter foeditatem maledicere (413), neque in ullam earum reprehensionem incidere sustinet (678, 882): ita mortalibus est clemens et facilis cf. 235, 298; et propterea lege jubet, liberandum esse reum, etiam si paria habeat suffragia, 741; ipsaque liberum Orestem proclamat 752, servans <sup>212)</sup> eius domum et patria terra orbatum restituens. Et pro hominibus, pro Atheniensibus utitur facundia victrici, qua numinibus illis augustis sedem Athenis constituit ac de hac re maximo opere laetatur 927, 968. Omnino enim Athenarum ve-

---

212) Aram in Arcopago Minervae ἀρεῖα, quae perniciem valide propulsaverit, dedicavit Orestes, Paus. I, 28, 5. Apud Sophoclem precibus invocatur ut pestilentiam averruncet O. T. 159, 188: Ipsi enim Athenis colebatur ὑγιεία Paus. I, 23, 4; παῖωντα Paus. I, 2, 5; 34, 3; quo munere sanandi et placandi insigni modo utitur in Eumenidibus.

ra est regina ἄνασσα χώρας 288, 235, 443, 892, <sup>213</sup>) ea-  
que gubernante rege non opus est (cf. P. 241—244). Ut  
regina totius populi vice ubique fungitur, in occupanda  
regione ad Scamandrum, 388—402; in foedere jungendo,  
289, 670, 762; in bellis 776; in constituendo Areopagi  
judicio, cui optimos civium eligit, 487; legemque, quam  
observari jubet, pronuntiat, 571, 681, cf. 614; atque sic-  
ut magistratus Atheniensis εἰσάγει τὴν δίκην, 582; praeest  
in judicando 629, 734; recipit denique Eumenides in ter-  
ram 804, 916, 1003: προτέραν δ' ἐμὲ χρή Στείχειν θαλά-  
μους ἀποδείξουσιν. cf. 1022 sqq. Et sic omnino urbi et  
terrae cui ipsa nomen praebet E. 10, 79, 772, 1016,  
1045; P. 347, quam ipsa suam vocat <sup>214</sup>) (487, 707, 858)  
omni modo favet, quidvis malum avertere studet, 475;  
tegit eos suis alis 1001, 911; omni bellica gloria eos ex-  
ornat 915, 864, 893; et bonorum bonam voluntatem iis  
assignat (1012). Minervae enim gratia Jupiter etiam favet  
(998, 1002, 1045) terrae Θεοφιλεστάτη, 869; favet etiam  
Apollo, 668; favent superi omnes, Θεοὶ πόλιν σώζουσι  
Πάλλαδος Θεᾶς P. 347 <sup>215</sup>). Sacrum eius, quod Athenis

---

213) τῆς πόλεως μεδέουσα Arist. Equ. 763; Thesm. 1136. Hoc re-  
ginae munere fungitur etiam in bello Persico. Jovem enim  
Athenis iratum placare studet, sed frustra, id tantum adipi-  
scitur, utin ligneo muro salutem fore ille polliceatur (ex oraculo,  
Her. VII, 141). Propterea ipsa tandem imminente pernicie  
cedit ex urbe VIII, 41.

214) Soph. O. C. 107, 1090.

215) Cf. Solon. XV, 1: ἡμετέρη δὲ πόλις κατὰ μὲν Διὸς οὐ ποτ'  
ὀλεῖται Αἴσαν καὶ μακάρων θεῶν φρένας ἀθανάτων. Τοίη  
γὰρ μεγάλθυμος ἐπίσκοπος ὀβριμοπάτρη Παλλὰς Ἀθηναίη  
χείρας ὑπερθεύει.



est, simulacrum et fanum saepius commemoratur, velut E. 212, 259; virginesque sacerdotes 1024. — Aegidem vibrans curru equisque vehitur, 405, quibus Minerva *ἰπνία* indicatur, de qua cf. Paus. <sup>216</sup>). Natalem eius locum Libycum Aeschylus agnoscit Tritonem E. 293. Delphis *προναία* (E. 21. cf. Stanl. ib. et Herod. VIII, 37; I, 92), Thebis <sup>217</sup>) Onca prope portam Oncaeam colitur Th. 487, 501, 164. Lindi templum Minervae condunt Danaides, (S. 145: *ἀγνὰ Διὸς κόρα Ἐχουσα σέμν' ἐνώπι' ἀσφαλές*), quas ipsa navem construere fugamque parare docet. (Cf. Welck. Tril. p. 392.). In Philoctete Ulyssis curam gerit <sup>218</sup>) (Hrm. de Aesch. Phil. p. 6.). Ajacis superbiam ulciscitur, fractum vero morte a miseria sese levare docet Thress. fr. 73 <sup>219</sup>). Haud dubie etiam Ajacis Locri interi-

216) I, 31, 6. Minerva equestris cum Neptuno equestri colebatur Coloni I, 30, 4; Schol. Soph. O. C. 711 ex Androtione; cf. 1071; Pind. Ol. XIII, 82.

217) Soph. O. T. 20.

218) Soph. Phil. 134; Aj. 14, 953. — Tr. 1022 ab Hercule invocatur.

219) Apud Sophoclem acerba Ajacem persequitur ira, nec sine ludibrio eum tractat. Est hoc e natura divina, ut nihil tenui et incerta faciant ratione, summum eorum est odium, ut summae virtutes. Implacabile non est, per unum modo diem mansurum, sed dum manet necdum expiatum est, est terribilissimum. (Ita Aeschyli Apollo, quem fide rupta offendit Cassandra, hanc in perniciem perducit). Cf. Welcker. de Soph. Aj. in Mus. Rhen. III, p. 79. Itaque minime turpis et indigna dicenda est ratio, qua Minerva agit, sed est tamen dura et terribilis, neque negari potest, magis decoram, magis divinam esse clementem Minervam Aeschyli.

tus ab eius ira repetebatur <sup>220</sup>). Bellica virtute non mediocri celebratur, φιλόμαχον κράτος ῥυσίπολις γενοῦ Th. 130; cf. 164, 501; E. 295: εἴτε Φλεγραιάν <sup>221</sup>) πλάκα Θρασὺς ταγοῦχος ὡς ἀνὴρ ἐπισκοπεῖ. 457: σὺ Τροίαν ἄπολιν Ἰλίου πόλιν Ἔθηκας. Cf. E. 775. Propterea etiam, sicut omnino multo maiorem viris quam mulieribus Aeschylus tribuit honorem, quoniam non a matre est edita, probat quidquid virile est omni animo, modo ne ipsi nubendum sit, E. 737 <sup>222</sup>).

### 23.

## Phoebus Apollo.

Si Minervam, quatenus Atheniensis erat Aeschylus, suam colebat deam, suum etiam et pie et religiose et aman-

<sup>220</sup>) Cf. Soph. Polyx. fr. 1.

<sup>221</sup>) Cf. Eur. Ion. 213. 1002. Pugna cum Gigantibus principalis erat inter res pictas in peplo Minervae, qui in Panathenaeis pompa in arcem portabatur. Schol. Arist. Equ. 570. Böttig. myth. techn. Jov. p. 22. De virtute bellica cf. Soph. Ph. 134: Νίκη Ἀθὰνα Πολιάς, et Aj. 401: ἀλκίμα. Itaque Athenis cum Marte consociata erat Paus. I, 8, 5; armata fingebatur I, 1, 3; 28, 2. Assignat robur Pind. N. VII, 96; ipsa Θρασεῖα N. III, 51. Cf. X, 81. Itaque Perseum audacem ducit in itinere Py. X, 45.

<sup>222</sup>) Propter hos bellicos et regiores mores minus exposuit Aeschylus artes muliebres, in quibus dea excellit, velut Sapphoclis Minerva Ἐργάνη fr. inc. 60, Paus. I, 24, 3. Sed Sophocles etiam virilem eius agnovit indolem velut in Dearum iudicio. Tibias invenit Pind. Py. XII, 7, 19.

tissime venerabatur Apollinem, neque ipsam Minervam magis quam Apollinem, neque ipsius Minervae toties habet mentionem quam Apollinis. Phoebus Apollo, gentilicius Eupatridarum deus (Müll. Dor. I, p. 245), deus laetus, lucidus, illustris, divina pollens et vicens alacritate juvenili, non dissimilis est ipsius poetae ingenii, praesertim si juvenem hunc cogitamus, comis et benignus pariter atque iracundus, clarus et serenus pariter ac foedum quidvis horrore aspernans. Itaque proprie dicitur θεὸς ἀγνός, S. 214; itaque οὐδὲν προσήκων ἐν γόοις παραστατεῖν, Ag. 1079, 1075. Siquidem, ut Stesichorus dicit, μάλα τοι μάλιστα πάιγμοσύνας τε φιλεῖ μολπὰς τ' Ἀπόλλων, Κήδεα δὲ στοναχὰς τ' Αἴδας ἔλαχεν 223). Itaque in via quae ad Orcum fert, ire non potest Apollo Th. 859, omninoque in rebus, quae ad caedem et cruorem pertinent, nihil habet negotii, id quod saepius ei obijciunt Furiae, E. 714, 575, 153, ut quae contendant, caedem Orestis nullo modo posse expiari. Furiis deus sanctus non infensus esse non potest, neque solum eas odio habet, sed ubicunque earum mentio fit, ira et horrore incenditur, cf. E. 67, 191, 644; seseque iis, nisi e domo sua egrediantur, vim illaturum esse minatur, 179. Sacer enim et illustris ipse non magis est quam quidquid agit vel suum vocat, vaticinia 224) et templa E. 715, 191, 207, 170. Propterea piaculorum omnium, quae lustrari possunt, est lustrans, δωμάτων καθάρσιος 225), E. 63; φόνον καθάρσιος, 578; et eodem mo-

---

223) Cf. Soph. Aj. 701. Pind. fr. inc. 12: ὀρχήστ' ἀγλαΐας ἀνάσσων.  
Py. X, 39. Cf. Theogn. 7.

224) Soph. O. T. 788.

225) Müll. Dor. I, 332—336.

re lustrat, quo homines pariter atque ipse Jupiter, *καθαρμοῖς χοιροκτόνοις* E. 283, 452; Ch. 1038; deinde vero eius simulacrum tangens supplex homicida piaculo liberatur, Ch. 1060; redditur purus et *ἀβλαβής* E. 474, 285; *ἄγνός* 287; et cum antea eum vocem emittere nefas sit (448), nunc a Phoebō, sapiente magistro, loqui docetur, 279. Tanta enim sanctitatis est Apollo, ut ipse non polluat, licet *αἵματος δέκτωρ νέον*, E. 204; cf. Soph. Ant. 1044. Ea tantum aspernatur, quae sanari non possunt, mortuos (E. 649) et quibus mors certo definita est, *οὔτι Παιῶν τῷδ' ἐπιστατεῖ λόγῳ*, Ag. 1248: quidquid vero admittit remedium, optime ab eo restituitur. Propterea in Pheretis domo, ubi in summo omnia versabantur discrimine, Parcis persuasit, ut ipsum illud, quod constituissent, irritum redderent, invictam earum legem superans, E. 723; propterea dicitur *λατρόμαντις* E. 160: eodemque nomine eius filius Apis (*ἥπιος*) vocatur, cui terra Apia a monstribus liberata nomen debet, S. 262; propterea alter eius filius Aesculapius <sup>226)</sup> dicitur doctus in revocandis mortuis in vitam (patet enim hunc esse sensum loci impediti) Ag. 1022: pariter atque ipse immortalem reddidit hominem in aedibus Admeti. Propterea ipse Apollo dicitur *ἰήϊος* <sup>227)</sup> et Paean Ag. 146; Ch. 340; fr. 264; et ipse Aeschylus docuit, Paeanem esse carmen victoriae ideo Apollini dicatum, quia malorum avertendorum potens esset, fr. 420, cf. Ch. 340: *ἀντὶ δὲ θρήνων ἐπιτυμβιδίων Παιῶν μελάθροισ*

---

226) Soph. Phil. 1437; Pind. Py. III, 6—60; N. III, 54.

227) Soph. O. T. 154; cf. Pind. Py. V, 59.

ἐν βασιλείοις Νεοκράτα φίλον κομίσσει. Propterea σωτήρ <sup>228)</sup> κάπαγώνιος praedicatur, Ag. 512; refertur inter ἀποτρόπους δαίμονας, P. 203, 206; cf. E. 64, 83, 232, 299, 758; et vide omnino Orestem ab eo defensum 614 sqq. Propterea invocatur in periculo, Th. 159; Ch. 807, 1057; E. 744. Itaque inimicis eorum quibus favet ipse inimicus (οὐ πέπων) invocatur Λύκειος <sup>229)</sup>, qui hoste perdendo virum servat et tuetur, Ag. 1257; καὶ σὺ Λύκει' ἄναξ Λύκειος γένου Στράτη δαΐη, Th. 145; εὐμενής δ' ὁ Λύκειος ἔστω πάσα νεολαία S. 686. Cf. Ag. 1257. Itaque omnibus, quibus irascitur, est ἐπόλλων, perniciosus, Ag. 1080; inducit eos in cladem extremam Ag. 1087, 1275; tam iratus his et infaustus ἀγνιάτης <sup>230)</sup>, Ag. 1081; quam amicis amicus et prospiciens, E. 725. Ita Graecis Trojam obsidentibus infensus summa infligit mala, Ag. 511. Potestate enim gaudet suprema, magnus ei est honor apud Jovem E. 229; σθένος δὲ ποιεῖν εὖ φερέγγυον τὸ σόν, E. 198; ἄναξ Ag. 509, 513; Ch. 559, 1057; E. 85, 198, 574; Th. 801; ὕπατος Ag. 55; μεγασθενής, E. 61 <sup>231)</sup> Suis telis utitur

228) Soph. O. T. 150. — Avertentem vide Soph. Aj. 187; O. T. 162. Ap. ἀποτροπαῖον Dem. Mid. 15. f. Paus. I, 24, 8.

229) Soph. El. 7, 645, 655, 1379; O. T. 203, 919. Athenis colebatur Ap. Lycius in Lyceo Paus. I, 19, 3. Eadem est natura Apollinis Boedromii, Müll. Dor. I, 245, 3.

230) Apollo ἀγνιεύς colebatur Athenis Dem. Mid. 15. d; Paus. I, 31, 6 (Acharnis), qui bonam assignare putabatur fortunam. Quod munus proprium est Mercurii, nec differt ab huius natura cogitatio, quae Apollini ἀγνιεῖ subest.

231) προστάτηριος, Soph. El. 637; Tr. 209; Dem. Mid. 15, d; Corp. inscr. 112, 113.

arcu et sagittis <sup>232</sup>) Ag. 510; E. 181; sagittas missas dirigit, ἀγρεύς <sup>233</sup>) Ἀπόλλων ὀρθὸν ἰθύνει βέλος, fr. 379. Inimicos vero eos potissimum habet, qui secus agunt, quam quod concinit cum sacra sua natura, cuius propria est iustitia (οἶσθα τὸ μὴ ἀδικεῖν) E. 85; cf. 610, 725, legesque a Jove conditas neglexerunt. His ultor et magnus vindex una cum Jove immittit Furiam ὑστερόποινον, Ag. 55; Ch. 283, 1030; E. 465. Prae omnibus vero Laii genus odio habet ob vetustum scelus Laii, qui cum unicam rationem, qua hoc lustrare posset, ab Apolline indicatam neglexerit, genus progenit, in quo scelera sceleribus, execrationes execrationibus excipiebantur: usque dum Apollo perniciem festinans (Th. 690) ultimos, qui eius supertites erant, ad necem perducatur <sup>234</sup>), Οἰδίπου γένει Κραίων παλαιὰς Λαῖου δυσβουλίας, Th. 801; καὶ δυοῖν κρατήσας ἔληξε δαίμων, 960. Idem agit in domo Atridarum, jubet Orestem ulcisci patrem, E. 203, occidere matrem, 84, 595, 610, 580; et eadem ratione qua Agamemnonem illa interemerit, fraude et dolo, Ch. 555; eumque ipse adducit fraude justa adversus matrem, cui justo tempore poenam decernit, Ch. 955 <sup>235</sup>).

Leges illas a Jove praeceptas, quas neglectas ulciscitur, ipse etiam enuntiat, quo munere suo prae reliquis omnibus fungitur. Ideo usitatissimum ei nomen est Lo-

232) Soph. Tr. 209; O. T. 162; Pind. Ol. VI, 59; IX, 32; Py. VIII, 18.

233) Soph. O. C. 1091.

234) Ita ipsum Oedipum perdit, Soph. O. T. 377, 1329. Sceleris ultor celebratur O. T. 133, 470.

235) Soph. El. 35.

xiae, Pr. 669; Th. 618; Ag. 1074, 1208, 1211; Ch. 269, 558, 900, 953, 1030, 1036, 1059; E. 19 (*Διὸς προφήτης*), 35, 60, 235, 241, 465, 758; fr. 74 <sup>236</sup>); *μάντις* Ag. 1202; E. 18, aliisque locis permultis, *θεὸς χρηζών* Ch. 340; *μάντις ἀψευδής* Ch. 558, fr. 264, v. 5; *τέχνης ἐνθεος*, E. 17. Oraculum, quod enuntiat, ipsum dicitur *χρησιμὸς με- γασθενής*, Ch. 269; *ἀγνός*, E. 716; cui, licet sit *δυσμα- θής* (Ag. 1255; Pr. 661), summa fides sit habenda, Ch. 297; *οὐκ ἀμβλύνεται*, Th. 843; *οὐ προδώσει*, Ch. 269. Curat enim deus omni studio, ne irrita reddantur quae vaticinatus est <sup>237</sup>), E. 64, 615, 713; Ch. 955.

Divini ardoris, qui in vaticinando conspicitur, ratio habita esse videtur, ubi cum Bacchō consociatur, permi- stum enim esse utrumque non credemus Macrobio; qui

236) Pind. Isthm. VI, 49; Py. III, 28; XI, 5. Soph. El. 82; O. T. 853 cett. De hoc munere vaticinandi cf. Soph. Aj. 1424; El. 35; O. T. 71, 80, 96, 279; O. C. 86, 102, 414, 454. Itaque vates dicuntur eius ministri (O. T. 712, 284), servi (410), quibus interdum fides abrogatur (500, 712, 857) quae summa ipsi deo habenda est: *Ζεὺς δ', ἅ' Ἀπόλλων ξυνεῖτοὶ καὶ τὰ βροτῶν εἰδότες* O. T. 499. — Docet artem vaticinandi, ut apud Aeschylum Cassandram, ita apud Pindarum Iamum fili- um, Ol. VI, 65; et ipse diis hominibusque vaticinatur, Ol. VII, 32; VIII, 41; *πάντα ἴσαντι νόφ, ψευδέων δ' οὐχ ἄπιε- ται, κλέπτει δέ νιν οὐ θεὸς οὐ βροτὸς ἔργοις οὔτε βουλαῖς* Py. III, 29; IV, 5; jubet condere coloniam, Py. IV, 54, 259; ipse *ἀρχαγέτας*, Py. V, 56; IX, 42 (*τὸν οὐ θεμιτὸν ψεύδει θιγεῖν*); 41—49 (*κύριον δὲ πάντων τέλος Οἶσθα καὶ πάσας κελεύθους* cett).

237) Et quia Jovis leges enuntiat, ipse Jupiter curam gerit eius oraculorum. v. not. 108.



maius non affert testimonium, quam cognomina Bacchi ad Apollinem translata: ὁ Κισσεύς Ἀπόλλων καβαῶς ὁ μάντις fr. 411 <sup>238</sup>). Itaque cantui etiam praeest Apollo <sup>239</sup>), pariter ac Musae (S. 695): τί σοί γ' Ἀπόλλων κεκιθάριεν Aj. Locr. fr. 5; cf. fr. 264 a Platone servatum, ubi carminibus Apollo in Thetidis nuptiis felicitatem ipsius et filii, quem editura sit, celebrat, (θεοφιλεῖς ἡμᾶς τυχεῖς Παιῶν ἐπενφῆμῃσεν εὐθυμῶν ἡμέε) \*). Ac si Thetis conqueritur, quod cum filio felicitatem vitamque longaevam promississet nunc ipse eum interfecerit <sup>240</sup>), dubium esse non potest, quin, si universus fabulae connexus inspiceretur,

238) Similis est ratio Apollinis Διονυσόδοτον, quem Phlyenses venerabantur Paus. I, 31, 4. In ipsa urbe colebant Διόνυσον Μελεπόμενον ἐπὶ λόγῳ τοίῳδε ἐφ' ὁποῖῳ περ' Ἀπόλλωνα Μουσηγέτην Paus. I, 2, 5. Acharnenses colebant Διόνυσον Μελεπόμενον et Διόνυσον Κισσόν Paus. I, 31, 6. Sophocles etiam (O. T. 203) Apollinem cum Baccho conjungit, sed alia ratione, hic enim est Apollo pastor, νόμιος, ac similitudo in eo posita est, quod uterque saltuum amans est. Hunc Aeschylus nusquam memorat. Athenis etiam Apollo Panis socius est. Paus. I, 28, 4.

239) Cf. Pind. Py. V, 61: πόρεν τε κίθαριν, δίδωσὶ τε Μοῖσαν οἷς ἂν ἐθέλῃ cf. I, 1, 12; N. V, 24; hymn. fr. 3 et 4. Musagetam vide hyporch. fr. 12. — Eius filium Orpheum φορμικτὴν δοιδᾶν πατέρα, Py. IV, 176.

\*) Noli cum Bernhard. Synt. Gr. p. 121. legere παιῶν, Aeschylus enim hymnum dicit παιᾶνα, Ag. 645, Th. 869; fr. 420: deum vero Paeonem Ag. 99, 348; Ch. 1248.

240) Cf. Soph. Ph. 335. Cuius mortem ulturus Neoptolemus Delphis occiditur e Sophoclea fabula, Hermion. fr. 1.

Apollo nonnisi verum dixerit. Quid enim est, quod ibi cecinit, nisi clarissimum illud oraculum de duplici sorte, quae maneret Achillem? Satis enim constat, in reliquis de Achille fabulis accurate poetam secutum esse Homericarum carmina. Matrem vero piam ac lugentem veram rei rationem parum curare, optime instituit.

Haec sunt Apollinis munera, haec potestas; de morum natura jam diximus, quae ut vera percipiatur, relegenda sunt quae ipse in Eumenidibus loquitur. Agit ibi deus clemens et comis erga Orestem et quemvis pium hominem: οὐκ οὐν δίκαιον τὸν σέβοντ' εὐεργετεῖν, ἄλλως τε πάντως ᾗ ὥστε δεόμενος τύχοι; 725; supplici justum e Jovis legibus largiens honorem, 233; sapientibus consiliis eum instruens adversus adversarios, 81, 279; patrocinio eum adjuvans (748) usque ad felicem eventum; favens omni quod honestum est et pulchrum; sancto fervore irascens foedis numinibus, quae nonnisi malorum causa exstant. Atque ut juvenem divinum decet, sanctitatis suae sibi conscius id, quod odio habet, ridet (721, 729) et frangit καθιππάζει νέος γραίας δαίμονας, 150, 731, 780; παλαιγενεῖς δὲ μοίρας φθίσας, 173. Et ostendit ipse eventus, quamquam suo jure id dicunt Furiae quod ei objiciunt, tamen hoc eorum jus inferius esse jure Jovis, cui confidit Apollo, quod errorem et labem non admittit (717), cui ipsae se subjiciunt Furiae. Placandarum harum et permutandarum in benevolas, non est juvenis divini munus sed virginis divinae: uterque autem, societate juncta, idem perficit, quod perficit Jupiter, infringunt et permutant μοίρας παλαιγενεῖς. Quatenus vero etiam a Jove agnoscuntur leges aeternae, quatenus eadem novae sunt factae et a Jove constitutae, Apollo etiam iis non super-

sedet (cf. E. 232). Quod igitur verum contraxit piaculum neque inane, quale id quod Furiae contendunt, eius ei poena luenda est. Quodnam eius piaculum statuerit Aeschylus nescimus, cum vero Aesculapii mortem pariter atque res Pheris gestas commemoret, id etiam, quod in Euripidis Alcestide inter utrasque intercedit, eum agnovisse putabimus, caedem Cyclopi, qui divina stirpe progeniti, cum ipso erant affinitate juncti. Lustratur exilio: et eo maiore fiducia exules supplices eius clementiam implorant ipsumque invocant *ἀγνὸν Ἀπόλλω φυγάδ' ἀπ' οὐρανοῦ θεόν. Ἰδὼν ἂν αἴσαν τήνδε συγγνώμῃ βροτοῖς. Ἐγγνοῖτο δῆτα καὶ παρασταίῃ πρόφρων* S. 214. Simili ratione simile facinus luit Hercules, venditur in servitatem Ag. 1040.

Apparentem hunc deum illustrem in sole Aeschylus intuebatur, non tamen, quasi nihil maius deum cogitavisset, quam illum orbem splendidum, imo humana haud dubie forma juvenili et pulcherrima <sup>241)</sup> eum indutum cogitabat: sed vinculo aliquo inter utrumque intercedente, eo fortasse ut solis *κυκλὸν πανόπτην* (Pr. 91, 1092) oculum dei putaret (cf. 796). Tamen non ubique, ubi Solem patrem commemorat — Pr. 808; P. 232, 502; Ag. 633, 676; Ch. 986; Heliad. fr. 59, 60; Xantr. fr. 159; Pr. sol. fr. 178 <sup>242)</sup> — de Apolline cogitandum est, fluctuabat haec

<sup>241)</sup> Cf. Theogn. 7: *ἀθανάτων κάλλιστον*.

<sup>242)</sup> Cf. Soph. Aj. 846, 857; El. 825; Tr. 96; Oed. T. 660 (*πάντων θεῶν πρόμος Ἕλιος*); 1426 (de sanctitate); Rizot. fr. 2; inc. 90, 91: *Ἕλιος οἰκτελεῖ μέ, Ὅν οἱ σοφοὶ λέγουσι γεννητὴν θεῶν καὶ πατέρα πάντων*. E quibus magnum a Sophocle Soli honorem esse tributum et maiorem, quam ab

opinio, ut omnia, quae ad res symbolicas pertinent: neque ad solem alligari poterat Apollo, cum omnes jam dii Olympii liberam vitam agerent solaque mente conceptam. Sed praeterquam quod Apollinis numen e Solis veneratione ortum videtur, nihil exstat in rerum natura, quod meliorem dei illustris et puri imaginem possit praebere, quam Sol, qui ipse pariter atque Apollo tenebrarum et Erebi est irpatiens (ut quaecunque invisa sunt Apollini, Orcus et Furiae, dicantur ἀνήλια Th. 859; Ag. 519; E. 387, 396) ipse pariter atque Apollo occidens fugit e coelo (quod quin Aeschylus cogitatione conjunxerit, nullus dubito, cum in Supplicum loco utrumque conjunctum posuerit), ipse pariter et Apollo dicitur servator S. 213; Jovis praeco (Ζηνὸς ὄρνις 212) ut Apollo Jovis propheta. Neque cum Apollo in Eumenidibus testem se praebeat (μαρτυρήσοντα 576) possum non existimare, hoc ipsum esse significatum, ubi in Choephoris Orestes Solem patrem, qui omnia cernat, implorat, ut testes sibi futurus sit, ὥς ἂν παρῇ μοι μάρτυς ἐν δίκη ποτὲ Ὡς τόνδ' ἐγὼ μετῆλθον ἐνδίκως μόνον Τὸν μητρός Ch. 985. Cf. E. 699: ἤδη σὺ μαρτύρησον, ἔξηγοῦ δέ μοι Ἀπολλὼν εἴ σφε ξὺν δίκη κατέκτανον. Itaque non mirabimur, si alter cum altero invocatur, χαῖρε δ' ἡλίου φάος, Ὑπατός τε χάρας Ζεὺς ὁ Πύθιός τ' ἄναξ, Ag. 509. An quod Eratosthenes, ubi de Orphei morte loquitur, tradit, hunc habuisse Solem pro deo maximo et salutavisse Apollinem, ex Aeschyli Bassaridibus hauserit pariter ac mortem Orphei, nescimus. Negat hoc Müllerus (Dor. I, p. 289. not. 4).

---

Aeschylo, satis patet. Vitam humanam etiam O. C. 863 regere dicitur.

Quamvis benevolus et facilis mortalibus, tamen iisdem ubi jus divinum cum humanis moribus confligit, Apollo fit perniciosus. Amans Cassandram pro amoris remuneratione artibus vaticinandi instruit (*αἰρεῖ τέχναςιν ἐνθέους*). Promissis non stanti <sup>243)</sup> artem non adimit, sed fidem corrumpit mortemque violentam assignat. Ag. 1202—1212, 1085, 1269—1276. Sed huic etiam cum Agamemnone assignat vindictam misso Oreste 1279. Itaque poena pariter et honore puellae tributo in hac quoque re se deum ostendit, qui nihil injusti committat. Rem, quae per se constat, ipse indicat Aeschylus, cum senibus Argivis persuasum sit, Cassandram, cum deum deceiverit, ab eius ira haud posse manere incolumem. v. 1211.

Deli <sup>244)</sup> natus est Apollo, matre Latona (E. 323), septimo mensis die (Hes. Opp. 773), unde dicitur *ἑβδομαγέτας*, Th. 800. Phoebe Titanis, cui cognomen Phoebi debet, Delphicum oraculum ei tradit pro dono natalicio, Relicta Delo trajicit in Atticam <sup>245)</sup>, ubi summis honoribus filii Vulcani eum excipiant Delphosque comitantur:

243) Scelus est haec fraus Cassandrae pariter ac facinus Coronidis, quae »spreto Apolline per errores mentis« (non magis quam Cassandra spernit Apollinem) postquam deo morem gessit, jam gestans semen dei purum cum mortali rem habet. Ipsi mortem inmittit Apollo, filium e flammis servat Aesculapium Pind. Py. III, 8—44.

244) Soph. Aj. 703; O. T. 154. — Pind. Ol. VI, 59; Py. I, 39 (Delius, Lycius, Parnasius); Isthm. I, 6, prosod. fr. 1. — Carneus Pind. Py. V, 75.

245) Cf. Pind. parth. fr. 9. Si Pindarum sequeris, hoc itinere ad Tanagram appulit. Schol. Aesch. E. 11.

Delphus rex Delphicusque populus deum venerantur, qui a Jove arte vaticinandi donatus renuntiat oracula a Jove jussa, E. 6—19; sedens in Pythio telluris umbilico, E. 40, 169, 180, 194; Ag. 1255; Th. 745; Ch. 807 (*μέγα ναίων στόμιον*), 940, 953; Pr. 658; ubi ignis deo illustri splendet perpetuus, Ch. 1037 <sup>246</sup>). Unde Pythius <sup>247</sup>) (Ag. 509) et Parnasius (Ch. 953) dicitur. Athenis etiam favet, urbemque et gentem se elevaturam esse Minervae pollicetur, E. 667. Pompam navalem Delum quotannis ab Atheniensibus missam significari Th. 859, bene observat scholiastes. Hyperboreos <sup>248</sup>), populum beatissimum Apollini sacrum attingit Aeschylus Ch. 373, plura de iis videtur dixisse in Prom. soluto, ubi a Caucasio ad Geryonem per Istri vallem et per Hyperboreos (fr. 183) iter facit Hercules, quem missum fuisse ab Apolline ad Prometheum oraculo Pythico, sicut Ius iter oraculo Dodonaeo designatum erat, consentaneum est.

## 24.

### Bacchus.

Bacchus in iis, quae supersunt, tragoediis uno tantum

246) Ibi ludis Pythiis praeest, Pind. Py. IV, 66; V, 21; X, 10; VIII, 61; N. VI, 38; Isthm. II, 18; VI, 49. Sicyone ei ludi dicantur ab Adrasto, N. IX, init.

247) Apollinis Pythii fanum erat ex antiquissimis Atheniensium Thuc. II, 15; Paus. I, 19, 1. Erat hic *πατρώος τῇ πόλει* Demosth. de cor. p. 274. cf. Dem. c. Eubul. p. 1315, 1319.

248) Soph. fr. inc. 93; Pind. Ol. III, 14; Py. X, 39.

loco invocatur, in deorum Delphicorum <sup>249)</sup> numero; dicitur occupavisse terram ducens Bacchas, quas contra Pentheum misisset, cui mortem leporis instar paravisset. E. 24 <sup>250)</sup>. Eadem ratione ut deus juvenis <sup>251)</sup> terras permigrans, vinum <sup>252)</sup> et sacra sua hominibus offerens, ulciscens eos, a quibus non recipitur et contemnitur, in sex tragoediis ab Aeschilo inductus est, Edonis, Bassaridibus, Neaniscis, quae Lycurgeam, Semela, Pentheo, Xantriis, quae Penthei trilogiam conficiebant. Genitus a Jove e Semela paritur <sup>253)</sup> in flammis, quibus moritur Semela,

249) De Baccho Delphis recepto et in summo honore habito cf. Welck. Supplem. p. 210.

250) Quod scholiastes ibi Penthei fatum in Parnasso accidere putat, videtur esse merus error. Quid Pentheo Thebano cum Parnasso? Commemoratur huius mors ut quae in itinere Bacchi ex Asia profecti evenerit in Cithaerone, a quo deinde statim Delphos deus perrexerit. Tota enim haec expeditio Bacchi cum Bacchis ipsam significat Baccharum Atticarum ad Parnassum antrumque Corycium comissionem quotannis institutam, de qua cf. Paus. X, 3, 3; 32, 7; Soph. Ant. 1128, ubi ipsae Nymphae Coryciae Bacchae appellantur. Eadem est ratio filiorum Vulcani, qui Apollinem comitantur.

251) De hac alacritate juvenili vide Soph. O. T, 1105; O. C. 678; fr. 94; Brunck. lex. Soph. *ταυροφάγος*.

252) Cf. Soph. Thyest fr. 6. Alcae. fr. 3 (Mehlh. anthol. lyr.) *οἶνον γὰρ Σεμέλας καὶ Διὸς υἱὸς λαθικαδέα Ἀνθρώποισιν ἔδωκε*. — Pind. scol. fr. 3. De sacris cf. Pind. dithyr. fr. 3: *κισσοδέτας, Βρόμιος, Ἐριβόας*, conjunctus cum Magna Matre dith. fr. 5, 6. Prospicit etiam arboribus, inc. fr. 22.

253) Thebis, Soph. Tr. 510; O. T. 211; Ant. 154, 1122, 1137; Pind. Isthm. VI, 5; hymn. fr. 1.



quae ἐνθεαζομένη, Thyone, introducebatur (Semel. fr. 204) regiaque incenditur; ipse puer a daemone Amphidromo per ignem portatur, fr. 203. Welck. Tril. p. 329. Supplem. p. 123. — Revertitur aetate juvenili, habita molli et effeminato (Arist. Thesm. 135 seqq. Welck. Supplem. p. 105. cf. fr. 438: χάλιν ὁ Διώνυσος, et 418: χοιροψάλας) sed potentia invicta: ut ipsae domus eo apparente sacro corripiantur furore, ἐνθουσιᾷ δὴ δῶμα, βακχεύει στέγη, fr. 411. Incessus chori Baccharum splendide describitur (fr. 51, cf. fr. 409) cum tibiis, clamoribus, tympanis, ipsaeque mulieres incitantur carminibus Insaniae fr. 155. Cf. fr. 350: πᾶτες Θεοῖνε Μαινάδων ζευκτήριε. Insania omnes deus ulciscitur adversarios, tum his ipsis, ut Lycurgo <sup>254</sup>), tum Bacchis immissa, quae Pentheum atque Orpheum (quem ipse poeta videtur dilexisse, cf. Ag. 1629; Arist. Ran. 1032) dilaniant. Ut vero ipse in alacri floret juventute, ita etiam nutricibus suis per Medeam juventutem curat restituendam, fr. 40. Itaque Bacchi propria est ea, quae in natura divina et in ratione, qua deus hominem tractat, inest violentia, quam eandem vidimus in Jove, ibi quidem clementia mitigatam; in Baccho nudam, ingentem, talem, ut licet pariter ac vini vis imbecilla videatur, maxima hominem corripiat vehementia, maxima eum, qui sibi resistat, clade prosternat. Non mirum est, quod ubi fabulae Bacchi mentionem non requirunt, nihil ab eo repetit poeta: siquidem non Eupatridarum proprius erat sed plebi montanae <sup>255</sup>). Quod ipse, in epigrammate,

---

254) Cf. Soph. Antig. 955.

255) Cf. Welck. Supplem. p. 194 sqq. Constat tamen, pervetusto

ut videtur, dixit se puerum a Baccho jussum esse scribere tragoedias (Paus. I, 21, 2), et quod ab Aristophane dicitur ἄναξ βαρχεῖος (Ran. 1259): in his locis tragoediae tutor et deus, qui ardorem poeticum concitet, quippe qui per mentem vi, quae similis est potentiae vini, permanet, Bacchus cogitatur 256).

25.

Mars, Justitia.

Mars hominibus assignat virile robur, quod in certamine sese exercet. Minore fruitur dignitate divina, quam deorum magnorum quivis alius 257). Saepissime enim mera allegoria eius nomen usurpatur de robore virili, quod certaminis cupidum est, id quod ipsa vox Ἄρης declarat 258), velut λεόντων Ἄρη δεδορκότων Th. 53; μέγαν κλάζοντες Ἄρη, Ag. 48; ἐνθεος Ἄρει, Th. 497; Ἄρη

---

jam tempore in urbem eum esse receptum, ubi prope arcem eius templum erat Διονύσου ἐν Αἰμυναίς, Thuc. I, 15; Ar. Ran. 216. Recipiebatur etiam Eleusine, sed natura pariter ac nomine mutato, cum Iacchus significaret naturam morientem et redivivam, ipse moreretur et mortuis vitam redderet, Bacchum vero in funere nominare nefas haberetur. Demosth. or. funebr. p. 1398.

256) Cf. not. 238.

257) Ipse primus in Areopago caedis reus fuisse ferebatur ab Atheniensibus. Paus. I, 28, 5. Quamquam de Areopagi nominis origine variae ibi narrabantur fabulae, e quibus Aeschylus aliam recepit. E. 685.

258) Buttm. Lexil. I, p. 195.

πνεόντων μείζον ἢ δικαίως Ag. 375, itaque de firmo quod-  
 piam munimento et praesidio <sup>259</sup>), S. 83 (ἔστι δὲ καὶ  
 πολέμου τειρομένοις βωμὸς Ἀρης φυγᾶσι Πῦμα); 749  
 (γυνὴ μονωθεῖσ' οὐδέν. οὐκ ἔνεστ' Ἀρης); Ag. 78. Tum vero  
 de bello, de certamine <sup>260</sup>) πνοαῖς Ἀρεος, Th. 64, 116,  
 121; τοξόδαμνον Ἀρη, P. 85; ναύφρακτος Ἀρης, P. 951;  
 cf. S. 435, 702; Th. 412; Ch. 461, 938, tum de honesto  
 externo, E. 913, tum de civili certamine ἐμφύλιον Ἀρη,  
 E. 862, 355; Th. 910; Ag. 1511. Et plerumque premittitur  
 perniciosa belli vis, μαινόμενος ἐπιπνεῖ λαοδάμας Μιαιῶν  
 εὐσεβείαν Ἀρης, Th. 344; κακὸς 945; ἑτεροαλκῆς P. 951;  
 ἄχορος μαχλὸς S. 635; βροτολοιγός, S. 665; cf. 935; Ag.  
 437; ἀλλ' Ἀρης ἀεὶ τὰ λῶστα πάντ' ἀμᾶν φιλεῖ στρατοῦ  
 Europ. fr. 49 <sup>261</sup>); Ἀρης φιλεῖ Δίλογχον ἄτην φοινίαν  
 ξυνωρίδα, Ag. 642; κόμμος Ἀρειος, Ch. 423. Itaque dicitur  
 de quavis strage Pr. 861: φηλυκτόνω Ἀρει <sup>262</sup>) et S.  
 681: ἄχορον ἀκίθαριν δακρυόγονον Ἀρη de pestilentia <sup>263</sup>),  
 Quorum locorum in aliis mera res, in aliis cum re etiam  
 numen, quod in re pollet, significatur <sup>264</sup>), Th. 116, 344,  
 412, 414; fr. 49. Sunt denique alii, in quibus clarius

<sup>259</sup>) Soph. El. 1243; O. C. 1065; Thyest. fr. 1.

<sup>260</sup>) Soph. Aj. 614, 1196; Ant. 125; O. C. 1046, 1679; Pind. Ol.  
 IX, 76; Py. V, 79; Isthm. IV, 48.

<sup>261</sup>) Soph. Phryg. fr. 1.

<sup>262</sup>) Soph. Aj. 254.

<sup>263</sup>) Soph. O. T. 190.

<sup>264</sup>) Soph. El. 96; Tr. 555; Ant. 140. Pro numine, quod in ira  
 viget insana El. 1385, 1423, Aj. 179, 706; O. C. 1391; Ant.  
 952, 970; fr. inc. 58 (Tom. III, p. 687. Bruck). — Pind. Ol.  
 XI, 15; Py. II, 2; X, 14; N. IX, 37; Isthm. III, 33; V, 54;  
 VI, 25.

apparet divina dignitas, dignitas quidem dei validissimi, ingentis, invicti <sup>265</sup>) Cf. Th. 469. Itaque Athenas cum Jove tuetur, E. 918; colitur ab Amazonibus, quae sacra ei faciunt in Areopago condendo <sup>266</sup>), E. 689, invocatur cum Enyo et Pavore a septem ducibus Thebas aggressuris, Th. 45; maxime vero ipsas tuetur Thebas, urbem suam, παλαίχθων Ἀρης τὰν τεὰν γᾶν, Ὡ χρυσοπήληξ δαίμων, ἔπιδ', ἔπιδε πόλιν Ἄν ποτ' εὐφιλήταν ἔθον Th. 105; cf. 135. Veneris eum commemorari amatorem (S. 665) diximus. Habet denique etiam de bellis potentiam <sup>267</sup>), ἔργον ἐν κύβοις Ἀρης κρινεῖ Th. 414; S. 935; sed nonnisi eam, qua quodcunque belli numen cogitatur carere non potest. Itaque cum reliquorum omnium deorum magnorum libera appareat natura, variis ornata viribus et honoribus, Mars nihil est nisi numen, quo belli ratio significatur. Hic autem honor tam exilis est et tennis, ut aliam cum eo Aeschylus conjunxerit cogitationem, qua eius dignitatem firmavit et amplificavit, pariter ac Veneri, quae nihil agit nisi amorem, eo auxit honorem, quod per totam rerum naturam pertinentem cogitabat hanc potentiam.

Martis enim germanam sororem praedicat Justitiam, Δίκην, quae tantum non in omni occasione cum eo consociatur. Ἀρης κρινεῖ Δίκη δ' ὁμαίων, Th. 415; Ἀρης Ἀρεὶ ξυμβάλοι, Δίκα Δίκα, Ch. 461; ἔμολε μὲν Δίκα Πριαμίδαις χρόνῳ βαρύδικος ποινά. Ἐμολε δ' ἐς δόμον τὸν Ἀγαμέμνονος διπλοῦς λέων, διπλοῦς Ἀρης, 935; πρὶν

<sup>265</sup>) Pind. N. X, 84; Isthm. VII, 37.

<sup>266</sup>) Soph. O. C. 947.

<sup>267</sup>) Pind. Ol, XIII, 106.

ἐξοπλίζειν Ἄρη δίκας ἄτερ πημάτων διδοῖεν, S. 702. Adde locos ubi permutat poeta quae de iis praedicantur δικηφόρου Διὸς μακέλλη Ag. 525; μάστιγι τὴν Ἄρης φιλεῖ, 642; ἀντίδικος -- κλάζοντες Ἄρη de Atridis Ag. 41 et 48. — Et 81 sqq. a Danaidibus nuptias fugientibus dii invocantur πέλοιτ' ἂν ἔνδικοι γάμοις, deorumque ara celebratur Ἄρης φυγάσιν. Cf. 934: Ἄρης δικάζει. Adde custodiam justitiae in Areopago institutam: πάγος Ἄρειος, ἐν δὲ τῷ -- φόβος τὸ μὴ ἀδικεῖν στήσει, E. 691. Quae si singula nihil efficerent, probant conjuncta, affinem in Aeschyli animo fuisse cogitationem Martis justitiae. Quod aliunde etiam constat, caede enim gigni caedem, scelere scelus saepius profitetur. Atque Mars per se etiam ultor praedicatur: μένει Ἄρει ἐκτίνειν ὁμοίαν θέμιν, S. 435; cf. Ch. 162; Pind. Pyth. XI, 36: χρονίῳ σὺν Ἄρει πέφνε ματέρ' Αἴγισθόν τε. Justitia vero per se etiam συμμαχῶν ὑπερστατεῖ, S. 342; consociatur cum Robore: Κράτος τε καὶ Δίκη, Ch. 244; cf. S. 1069 et 1072; fr. 308: ὅπου γὰρ ἰσχύς συζυγοῦσι καὶ δίκη, Ποιῇ ξυνωρίς τῆςδε καρτερωτέρα; et omnino cogitatur bellicosa, νικηφόρος, Ch. 149; σύμμαχος Ch. 497; S. 395; ξίφος Δίκας Ch. 641; Δίκη πρὸς ἄλλο πρᾶγμα θηγάνει βλάβης Ag. 1535; ἔθιγε δ' ἐν μάχῃ χερὸς ἐτητύμως Διὸς κόρα, Δίκαν δέ νιν Προσαγορεύομεν -- Ὀλέθριον πνέουσ' ἐν ἐχθροῖς κότον Ch. 949; splendetque in evertendis domibus impiorum, justis favens, Ag. 774 <sup>268</sup>); par pari retribuens, caedem caede ulciscens, Ch. 311; poenam nunc citius infli-

---

268) P. Ol. VII, 17. Pindaro vero Justitia nihil est nisi divini numinis allegoria, Ol. XIII, 7; Py. VIII, 1, 71.

gens, nunc differens, Ch. 61; nunquam negligens, quavis, quam insligit, ultione radices <sup>269)</sup> sibi firmans Ch. 646; tacita (σιγῶν ὄλεθρος, E. 935) et haud conspicua et dormientem et ambulantiem et sedentem persequens, omnium quae quis clam perpetrat conscia fr. 271 <sup>270)</sup>; divitiis adversarii minime cohibita, Ag. 381; alii scopulum occultum obtendens, quo incurrens navis ei frangitur et perit E. 564 <sup>271)</sup>; alii rete parans, quo implicitus in perniciem detrahitur Ag. 1611, cf. P. 99. Propterea sociatur cum Furijs Ag. 1432; E. 511 sqq. <sup>272)</sup>; et cum Nemesi mortuorum execrationem ratam facit, Hector, Iutr. fr. 244. Ipsa tamen minime est e numero numinum inferorum sed germana Jovis filia <sup>273)</sup> Ch. 950; virgo intacta, Διὸς παῖς παρθένος Th. 662.; neque superata Furiarum potentia eius domus concidit (quod praedicant Furiae E. 516) denique potius conditur instituto Areopago manetque μεγασιτότιμος

269) Schütz vocem *πύθμην* pro fundo accipere mavult, sed ubique huic apud Aeschylum subest cogitatio arboris Ch. 204, 260; S. 105.

270) Cf. illud Solonis XV, 15: *σιγῶσα σύννοιδε τὰ γιγνόμενα πρὸ τ' ἔοντα* Σὺν δὲ χρόνῳ πάντως ἤλθ' ἀποτισσομένη. Cf. V, 8; Soph. fr. inc. 2; El. 528; O. T. 885; O. C. 1536.

271) Cf. Soph. Antig. 854.

272) Soph. Antig. 451; Aj. 1390; Tr. 810.

273) Orpheus et Hesiodus eam prope Jovis solium sedentem omnium rerum humanarum curam gerere exhibuerunt ἀπαράτητον καὶ σεμνήν. Orph. apud Demosth. Aristogit. p. 772. Hes. Opp. 258 — 264.

S. 709 <sup>274</sup>); eiusque sunt leges acternae de pietate erga deos, parentes, hospites: quae pietas tanquam ara cogitatur, cuius qui minuit honorem, obviam fertur cladi certae E. 538 sqq.; Ag. 383. Talem enim hominem non aversari non potest: ἡ δὴτ' ἂν εἴη πανδίκως Ψευδώνυμος Δίκη ξύνουσα φωτὶ παντόλμῳ φρένας, Th. 671. Sicut vero Jupiter, cuius filia est, sapientiam docet per dolorem, ita etiam Justitia σωφρόνως ἡγουμένη (Th. 615) docet dolore afflictum, quae necessario e quovis facinore eventura sint, Δίκᾳ τοῖς μὲν παθοῦσιν μαθεῖν ἐπιρροέπει τὸ μέλλον. Ag. 250 <sup>275</sup>). Omnino enim in arbitrio est mortalis, utrum obtemperare velit legibus justitiae, qua sola felicem sese conservat, necne: οἴκων δ' ἄρ' εὐθυθίκων καλλίπαις πότμος αἰεὶ Ag. 761; ἀνάγκας ἄτερ δίκαιος ὢν οὐκ ἄνολβος ἔσται, Πανώλεθρος δ' οὐποτ' ἂν γένοιτο, E. 550; neque in ullam cladem homo incidit ἀνελεύθερον Ag. 1521; cui non ipse dederit ansam <sup>276</sup>).

26.

Panem in Psyttalea insula degentem memorat Aeschylus.

- 
- 274) εἴπερ ἐστὶν ἡ παλαιῆτος Δίκη Ξύνεδρος Ζηνὸς ἀρχαίοις νόμοις Soph. O. C. 1382.
- 275) Eandem cogitationem habes El. 475: ἃ πρόμαντις Δίκᾳ Δικαία γερομένα χερσὶν κράτη.
- 276) Quod idem praeclare praedicat Bacchylides fr. 7. Ζεὺς ὑψιμέδων ἐς ἅπαντα Δέρχεται οὐκ αἴτιος θνατοῖς μεγάλων ἀχέων. Ἀλλ' ἐν μέσῳ κεῖται κιχεῖν Πᾶσιν ἀνθρώποισι Δίκαν δόσαν ἀγνάν Εὐνομίας ἀκόλουθον καὶ πινυτιᾶς Θέμιδος. Ὀλβίων παῖδες γινεῖν εὐρόντες σύνοικον.



Ius P. 448: ἦν ὁ φιλόχορος Πὰν ἐμβατεύει ποντίας ἀκτῆς ἐπὶ 277). Manifestum est, significari a poeta simulacra Panis, quae in hac insula posita esse tradit Paus. I, 36, 2. De hoc numine Athenis in ipso bello Marathonio recepto notus est locus Herod. VI, 105. Cf. Paus. I, 28, 4. Spelunca et mons Pani dedicatus erat prope Marathonem, Paus. I, 32, 7. Propria Panis natura versantis in vallibus montanis tangitur fr. 87 278). Praeterea (Ag. 56) recensetur inter numina, quae violenta facinora ulciscuntur, vel quia animalibus favet pariter ac Diana, vel quia terrore mentem percellit et perturbat pariter ac Furiae. Müll. Dor. I, 295. Utrum in Callisto, dramate satyrico, plures dixerit Panes, manet incertum, Silenos quidem plures eum commemoravisse constat. Silenus praeterea significatus videtur Edon. fr. 53; cf. Welcker. Supplem. p. 112.

Τύχη proprie significat statum rei delatum in discrimen, quod non necessario et aequabili rerum omnium nexu, sed casu aliquo dirimendum est: Th. 506; S. 380; Ag. 1653; itaque omnino rem vel huc vel illuc vergentem fr. 264; S. 326; saepe etiam male vertentem S. 88; P. 438, 1007; Ch. 945; Th. 633; Pr. 769 τύχη Jovis; Ag. 1129; plerumque vero prosperum eventum (interdum etiam

277) Pind. parth. 4; Theocrit. V, 14; cf. Soph. Aj. 695. θεῶν χοροποιός Pind. parth. fr. 6.

278) Soph. O. T. 1100. Cum Apolline ρομίῳ sociatur Aj. 695: Athenis etiam jungebantur: Paus. I, 28, 4, cf. Pind. parthen. fr. 7. Pindarus Panem cum Magna Matre consociare solet, cum qua Thebis prope poetae domum colebatur. Py. III, 26; Parthen. fr. 2 et 5.

bene et recte cogitatum, quod rem acu tetigit Ag. 685; et alibi justam et aptam rei conditionem S. 458; Ag. 1427), itaque bonam fortunam modo tanquam conditionem, Th. 472; Ch. 138, 373, 511, 785; fr. 275; modo tanquam numen aliquod cogitatum quod nos *τυχεῖν* facit Th. 426; Ag. 664; S. 523: fr. 290. *τύχας* Jupiter describit, quippe qui omnia suo regat arbitrio et licet maxime remota et disjuncta connectere possit. S. 88; Ch. 785. Deae Fortunae natura hilaris est et mortalibus amica, quae pulchra exhibetur descriptione fr. 290 279).

Poesi sacrae magis quam religioni, poesi, quae id ipsum esse sibi persuadet, quod sibi finxit, debemus daemonem Amphidromum (fr. 55); Rabiem fr. 155 (cf. Ch. 288); Discordiam Th. 1051, Desiderium; Suadelam 280)

279) Itaque Pindari dictum (Paus. VII. 26, 8), Fortunam sororem esse Parcarum et potentiorum quidem quam illas, simile est cogitationi Aeschyli, superatas esse Parcas ab Olympiis, qui non legi obtemperant sed suo vivunt arbitrio. Fortuna ipsa praedicatur filia Jovis *Ἐλευθερίου* Ol. XII. ubi v. 1 — 20 Fortis Fortunae arbitrium legimus descriptum, cuius tamen fons a divina repetitur gubernatione.

280) Soph. fr. inc. 73, qui plura etiam talia numina agnoscit *Αἰδῶ*, O. C. 1286; *Τιβρω*, O. T. 872; *Φήμην* et *Spem*, O. T. 158; Fortunam, O. T. 1080; Nemesin El. 791, 1467; Victoriam, Ant. 148; *Λοιμόν* (*πυρροφόρον θεόν*) O. T. 28; *χρόνον*, El. 179; *ἦκεν δὲ Λαίς θάλεια πρεσβίστη θεῶν* Soph. Triptol. apud Hesych. *Λαίς*. Famem vide apud Simonid. de mulier. 102. Maximam vero horum numinum turbam sibi finxit Pindarus, Pacem Ol. XIII, 7; *Εὐνομίαν*, Ol. IX, 10; XIII, 6; *Ἥσυχίαν*, Ol. IV, 16; Py. VIII, 1; fr. inc. 125;

S. 1040; Ag. 385; E. 835. Est hoc ex ipsa indole hominis tanto mentis, tanto sentiendi vigore pollentis, credere quae ipse confecit. In omni enim, quod magnum sentiebat in rerum natura, conscius sibi erat, quod deo aliquo tangebatur, cuius species, nomen et habitus saepe ei ipsi erat definiendus. Ubi vero definitum invenit, pie et sine dubitatione eum recepit. Itaque Auroram deam agnoscit in Psychostasia fr. 263 et fr. 417<sup>281</sup>); Heliades nymphas Solis filias in Heliadibus<sup>282</sup>), Panem, Silenos in variis locis, Boream in Orithyia fr. 267; Oreades fr. 450; nymphas Corycias, Eum. 22; Palicos Aetn. fr. 6; totamque deorum marinorum turbam, quam mox recensēbo. Ex eodem fonte multitudo dearum inferarum est repetenda. Differt horum numinum honor eo potissimum a dignitate Olympiorum, quod hos per totam vitam et in omnibus rebus humanis agentes agnovit, illa in singulis tantum rebus considerandis oriebantur in eius mente et his rebus absolutis ipsa quasi dissolvebantur. Ne peregrina quidem numina Aeschylus contemnebat, Cotyn Thra-

---

*Εὐθουλαν*, fr. inc. 24; *Ἀλαθελαν* Ol. XI, 4; inc. 118; *Ἀτρεΐκειαν* Ol. XI, 13; *Αἰδῶ*, N. XI, 36; Suadam Py. IV, 219; IX, 39 cf. Boeckh.; scol. fr. 1 et 2; Victoriam, N. V, 42; Isthm. II, 26; *Πόλεμον* et *Ἀλαλάν* fr. inc. 122; *Στάσιν*, fr. inc. 125; Epimetheum cum *Προφάσει* Py. V, 25; *Χρόνον* Ol. II, 17; XI, 55; *Πότμον* Py. III, 86; N. IV, 42; VI, 6; *Ἴβριν* et *Κόρον* Ol. VIII, 10; *Νόμον* fr. inc. 48; *Διὸς παῖδα χρυσόν* fr. inc. 140; *Ἀγγελίαν* Ol. VIII, 82. Ne dicam de Gratiis, Musis, Echo, Juventute, Horis.

281) Cissia enim nihil videtur, nisi agnomen Aurorae.

282) Eridem Soph. Inach. fr. 6.

cum fr. 51; Isidem et Epaphum S. 141, 581 cett. Atqui haec etsi non contempta tamen aversabatur, pariter atque Danaides sese ab iis avertunt ad Graeca numina. Certamen inter haec et Aegyptiaca satis patet S. 852, 892, 922; neque dubium esse potest, a quam parte Aeschylus steterit, qui omnino aspernatur Aegyptios (cf. p. 94) et eatenus tantum Isidi ipsi tribuit honorem, quatenus est Graeca Io et Jovis uxor. Cotyn vero a Baccho superatam esse patet, unde apparet, Aeschylo tam peregrina, quam priora numina debellari a diis Olympiis. Ac si veram nec dubiam neque certamini implicitam religionem in gente aliena exhibet, ibi Graeca huic submittit numina, velut in Persis, ubi non singulos tantum deos retinebat Graecos, sed etiam ubi κοινωβωμίαν aliquam commemorat, haec non modo Graeca est sed Attica, velut Telluris, Mercurii, Orci P. 629, cf. Paus. I, 28, 6.

---

### III. Regnum aquarum.

---

27.

#### Neptunus.

Neptuni supremam esse in mari potentiam, ut tanquam Jupiter marinus cogitetur <sup>283</sup>) diximus. Ac sicut Jovis telum est fulmen, ipse ulitur tridente, hasta sua, Pr. 925; qua proprie utebantur piscatores, unde ipsi Aeschilo dicitur *ἰχθυβόλος*, Th. 131 <sup>284</sup>). Sed eadem tum terram percellit (*θαλασσία γῆς τινάκτειρα νόσος αἰχμή Ποσ.* Pr. 925), tum hostes deorum propulsat (ib.) tum homines quibus favet defendit Th. 130; et impios ulciscitur. S. 755. **Tridente** ipse deus significatur, S. 217. Quia maris dominus <sup>285</sup>) est, navigantibus prospicit, ib., eiusque

---

283) Cf. Arion. hymn. (p. 75. Mehlh.) *ὑψιστε θεῶν Πόντιε χρυσοτελείαινε Πόσειδον Ταιήοχε* cett. Orph. hymn. 17 (Hrm.) *δεύτερος ἐκ Διὸς εἰληχῶς πάντεσσιν ἀνδράσειν*. Eleusine templum erat Neptuni patris Paus. I, 38, 6.

284) Böttig. mythol. Neptun. p. 157.

285) Pindarus maxime Neptunum veneratur deum marinum] Ol. I, 71; Py. IV, 204; regem fluminum Ol. II, 58: *ἐδτραιναν* Ol. I, 40, 73; Py. II, 12; cf. Ol. IX, 3; Isthm. VII, 35;

est omnis undarum impetus, ut ipsius maiestatem minuat, qui hunc despicit. P. 750. Sed in terra etiam maxima est eius auctoritas S. 217; P. 750; tum quia Jovis est frater, tum quia undis terram amplectitur, tum quia per universam etiam terram eius ditio pertinet, quo duplici sensu dicitur γαῖόχορ Th. 310<sup>286</sup>). Nam, id quod ex eodem loco patet, non salsa solum aqua eius est, sed omnis omnino, ut potum etiam nutrientem emittens et Oceaninarum etiam rex cogitetur. Itaque E. 27 cum Plisto flumine conjunctus invocatur. Cycnum, Neptuni filium, immanem Aeschylus etiam sibi finxisse videtur. Cf. Ar. Ran. 963.

---

γαῖόχορ Ol. I, 25; XIII, 81; Py. IV, 33; Isthm. VI, 38; terrae percussorem Py. VI, 50; Isthm. III, 37; Ἰππαρχόν Py. IV, 33; cf. Ol. I, 86; V, 21; VIII, 48; Py. VI, 50; Isthm. I, 52; δαμαῖον Ol. III, 69; Isthmiorum praesidem Isthm. I, 32; II, 14; V, 5; VI, 38; patrem Nereidum Py. V, 37; conjugem Amphitritae, Ol. VI, 105. Trojae muros exstruxit Ol. VIII, 31. An revera a Neptuno terra moveatur, dubitare videtur Herodotus VII, 129, de potentia et numine dei minime incertus.

- 286) Cf. Soph. O. C. 1072: τὸν πόγτιον γαῖόχορον ῥέας φίλον υἷόν. In iis, quae de Sophoclis operibus exstant, marinus tantum deus celebratur, ἐνάλιος, O. C. 887, 1494; cf. 55, 1158; equester, 713. Qui loci omnes eius fanum prope Colonus in litore maris spectant. Cf. not. 216. Praeterea cf. Laoc. fr. 2: Πόσειδον εἰς Αἰγῶνιόν μέδεις πρῶνός τεττ. Androm. 1 Cassiopeae mittit monstrum marinum. In Tyro fabula rem habet cum Tyro. In Sunio promontorio colebatur Arist. Equ. 560.

Oceaninas in Prometheo Aeschylus induxit puellas divinas quidem, sed ex inferiore deorum genere, humanisque sensibus praeditas, ipsas deos maiores (θεοὺς κρείσσονας) pie reverentes, quin etiam verentes et sacrificiis placantes. Quod in omnibus invenies tragoediae canticis choricis, velut 530, 894, 559 (ubi Hesionae mentio). Ipse Oceanus, cuius flumen totum orbem terrarum amplectitur (Pr. sol. fr. 178) describitur senex grandaevus, sapiens, moderatus, comis atque benevolus, cui propterea magnus apud ipsum Jovem honor est (Pr. 339). Filium eius Inachum saepius poeta commemorat, modo ut fluvium S. 497; Ch. 6; fr. 442; modo regem Argivorum Pr. 653; seqq. 663 seqq. cf. 636, 590, 705. Praeterea fluvios quibus divini tribuebantur honores habes Ismenum Th. 273; cf. 378; Sperchium Philoct. fr. 234. (cf. P. 487); Caicum Mys. fr. 131; cf. Myrmid. fr. 122; Plistum, E. 307; cf. fr. 426; Amymonen in dramate satyrico; 27 (cum Neptuno consociatum); Dircen Th. 273, Nilum S. 880, 1025; cf. 561; P. 34; cf. de fluminibus Argivis S. 1027. cf. Pr. 434 (ἀγνώστως); P. 497. Numina maris commemorantur Glaucus in Glaucō marino, Thetis, regina quinquaginta Nereidum <sup>287)</sup>, Arm. jud. 165. cf. Psychost. 263, 264; haud dubie etiam Leucothea et Palaemon cf. Welcker. Tril. p. 337; et Proteus in dramate satyrico. Bosporus etiam dicitur ῥόος θεοῦ. P. 746.

---

287) Soph. O. C. 719; Androm. fr. 1; eorumque princeps Amphitrite, O. T. 195; Hydroph. 1. De nymphis vide Tr. 215; Ph. 725, 1454, 1470; O. T. 1108.

---



## CAPUT TERTIUM.

### *Dii in fabulis agentes.*

#### *I. Prometheus.*

---

29.

Quidquid de religioso Aeschyli erga deos animo statueris, incertum esse judicabunt plerique homines, donec de vera interiore Promethei ratione convenerit. Siquidem haud negandum est, pro magno hanc tragoediam propositam esse aenigmate, quippe quae principale illud, in quod omnis meditatio incurrit, aenigma, positum in ratione, quae inter libertatem homini innatam divinamque rerum humanarum gubernationem intercedit, exhibeat. Quin solum sit hoc aenigma ab Aeschilo in Prometheo soluto, vix dubium esse potest; atqui interiit haec fabula, perpauca sunt servata, quae per se nihil certi demonstrant, exstat vero Prometheus victus, in qua sine ulla timiditate aeternum illud certamen numinis divini cum genere humano adumbratum est. Neque miramur, si ingens illa vis poetica, qua certamen tractavit Aeschylus, vel turbavit animos plerosque vel ita tenuit, ut obliviscerentur, pace demum facta prorsus a nobis intelligi, quid javerit bellum.

Tamen ineptum est, inutiles fundere questus, quod altera fabula interiit, ineptius etiam esset, optare, ut pro ea, quae servata est, haberemus alteram. Divinior vix fuit, quam haec, in qua decorum maiestatem Aeschylum minuisse contendunt: an si sola illa esset servata, certius judicare possemus de eius religione, magnopere dubito. Egit enim, quod agendum est tum bono poetae, tum ei, qui bene instituturus est quod proponit aenigma: absolvit tragoediam eam, quae nobis exstat, omnibus numeris, ut si omnia quae in ea professus est singula accurate perpendimus, comparamus, conferimus cum iis, quae in aliis tragoediis similia dicit, satis intelligere possimus, quid significare voluerit, quid clarius et certius, vel hac vel illa forma indutum in Prometheo soluto enuntiaverit.

Regrediendum est ad fontes, unde fabulam hausit. Non omnes exstant, sed exstat antiquissimus, narratio rei in Theogonia Hesiodi. Ibi Prometheus est genius callidus, qui omnium hominum vice fungens Jovem in sacrificio decipit eidemque, cum iratus igne homines privet, furto hunc eripit. Propterea Jupiter hominibus mala immittit, ipsi ad columnam alligato jecur lacerare jubet aquilam, donec Herculi filio, huius gloriam amplificaturus, concedit ut vincula Promethei solvat. De genere Promethei narrat, eum esse filium Iapeti Titanis et Clymenae Oceaninae, fratrem Atlantis et Menoetii, qui simili clade perdomantur, quibus nulla conceditur liberatio.

Summam in hac narratione sententiam hanc inesse apparet, eximiam quae est mentis humanae calliditatem eo evehi superbiae, ut diis sese aequare conetur, eandem opprimi et vinciri divina potentia, usque dum sese submittat divino imperio et liberetur divina clementia. Hunc

esse fabulae sensum negari non poterit simulatque concesseris, Promethei nomine significari prudentiam: itaque Aeschylus, quem hoc intellexisse constat (Pr. 86; S. 700; *προμαθεὺς ἀρχά*), surdus et coecus esset judicandus, si hoc minus perspexisset. At quaerendum est, si sensum perspexit, an eum exhibere voluerit. Respondeat ipse Aeschylus, qui non solum disertis verbis dicit Prometheo omnes artes humanas deberi Pr. 506, sed etiam per quinquaginta versus beneficia recenset, quae hominibus antea miserrimis donaverit, quae si accurate inspicis, nihil sunt, nisi artes quae calliditas et prudentia hominum excogitat, ut vitam sibi paret jucundam. Quae praeter has hominem ornant, robur, honor, virtutes, artes musicae minime repetuntur a Prometheo, quippe quae non debeantur calliditati sed sint dona divina. Videmus igitur ut genium prudentiae humanae Prometheum etiam ab Aeschylo exhibitum, appellatum propterea *σοφίστην* 914, *λεωρόν*, 5; *αἰπυμήτην*, 18; *περισσόφρονα*, 328 cett. Huius si res gestas et fata narrans Hesiodum secutus est, quis est, qui nobis persuadeat eum sese abstinuisse a cogitatione ea, quae totius fabulae est principalis (*ὥς οὐκ ἔστι Διὸς κλέπτειν νόον οὐδὲ παρελθεῖν* Theog. 613; Opp. 105) prudentiam humanam, quae debitum superis detrectet obsequium, jure suo puniri?

Servavit Aeschylus e fabulis Hesiodi Prometheum qui ignem furto superis eripit, vincitur, ab Hercule liberatur, servavit etiam coelum Atlanti impositum. Pro Menoetio in Tartarum detruso intulit Typhonem, tum quia non satis celebris in fabulis est ille Menoetius, tum ut eruptionis Aetnae mentionem faceret. Gravius est quod matrem permutatam Themidem pro Clymene nominat. Themide significatur jus divinum, eadem est Tel-

lus, deorum omnium mater: ad hanc refertur, quod Prometheus in rebus divinis adornat et vaticinatur.

Sed alia etiam videmus mutata. Hesiodus narrat ignem hominibus antea concessum ademptum esse a Jove, apud Aeschylum ignem prorsus novum et incognitum hominibus affert Prometheus. Vides, quantum hoc faciat pro declaranda Jovis justitia. Iege constitutum est, ignem esse deorum, non concedendum esse mortalibus, hanc legem violat Prometheus, violanti Jupiter poenam infligit. Hominum genus miserum est, fragile, viribus iners, hoc extincturus est Jupiter, novum procreaturus, 233. In his cogitationem recepit Aeschylus e fabulis illis de aetatibus mundi, de Deucalione magnisque aquis, quae ex Hesiodicis carminibus sunt petitae, sed ratione diversae a Theogonia. Et in illo Jovis consilio procreandi generis novi haud dubie secutus est locum Operum 160: ubi post deletum genus aeneum novum creat Jupiter *δικαιότερον καὶ ἄριστον Ἀνδρῶν ἡρώων θεῶν γένος, οἱ καλέονται Ἡμιθεοί.* Altera vero cogitatio de Prometheo homines a perniciē servante petita videtur ex Catalogo mulierum, ubi Prometheus dicebatur pater Deucalionis, quem consiliis suis ex undis servavisse dicitur ab Apollodoro: unde id etiam patet, quod per se consentaneum est, non pugnavisse Prometheus cum Jove, sed callidis consiliis homines subtrahisse. Sed haec leviter tangit Aeschylus, iis tantum receptis, quae necessaria erant ad exhibendos mores Promethei et ad exponenda Jovis consilia. Ostendimus enim sub nomine Jovis (§. 15), mutavisse hunc rationem, qua consilium ratum facturus erat, ipsum vero consilium esse effectum progenito illo genere heroum quod Hesiodus describit, divino genere mortalium.

Prometheus vinctus.

Itaque haec est fabula, qualem exhibet Aeschylus mutatis, quae sibi mutanda videbantur. Jupiter imperium de mundo universo nuper adeptus Prometheum suo jure ulciscitur, quod divinam legem a se constitutam violaverit. Manet enim culpa Promethei, licet per Jovis clementiam — quidnam eum retinuit nisi clementia, ne servatos etiam a Prometheo homines exstingueret, eum, in cuius arbitrio ipsa est Promethei conditio? — mortalium res prospere cedant. Concedes, justissime agere Jovem, quod Prometheum, a quo offensus est, ulciscitur, mortalibus qui Promethei facinoris fructum percipiunt, parcat. Obicies fortasse, haec nusquam dixisse Aeschylum. At ex re ipsa patent, et quae de mortalibus non commemorantur, attinguntur tamen in rebus Oceani. Quem totius facinoris participem fuisse clamat Prometheus neque tamen aliquid esse perpeßsum (v. 330), imo manet ei honor apud Jovem, manet in Jovis amicitia (cf. 338): scilicet nihil commisit, quod Jovem offenderet. Quasnam in illo conatu partes egisse videatur, postea exponam.

Sic res se habent ineunte tragoedia nostra. Jam statim summa atque terribilis potentia Jovis splendide exhibetur. Loquitur genius roboris fidus Jovis minister, parendi, sed uni, scientissimus. Vulcanus Promethei miseratur, Robur miserationem non sustinet et quod Vulcanus ei objurgatur mores dueros et asperos, bene respondet: licet tibi lenius sentire, meum est, esse durum et iratum in Jovis inimicos, v. 79. Idem hoc ipse responderet Jupiter, nisi causam agere omnino Jove esset indignum.

Mala enim inimicum pati ab inimico, minime est iniquum, quod ipse concedit Prometheus, 1042; neque nunc ita, nunc aliter sentit Aeschylus, sed constanter et perpetuo. Gh. 123; Th. 1019; S. 376; Ag. 533 cett. At cur acerbum hunc Jovis ministrum omnino introduxit Aeschylus? Quia potentiam aliquam supremam (θεῖον τι) requiri putat ut justitia exerceatur: συμφέρει σωφρονεῖν ὑπὸ στένει, E. 520. τίς γὰρ δεδοικώς μηδὲν ἔνδικος βροτῶν; E. 699, 525. Hac potentia erga pios quasi magistratu (ἀρχῇ) Jupiter utitur, erga seditiosos quasi duro dominatu. Propria haec divini numinis violentia est Bacchi, hunc vero introduci fabula non ferebat: itaque ipsis dominationis et violentiae geniiis rem peragendam tradebat poeta, quibus addebat Vulcanum, deum comem, id significans, tum comitatem, tum violentam potentiam, quae deorum esset, non posse non conspirare in eo, vincendum esse Prometheum.

Accedo jam ad describendos Promethei mores. Generosum esse eius ingenium nemo negabit: paterno amore homines amplectitur, Pr. 446; neque periculum timet, ut eos a miseria liberet, 239, 267: pietate omnium memor est consanguineorum, dolet de malis, quibus Atlas et Typhon premuntur 347; 288) curam gerit, ne ipse Ocea-

---

288) Rectissime enim Prometheo Elmsléius restituit v. 347—372, quippe qui si ab Oceano dicuntur, sint inertes, si a Prometheo, insignem habeant vim, quam mox (p. 148) demonstrabo; praeterea omni mythologiae adversatur si Atlantem Oceani fratrem dicunt, neque tanta Oceani est stultitia, ut Jovi se persuadere posse existimet, ut Typhonem et Atlantem liberet: et egregia est totius orationis ratio interior, si totum locum 340—376 dicit Prometheus.



nus incidat in malam rem, 345, 388. Et ipse summas in deorum certaminibus partes egit, Jovem adjuvans, ut victoriam adipisceretur, et in muneribus inter deos distribuendis, quamquam in his ea tantum agit, quae a Themide matre didicit, 209, 219, 440. Propter hanc nobilem eius indolem summam eius infortunium excitat commiserationem, Vulcani, 14 cett.; Oceaninarum, quae ne in extremis quidem malis ab eo discedunt, 1067; et Oceani sapientissimi et moderatissimi senis, 291 sqq.

Hunc ipsum generosum omnique generi humano carum Prometheus ironia tractavit Aeschylus. Siquidem ironia non magis ea est, quae hominis pravitatem vano ostendat circumfusam splendore, quam ea quae quidquid summae est in rebus humanis dignitatis et virtutis, servata hac ipsa dignitate tamen cadere ostendat, quoniam humanum est, in humanam fragilitatem et vanitatem <sup>289)</sup>. Ironia usum esse Aeschylum, nemo negabit, qui accuratius eius tragoedias cognitae habet. Exempla exstant in orationibus Aegisthi, Ag. 1607, 1620; Clytaemnestrae, Ag. 1432, 1500, 1559; et in iis quae Furiae de invictis suis praedicant honoribus, E. 299 cett. Splendidissimum vero huius artis exemplum habes in Prometheus. Quaequae Prometheus agit, suo jure agit, quia vero superius est jus, cum quo ei pugnandum est, irritum illud redditur et injustum. Quis enim per se injustum dicere potest periculum, quo omnes ratio humana fines excedere conatur? Sed si divina fines positi sunt voluntate, nefas est eos

---

289) Cum iis, qui aliud nomen huius rei malunt quam ironiam, equidem de nominibus non pugno, modo rem concedant.



transgredi, est injustum. Summa rationis humanae est divina, Prometheus deus est immortalis, modo ne fines transgredi cupiat, quibus a diis maioribus, ab Olympiis fato aeterno separatur. Hoc vero ausus est. Demonstravimus eam esse Jovis naturam, ut solus suo agere et vivere possit arbitrio, ἰδίῃς νόμοις κρατύνων 403, 150; ut solus sit liber et ingenuus: ἐλεύθερος γὰρ οὐ τις ἐστὶ πλὴν Διὸς v. 50. Idem hoc appetit Prometheus, suo agit arbitrio: Ζῆνα γὰρ οὐ τρομέων ἰδίᾳ γνώμῃ σέβει Θνατοὺς ἄγαν, Προμηθεῦ, 542; ἄγαν δ' ἐλευθεροστομεῖς, 180. Itaque honestum et benevolum illud facinus, quo mortalibus prospicere studet, vertit in crimen (πέρα δίκης factum esse dicit Vulcanus, licet Prometheo faveat); tota eius ipsius natura mutatur, sapientia vertit in insaniam, prudentia in temeritatem. His non nimium dici probandum est. Vide modo quid agat. Antea monui, requiri ut homo sapiat, legem aliquam qua cohibeatur. Prometheus legem, quae constituta est, aspernatur, itaque mirum non erit, si non amplius sapit. Iam non credes, eum desipere, neque Robori, 85, (ψευδωνύμως σε δαίμονες Προμηθεῖα Καλοῦσιν, αὐτὸν γὰρ σε δεῖ Προμηθεῶς) neque Oceano, 328, neque Oceaninis, neque Mercurio, qui omnes hoc profitentur et inculcant, neque rei ipsi, cum sola illa superba jactatione de pernicie, quae Jovem maneat, in maiora mala temere sese projiciat? Vide quid alibi Aeschylus decere judicet virum sapientem: σιγᾶν ἢ λέγειν τὰ καίρια Th. 619; cf. 410; quod idem habes in ipso Prom. ignif. fr. 174; ἐπαινῶ γλώσσαν εὐφημον φέρειν, Σιγᾶν θ' ὅπου δεῖ καὶ λέγειν τὰ καίρια, Ch. 582; πάλαι τὸ σιγᾶν φάρμακον βλάβης ἔχω Ag. 548; ἐπίσταμαι λέγειν ὅπου δίκη Σιγᾶν θ' ὁμοίως, E. 278; πρὸ τῶν τοιούτων χρὴ λόγων δάκνειν στό-

μα fr. 285; θρασυστόμεϊν γὰρ οὐ πρόπει τοὺς ἥσσονας, S. 203; et ipsae precantur Oceaninae: μηδ' ἄλιτοιμι λόγοις, Pr. 533; cum contra querimonias et minas fundere inutiles (Pr. 33) dicatur esse mulierum imbecillarum et in his vituperetur ab Eteocle Th. 232 sqq. Eum vero qui dicta jactat superba, quae in Prometheo reprehendit Oceanus (τραχεῖς καὶ τεθηγμένους λόγους 311; μηδ' ἄγαν λαβροστόμει, 327; γλῶσσαν ὑψήγορον 318; ματαίαν 329) Oceaninae (932, 1037); Mercurius (αὐθαδίσματα, 964, 1012, 1034; ὦ μάταιε 999), quae ipse Prometheus irrita fuisse profitetur in Typhone (quem Jovis fulmen ἐξέπληξε τῶν ὑψηλόρων κομπασμάτων, 360): haec igitur dicta superba damnum manet et pernicies, σιγῶν ὄλεθρος καὶ μέγα φωνοῦντ' ἐχθραῖς ὀργαῖς ἀμαθύνει E. 936; cf. 373; P. 828; S. 95; Niob. 144 cett. Neque est quidquam, quod superba hac lucretur jactatione, nihil agit, nisi ut malae satisfaciat libidini, quae eum neque tacere neque pronuntiare dolorem sinit, 106, 197. Producitur Oceanus, senex sapiens, benevolus et quod summum est moderatus — moderatione enim omnes excellunt, quos sapientes cogitat Aeschylus, velut senes Argivi, Ag. 786, 805; Agamemnon Ag. 921; Minerva E. 848, 881; παντὶ μέσῳ τὸ κράτος θεὸς ὤπασεν E. 529 — neque tamen ignavus sed ad agendum pro salute Promethei paratus, cui suadet, ut Jovi cedat, cuius contumaciam improbat, 307 — 329; sed frustra, quin eo progreditur Prometheus, ut ne accipiat quidem eius auxilium, id quod a mera repetendum est superbia, ne prudentia sua inanis videatur, 383, 386. Idem agunt Oceaninae, queruntur de eius malis, sed simulac minas erga Jovem effundit, improbant eius superbiam 178, 526, 936, 1037, rogantes ut eam deponat.

Neque his res cedit, neque Mercurio, imo superbe huic adversatur (ὕβριζει τοὺς ὑβριζοντας) 970, 973; licet parum ipse offensus sit a Mercurio, sed communi erga deos omnes odio commotus 975. Itaque nunquam necessitati cedit 179, 320, (quod tamen etiam alibi commendat Aeschylus S. 202), sed crescente ira acerbius et acerbius loquitur, et quod initio leviter commemorat, periculum Jovi instans superbius et certius profitetur. Et tamen omnis haec fiducia vana est, de quo Mercurius eum monet: σφοδρύνει γ' ἀσθενεῖ σοφίσματι, 1011. Quid enim revera eventurum sit, initio ipse disertis verbis pronuntiaverat: Ζεὺς τὴν ἀτέραιμνον στορέσας ὁργὴν Εἰς ἀρθρὸν ἐμοὶ καὶ φιλότῃτα Σπείδων σπείδοντέ ποθ' ἤξει, 192. Hoc verissimum, hoc eventurum est. Omnis enim eius ars imbecillior est necessitate, 514; qua adactus nuptias Jovi perniciosas indicabit et propterea liberabitur, 525. Itaque bene scit, Jovem non eversum iri et in Jovis arbitrio suam esse liberationem 165, 258, 375 et quae de eius interitu gloriatur, (756, 760, 764, 908, 926, 940, 959, 981) sunt mendacia (λόγοι σύνθετοι quos νόσημα αἰσχιστὸν dicit Io, 685), ea quidem mendacia, quibus non magis alios, quam se ipsum fallit. Ita ubicunque Jovi maledicit, a se ipso deficit et se deridendum praebet, praesertim ubi de imprudentibus Jovis consiliis dicit, quibus nuptias sibi paraturus sit fatales, 762: cum tamen ipse satis significaverit, evitaturum esse Jovem haec mala, id quod fieri non potest nisi per summam sapientiam. Ita Jovi violentiam, qua Io tractaverit, objurgatur 736; cum tamen ipse postea divinos commemoret honores, quos virgini ille designaverit λαμπρῶς κοῦδὲν αἰνικτηρίως 833; ubi atrociter addit: εἰ τῶνδε προσοίσει σέ τι, (patet praeterea e S. 1068 hanc violentiam

ipsam esse benevolam, βίαν εὐμενῆ); divinamque medellam, qua eius morbum sanaturus sit ἐπαφῶν ἀταρβεῖ χειρὶ καὶ θιγῶν μόνον, 849. Quia commemorat etiam Herculem, qui se liberaturus sit, originem ducturus ab Io, 772, 871; ut tum huic, tum Prometheo ipsi bene prospexisse Jovem appareat in nuptiis, quas cum Io condidit. Idem conspicitur in eo quod justitiam Jovis suspectam reddit, cum dicat: παρ' ἑαυτῶν τὸ δίκαιον ἔχει 187. Scilicet hoc verum est, in ipsa natura Jovis insitam esse justitiam, justitiam esse penes Jovem, justum esse quidquid Jupiter agit, ipsosque illos νόμονς ἰδίους, νεοχμούς esse leges justitiae. Hoc non excogito, sed ipse dixit Apollo in Eumenidibus: τὸ μὲν δίκαιον τοῦθ' ὅσον σθένει, μαθεῖν. Βουλῇ πιφαύσκω δ' ἔμμε' ἐπισπένθαι πατρός. Ὅρκος γὰρ οὐτι Ζηνὸς ἰσχύει πλέον, 619. Fluctuantem eius animum neque certum et sibi constantem habes etiam in eo, quod mala sua nunc iniqua praedicat 1093, nunc inimico omnia adversus se licere ipse concedit, 1042. Quod Jovi ingratum animum objurgatur 244 sqq., nihil est nisi convicium irati adversarii, cum simulac seditiōnem movit, non amplius Jovi esset amicus. Quod nunc de natura sua immortalī gloria- tur 933, 1053; nunc queritur 753, Pr. sol. fr. 179, 23; monuimus sub Jovis nomine. Et licet praesagiverit quae sibi eventura sint 101, tamen duriora accidunt, quam quae exspectavit 240, 265, et si (935) contendit πάντα πρὸς- δόκητά μοι tamen in Pr. sol. maximopere fractam videmus eius fortitudinem. Itaque ipse non supersedet spei vanis illusionibus, quas mortalibus assignavit, ut facilius mala perferrent, 250. In his omnibus videmus eius sapientiam conversam in stultitiam, videmus eum, id quod profiten- tur Oceaninae, ἀποσφαλέντα φρενῶν πλανᾷ πρᾶσι medici si-

milem, qui sibi ipsi auxilium ferre nequeat 472; quop ipse fatetur se ipsum, qui tot rebus mortales adjuverit, destitutum esse consilio, quo se liberare possit 470, cf. 335: πολλῶ γ' ἀμείνων τοὺς πέλας φρενοῦν ἔφνς ἢ παντόν. Itaque verum est quod Mercurius dicit, eum insanire 1034—1057: quae ingens et nobilis insania cum Prometheo pias etiam corripit Oceaninas, ut parum curantes Mercurii admonitum, una cum eo intereant, 1063 seqq. Eandem cogitationem, ultione divina perire cum impiis pium etiam eorum socium, habes Th. 602. Frangitur omnis Promethei atrocitas, in fragmentis Pr. sol. nonnisi lamentantem eum audimus, sed unum sibi servavit invictum, voluntatem. Haec est libertas homini innata quae tam divina est, ut penes eam sit, utrum numini summo se velit subicere an detrectare obsequium. Quod si detrectat, insanit: licet ei insanire, quia libera est: quamquam per hanc insaniam certam sibi parat perniciem. Haud dubie in Prom. soluto vetustum illud oraculum pronuntiabat Prometheus: sed, ut mihi videtur, non antequam ab Hercule solutus est. Etenim non opus est ut omnia, quae v. 176, 990, 1005 profitetur, nihil se indicaturum esse antequam solutus sit, pro inani habeamus jactatione.

### 31.

## Prometheus solutus.

Quae cum ita sint, contendo, in Prometheo soluto theodiceam ab Aeschylo fuisse exhibitam. Fabulam ita comparatam fuisse existimo. Firmatum est Jovis imperium, ipse jam clementia utitur pro violentia (τὴν ἀτρεα-

μνον στορέσας ὀργήν v. 190), solvit vincula patris Saturni ac Titanum, eosque pro Tartaro in insulis beatorum habitare jubet. Hes. Opp. 174. Inde proficiscuntur ad Prometheus, fr. 177, 178, 179: quod iter narrantes tragoediam aperiunt. Conqueritur Prometheus, accedit Tellus, monens quia jam instent Jovis nuptiae fatales, ut tempore utatur Prometheus. Siquidem consentaneum est, licet Saturnus reconciliatus sit cum Jove, manere vim execrationis Furiis Pareisque mandatae. Talis enim execratio, cuius vis reconciliatione statim tolli potest, iners est et ridicula. Itaque Jovi eae nuptiae sunt evitandae, quibus effectum iri execrationem Saturnus constituerat, quas Parcae et Furiae custodiunt: his evitatis nihil amplius eum manet, quod ei timendum sit. Cur in Thetide haec omnia versentur, nescimus neque nostra interest. Pollicetur jam Prometheus, se indicaturum esse nuptias, modo ut antea liberetur. Hoc promissam Jovi Tellus transfert, Titanes, ut videtur, in carmine chorico ultimum, quod instat, discrimen de summo rerum omnium imperio exhibent. Mittitur Hercules jussu Jovis (ab oraculo Pythico) cui Prometheus narrat, quae perfecerit et perpessus sit (fr. 180); cui iter ad Hesperides designat, cui divinos etiam, ut videtur, vaticinatur honores. Vinculis solutis et aquila interfecta (fr. 379) Hercules proficiscitur. Accedit Mercurius ἀγοραῖος, conciliat cum diis Promethei animum adhuc ferocem (fr. 187), audit vaticinationem, imponit ei coronam vimineam, δεσμῶν ἄριστον (Sphing. fr. 214. Welck. Tril. p. 50, n. 75) et pro honore et ne poenae obliviscatur. In his orationibus omnia, quae dubiam reddere possint Jovis justitiam, refelluntur. In fine nuptias Pelei cum Thetide indicatas esse consentaneum est.



Peleus enim, Aeaci filius, Jovis nepos, pater Achillis, deae, quam Jupiter amavit, maritus, optime vices agit divini illius novi generis heroum, quod Jupiter progenuit, Hercules enim est dei filius eumque manent divini honores, Peleus est homo, manet homo. Ne objicias, si solutus demum Prometheus profiteatur oraculum, antea constitutas esse non posse nuptias illas. Patet enim, Joyem, admonitum a Tellure, ut cum Prometheo pacem faceret, non potuisse non suspicari, has ipsas, quas cum Thetide parabat, nuptias esse fatales. Neque tamen tam levis est Jovis amor, ut sine ratione idonea eum missum facere possit.

32.

Prometheus ignifer.

Scio rationem, qua haec composui, esse incertam, certum vero est, cogitationes, quae in iis insunt, quocunque velis modo, in Prometheo soluto fuisse significatas; certius etiam est, in Prometheo victo inesse omnes eas, quas demonstravi. Tamen negari non potest, mire egisse Aeschylum, si his omnibus nihil praemisisset, quod verum iis qui spectabant sensum aperiret. Ironia, qua Prometheus tractari demonstravi, cum demonstrata est, est aperta: sed assiduo tragoediae studio opus erat, ut eliceretur, neque ullus interpret eam sine dubitatione agnovit. Quamquam ne mihi ipsi nimium confidere videar, testem huius ironiae vobis afferam: criticum illum antiquorum poetarum longe optimum, Aristophanem. Hunc, ubi in Avibus Prometheus inducit, ad Aeschylum alludere, apertum est: nemo enim Promethei odio erga deos, in quo omnia versantur in



loco Aristophanis (1547 sqq. *Πρ. μισῶ δ' ἅπαντας τοὺς θεοὺς ὡς οἶδ' αὖ σὺ. Πεισθ. νῆ τὸν Δί' αἰεὶ δῆτα θεομότης ἔφυς. Πρ. Τίμων καθαρὸς.*) tantum tribuit, quantum Aeschylus. Vide autem, quantopere fractus sit Prometheus Aristophanis, quanto pavore Jovem timeat. Quod inepte instituisset poeta summus, nisi etiam Aeschylum minime pro genio quodam qui nihil esset nisi divinus, habere Prometheum perspexisset: imo tum incredibilem illam divinitatis abundantiam ludendam judicasset. Praeterea e multis Aeschyli locis satis patet, miserum et imbecillum esse genus humanum, licet a Prometheo recreatum *Pr. 84, 547; Th. 769; Ag. 222, 554, 1327; Niob. fr. 144; r. 288* cett.

At si Aristophanes, perlegens tragoediam, bene perspexit Aeschyli mentem, quomodo idem a spectatoribus expectari poterat? Noverant quidem hi rationem fabulae, sed ne id quidem videtur suffecisse, ut omnia satis percipere possent quae Aeschylus significat. Sunt alia etiam, quae per se vix intelligimus, in hac tragoedia. Quid tandem est, quod innuat Prometheus, cum se ab Oceano in furto adjutum dicit? (*v. 331*). Neque in Oceani natura, neque in fabulis Hesiodicis quidquam inest, quo hoc explicetur. Licet quidem poetae paucis verbis innuere fabulam satis notam, sed haec non est satis nota, neque credibile est, omnia interisse, quibus explicaretur. Praeterea in *Pr. sol.* ad Caucasum religatus est Prometheus. In vincto nihil est, quod impediatur, quin idem statuamus, imo e ratione itineris lus alio loco demonstrabo, necessario, nisi omnia perturbas, ad Caucasum relegandum esse Prometheum. Cur tandem nusquam diserte Caucasum nominat poeta, sed loquitur potius, quasi notum esset,

rem versari in Caucaso? Ne multa, quia trilogiam composuit, quia in Prometheo ignifero dixit, quae ad perspicendam Promethei vincti rationem erant necessaria, quia in hac tragoedia partes egit Oceanus, reconcilians, ut videtur, Prometheus cum Vulcano; quem de ignis furto iratum fuisse consentaneum est, quia denique e loco Hygini astron. II, 15, cum Schol. Pr. vinct. 94 comparato redditur verisimillimum, in prima jam tragoedia ad Caucasum relegari Prometheus. Hermannum enim qui summus exstitit continuitatis rerum in trilogiis exhibitarum impugnator, quae contra hanc protulit argumenta, ne ipsum quidem magno studio defensurum esse existimo, cum quam dubia et incerta sint ipse profiteatur (de Aesch. Pr. sol. p. 13). Quidquid faciat, demonstrari potest, in rebus poetae, qualis Aeschylus est, eas nihil valere. Nolit vero Hermannus ad eos nostram relegare disputationem, qui abstrusae cuiusdam sapientiae aenigmata reperire velint in Aeschilo (ib. p. 5): ea enim profecto non abstrusa est sapientia, si quis intelligit, eam esse indolem mentis humanae, ut semper contra divinam legem superbia efferatur semperque poenas huius criminis in vinculis luat artioribus: ita enim omnes sentiebant, in quorum moribus Aeschyli aliqua inest similitudo, Pindarus, Sophocles, Herodotus. Neque »saevientem« Jovem fecit Aeschylus, neque si quid in Prometheo docuit, docuit summum »constantiae, fortitudinis, animi magnitudinis exemplum« nisi in quo ipso vitium, quo omne laborat genus humanum, inesse ostendit: id quod jam satis demonstravisse mihi videor.

Cum vero symbolicum sensum fabulae etiam ab Aeschilo subditum esse constet, cum inde appareat, non sa-

tisfecisse poetae speciem meram spretis iis, quae symbolis continentur, cum praeterea a rebus mysticis minime abhorreret, fateor me non intelligere, quid impediat, quin Lemnia sacra eum adisse existimemus, ut ab his doceretur, quinam sub formis illis lateret sensus verus. Opus enim est poetae ut ita perspicere, adornare, sibi conformare possit fabulas, ut sibi sint verae: cum id solum, quod verum est poetae, tanquam verum sentiatur a spectatoribus. Itaque probabile est, perscrutatam esse Aeschylum fabulae rationem et quidquid in sacris Graecis de ea dicebatur; probabile, eum probavisse interpretationem, quam praehebant sacerdotes Lemnii. In tragoediis, in trilogiam eatenus tantum ea recepit, quatenus concinna erant legibus poeseos, atque id profecto constat, quidquid tractaverit, licet profectum fuerit e mystica sapientia, simulatque incredibili vi poeseos Aeschyli perfusum sit, redditum esse decorum, vivum, divinum.

---

## *II. Orestea.*

---

### 33.

**I**n Orestea trilogia clarissimum exstat exemplum, quamnam rationem inter deos et homines intercedere cogitaverit Aeschylus. Agunt dii in ipsis rebus, quae ab hominibus geruntur, ita tamen, ut non desit homini libera voluntas. In domum Pelopidarum, jussae ab ipsis diis Olympiis, irruerunt Furiæ, potestatem de ea exercent; jam scelus a scelere excipitur, neque ullus huius cladis etiam atque etiam crescentis conspicitur terminus, antequam deserto Olympiorum jussu facinus aliquod perficitur, de quo acerbissima suo jure Furiis sumenda est vindicta. Itaque lis oritur inter jus Furiarum et jus Olympiorum, quod enuntiat et efficiendum curat Apollo. Quae lis necessario aeterna esset et infinita, nisi summum jus et summa de rebus omnibus auctoritas esset penes Jovem: id quod per totam trilogiam gravissimis tum dictis tum descriptionibus exhibetur. Jupiter ipse est summus Olympiorum: itaque eius auctoritate victoriam reportat Apollo, superatis Furiis, attamen non contemtis, sed ipsarum mente mutata in eam benevolentiam, quae est Olympiorum. Quae

omnia dirimuntur regia Jovis sapientia, quae est Minervae. Vide haec per totius trilogiae tragoedias justo et certo ordine descripta. In Agamemnone Furiarum exhibetur potentia, aucta quovis scelere, ad quod committendum ipsae exhortantur; in Choephoris praevalet auctoritas Apollinis, qui Orestem mittit eique designat quae perficienda sint; in Eumenidibus Furiae et Apollo, qui antea idem egerunt, naturis quidem diversissimis, discedunt in contentionem, quam Minervae justitia dirimit.

### 34.

#### Agamemnon.

Incipit tragoedia prima a precibus custodis, quibus superos invocat, ut malis quibus et ipse et regia domus vexetur, finem constituent (v. 1, cf. 18, 20). Deinde in primo chori cantico commemorantur ipsi illi dii, qui in tota fabula agunt, Jupiter, Apollo, Furiae, et hic quidem concordēs: a Jove et Apolline immittuntur Furiae hominibus (59). Irruperunt Furiae in domum Pelopidarum per scelus Thyestis, illam *πρώταρχον ἄτην*, neque jam possunt ejici (1186 — 1192). Sed non haec solum domus iis est obnoxia, sed quisquis in hac tragoedia partes agit insignes. Et primum quidem Furias a Jove hospitāli, cuius ira nullis lacrimis, nullo sacrificio placatur (70), missas videmus in Paridem (62, 749). Quae dii agunt, agunt per homines. Suscipit vindictae munus Agamemnon, sua sponte, non Jove jubente sed Menelai precibus et desiderio excitatus (414, 429): atque cum ille expeditionem susceperit, ipse Jupiter eum exhortatur (105, 111)

misso aquilarum portento. Quo ipso novum illud scelus designatur, a quo non liberum se conservaturus est Agamemnon, praevident enim superi, eam esse eius mentem; ut aras templaque Troiana cum ipsa urbe devastatus sit, impietate non minore, quam ea, qua leporem gravidum Dianae sacrum lacerant aquilae, quibus ipse cum Menelao significatur. Diana, dea ultrix, vindictam sumit tam in rebus humanis, quam in rebus bestiarum: sua voluntate (131 sqq) expeditionem impedit, ventos mittit adversos, qui Aulide classem cohibent. Quae voluntas divina ut superetur, ut mutetur, ius divinum oraculis pronuntiatum jubet Atridas filiam Agamemnonis deae immolare (198 — 217). Ut Jovis voluntas rata fiat, Agamemnonis expeditione non opus est, cum in Jovis potestate innumerabiles sint rationes, quibus eam efficiat, itaque si Agamemnon neque filiae parcat neque toti populo Troiano totique Graeco, et stolide (800 804, cf. 471) agit et maxima impietate. A Furiis concitatus vel talibus animi sensibus, qui procreantur a Furiis (*βροτὸνς θρασύνει γὰρ αἰσχρόμητις τέλαινα παρακοπά* 223, cf. E. 329), correptus scelus decernit (*φρενὸς πνέων δυσσεβῇ τροπαίαν, ἄναγνον, ἀνίερρον, τὸ παντότολμον φρονεῖν μετέγνω*, 220, cf. 1419) filiam non sine crudelitate (228, 231) mactat, execratione quidem eius oppressa (237), sed tamen Furias in se ipsum provocans (1432) justaeque opportunum se reddens vindictae (1396, 1406, 1521, 1527).

Perficit jam Agamemnon Jovis hospitalis voluntatem (327, 355, 362, 525) justaque Troiancs affligit ultione (533, 812). Sed Justitia, quae Troianos punivit, sese convertit in ipsum (Ch. 935—938), qui in ipsa ultione magis etiam Furiis redditur subjectus. In eos enim, qui

multos interfecerunt, dii animadvertunt (460), quis vero maioris auctor est stragis, quam Atridae? Qui neque Graecis neque Trojanis pepercerunt, ut unam sibi recuperarent mulierem (225, 440; cf. Herod. I, 4 med.; A. Th. 1050): qua de causa praeclarorum plurimi Graecorum heroum sunt occisi (433 — 448) totaque Trojanorum gens ad internecionem deleta (528), quin deorum etiam templa polluta et vastata (527, cf. 339). Propterea tum apud Graecos invidiam subeunt Atridae, (450): metuuntque Argivi, ne domus, quae non integram in victoria sibi paranda servavit iustitiam (464), a Furiis et Jove puniatur (463, 470); tum revertentes Graecos dii ulciscuntur immissis procellis (347, 645, 649), e quibus tamen Agamemnonem deus aliquis navem gubernans servat (663).

Ita ipse progreditur Agamemnon, summum gloriae fastigium adeptus (531, 907, 1337) sed in hoc ipso minime securus. Est enim sibi conscius, quod domus sua non integra floruit probitate (776), quae sola ab omni calamitate homines tuetur (761), imo alterum in ea scelus ab altero progenitum est (758, 763; cf. 154), neque ullum facinus perpetratum, quod ab omni vitio liberum esset. Propterea senes illi sapientes, regis amantissimi (806), curis fatigantur (103, 132, 478, 975), quas ne nuntius quidem de victoria, quem praeco laetus (567, 572, 573) affert, huiusque exhortationes omnino tollunt (786, 805, 988, 994 — 1000, 1030). Ipse Agamemnon deorum obedientissimus est et religiosissimus, ubique eorum opem invocat (810, 813, 821, 829, 844, 852, 922, 925, 928, 946, 952), ubique eos implorat, ut fortunam, quam sibi concesserint, conservent (846, 854, 929), quam religionem jure quidem repe-



timus a solita eius pietate, tamen non sola, sed simul a timore, ne fragilis haec felicitas evertatur. Vestes purpureas, quas sternit Clytaemnestra, neque libere calcare audent (921, 924, 938, 948) neque preces eius aspernari sustinet (944), ingreditur denique in iis, sed nudis pedibus (945).

Quaequae immolata filia peccavit, morte luit Agamemnon, neque in ulla amplius culpa est (magis etiam per hanc quam subit ultionem *ἐλεύθερος φόνου*, quam postea Clytaemnestra, E. 603). Itaque nihil in animis Argivorum pariter ac deorum quidquam valet in his rebus, nisi amor in regem qui a Jove ipso honorem repetit (43; E. 626), nisi luctus de turpi eius nece (1493, 1538), de sepulcro eius parum honesto (1411, 1430, 1616, 1646). Itaque criminis gravissimi culpam contraxit Clytaemnestra, quae, licet et ipsa deos colat (328, 913, 961), quin eos imploret, ut se adjuvent in nece Agamemnonis (973), tamen sanctissimas eorum leges violat (1645). Optat quidem domui pacem (1574), abhorret quidem ipsa a nova caede (1654); sed neque hoc desiderium neque mitior eius voluntas potest non esse inanis. Imo ut vinculis Furiarum implicitus jacet Agamemnon (1580), ita totius domus dominationem exercet genius Alastor (1468, 1475, 1481) qui in omnibus facinoribus aderat, juvabat, neque, cum nemo integrum servaverit animum (1505), ejici potest (1566). Idem, quod genius ille, agunt Furiae, itaque in libera harum potentia domum relinquimus. Et ipse Apollo, deus sanctus et a Furiis abhorrens, qui Graecis ad Troiam inimicus post reditum redditur amicus (*σωτήρ καὶ παρ' ὄντιος*, 509—513), in hac tragoedia nonnisi vindicis, nonnisi perpendendi munere fungitur (*ἀπόλλων* 1081). Ineunte fabula

eum Furiis Troianis immittentem vidimus: idem puellam, quae maiestatem suam fraude minuerat (1208, 1211), ducit ad perniciem, ducit in domum diis invisam, malis, caedibus, exitio projectam (1090), ipsique mortem designat (1257, 1269). Ipse vero Apollo, vindex magnus, non potest non ulcisci foedum Clytaemnestrae facinus, ipse ultorem Orestem est missurus (1279, 1284, 1646). Omnium igitur numinum, quae in fabula agere videmus, voluntas jubet ultionem, quae tam certo manet sceleratam, quam Jovis auctoritati confidendum est, 1563.

Et quanta haec sit auctoritas, facile conspicitur ex ea ratione, qua in tota fabula Jupiter agit. Quaequae inter se certent, Jupiter, ipse fortissimorum adversariorum victor, suo omnia dirimit arbitrio, cum Jove nihil comparari potest (160—183). Itaque Jove auctore facta sunt, quaequae in domo Tantalidarum evenerunt, *διαὶ Διὸς παναίτιον πανεργέτω* *Τί γὰρ βροτοῖς ἄνευ Διὸς τελεῖται; Τί τῶνδ' οὐ θεόκτατον ἔστιν;* (1485). Jupiter animadver- tit in crimina Troianorum (62, 355, 362, 367, 704, 748), in culpam, quam Atridae contraxerunt, cum Helenae causam nimia cupiditate egerint (462, 468—470). Et ta- men justam in eadem causa iis assignat victoriam (582), servat genus Atridarum (677, 970), gubernat facinus Clytaemnestrae (973), eidemque decernit vindictam (1563). Hanc igitur scimus instare. Ab eadem vero summa Jovis auctoritate possumus sperare, e caedibus et malis denique eventuram esse salutem. Jupiter enim per dolorem solet docere (177) eosque, qui sibi confidunt, curis levare (165). Quod idem egit in fato Iphigeniae (244): quod idem eum in universi generis fato effecturum esse sperandum est, licet, qua via usurus sit, homines ignorent (cf. S. 92),

licet nulla fere spes laeta prae ingenti illa malorum turba,  
quae domum opprimit, nunc oriri possit.

35.

### Choephoroe.

Domus Pelopidarum et luctu (51, 339, 407, 466, 566)  
et Aegisthi et Clytaemnestrae tyrannide premitur (Ag.  
1639, Ch. 137 cett.). Penes superos vero est potentia  
eius. elevandae et restituendae (204, 212, 262, 415, 962,  
963), fletus mutandi in sonos laetos (340) malorumque  
avertendorum (775, 780, 782). Propterea Apollo, serva-  
tor et vindex, mittit Orestem, ipsum et σωτήρα et μόρον  
(1073), eumque deserto jusso, minis additis, jubet occi-  
dere matrem (κελεύων, 270, 300, 900, 1030). Itaque Ore-  
stes Apollini inservit, causam agens deorum, quorum  
maiestatem polluit Clytaemnestra <sup>290)</sup> (μίasma θεῶν, Ag. 1645;  
πατροκτόνον μίσμα καὶ θεῶν στύγος Ch. 1028; τὸ πᾶν  
Διὸς σέβας παρεκβάντες οὐ θεμίστως, 645, 635—638, 902),  
et pollicetur Apollo eum peracto facinore liberum fore  
a crimine et poena (1031; E. 799). Adjuvatur Orestes  
a Jove (19, 395, 878), cuius leges enuntiat et ratas facit  
Apollo, a Jove cum Robore et Justitia (245), a Parcis Jovi  
obtemperantibus (306, 382). Ipse Apollo ipsam rationem  
docet Orestem, qua res peragenda sit, fraudem, ut fraude  
Agamemnonem illi interemerint (556—559), ipse cum Mer-

---

<sup>290)</sup> Ne templa publica ingrederetur adultera, Athenis lege cau-  
tum erat, Demosth. Neaer. p. 1374.

curio perfico in ipso facinore eum adjuvat (808 — 814, 953—957), postea etiam eum tuetur (1063) et a piaculo lastrat (906, 1038, 1060). Neque amplius novam caedem haec caedes est progenitura (805, 826), lux affulget (961, 972), integritate enim divinum favorem homines adipiscuntur (958). Atque cum antea nemo Pelopidarum liberum se tenuerit ab injustitia, ab impietate, justissime nunc punitur Clytaemnestra (evenit *δίκη ἐξ ἀδικῶν*, 398), cui directo adversatur Justitia (61, 244, 308, 311, 361, 461, 641, 646, 949, 988, 1027), eius caedem pro conjugis caede flagitans (312, 400, 930), quam eandem poscunt Furiae (402, 475, 577, 651), Justitiae superisque inservientes (cf. 462), ut ne pepercissent quidem Oresti ultionem negligenti, sed foedissima persecutione eum ursissent, jussu Apollinis (283, 925). In quibus omnibus agentem clare cernimus Apollinem deum vindicem et servatorem.

Quam egregie deorum, quos coluit, naturam perspexerit Aeschylus, patet ex invocato in hac tragoedia Mercurio. In tota trilogia exhibetur tristis deorum inferorum dominatio conversa in salutem deorum Olympiorum victoria confirmatam. Summum huius conversionis momentum exponitur in Choephoris; ipso Orestis facinore, profecto ex artibus Furiarum, salus paratur. Vides, quam apte hic Mercurius invocetur, cuius munus est conjunctio eorum, quae sibi contraria sunt. Sicut Mercurius deus inferus ex inferorum caligine salutem evocat, eamque evocans ipse egreditur, ipse vertit in deum superum, deum Olympium, ita ipsa generis salus prodit ex aerumnarum et scelerum caligine, ipso cruento facinore, quod jacent inferi pariter ac superi, conditur; firmatur denique per Orestis victoriam in certamine cum Aegistho, quod certa-

men praeparatum fraude, auctore Mercurio infero, ipsum a Mercurio nocturno gubernatur (726). Itaque Mercurius invocatus jam a praecone reverso, ut domui adsit (Ag. 515), liberis Agamemnonis assignat *πρᾶξιν οὐρίαν* Ch. 814, qua etiam in Eumepidibus utitur Orestes, quem supplicem et exulem, morem gerens Apollini, Athenas ducit et comitatur Mercurius superus (E. 90).

Vidimus in eo omnes consentire deos, superos et inferos, vindictam sumendam esse de Clytaemnestra: et quia ipsa naturae lege jura patris transeunt ad liberos (505), neminem hoc jubere possunt, nisi Orestem, et Jupiter ipse ubi in hac tragoedia commemoratur, stat a partibus Orestis: summa, quae sibi est, potentia fortem fortunam ita dirigit, ut justa perficiatur vindicta (785, cf. 245, 306), invocatus in ipso discrimine (855), pater Justitiae, quae cum Apolline (953) Orestem in caede matris adjuvat (949); ipse omnia ita disponens, ut e malis Pelopidarum prosper prodeat eventus (795). Atqui naturae vinculis etiam cum matre filius conjungitur (*παρθοῦσα δ' οὕτω δεινὰ πρὸς τῶν φιλητάων* E. 100; *ζωνῆς σ' ἔθρεψεν ἐντός*, E. 607), et hac omnium, quae in toto genere acciderunt, justissima caede nulla est magis horribilis. Itaque simulac matrem occidit Orestes, simulac nece crimen luit Clytaemnestra, ut jam libera sit a culpa caedis (603), Furiae in eum irruunt (912, 924, 1054), qui delirus Delphos fugit et tutelam ab Apolline sibi promissam implorat (1035—1039). Haec igitur quaestio remanet, utrum deorum Olympiorum voluntas, an jus Furiarum, quae necessitudinem inter matrem, et filium intercedentem observant, sit superius. Supra Jovem vero esse neminem, tum in Agamemnone, tum in Choephoris satis indicatum est, ita-

que ut in Agamemnonis exitu dubium esse non poterat, quin ultio maneat Clytaemnestram, ita nunc de Orestis salute dubitari non potest, cum optimus servator et lustrator sit Apollo. Haec igitur tragoedia tam laeta spe finitur, quam tristis erat finis Agamemnonis: id quod utrumque concinit cum numinibus deorum, qui in utraque fabula praevalent. Tamen maximopere intenti tenentur animi, quaerentes, quanam denique via Orestem dii servaturi domumque contra omnem Furiarum impetum in posterum tuituri sint (ποῦ δῆτα κρανεῖ, ποῦ καταλήξει μετακοιμισθὲν μένος ἄτης, 1075). Hominibus igitur in hac re nihil amplius agendum est, litigaturus est Apollo cum Furiis, a qua lite diremta pendet etiam Pelopidarum salus aut perniciēs.

### 36.

#### Eumenides.

Ineunte statim tragoedia ultima significatur ratio numinum, quibus partes sunt agendaē. A Tellure tenebricosa et a Titanibus oraculum transit ad deos Olympios, Themis, quae ipsa jus divinum in sese continet, sponte ac libenter Phoebae cedit, quae Phoebō sacra illa tradit pro dono natalicio. Phoebus Loxias Jovis leges enuntiat (17), Jovis, qui numinum omnium supremus est (28), Jupiter ipse constituit, maiorem patri quam matri honorem esse tribuendum (640, 750), a Jove repetitur potestas Mercurii, qui Orestem comitatur et tuetur (93), Jupiter sanxit matrimonium (214, 218), quod maculavit Clytaemnestra (Ag. 1626; Ch. 917), apud Jovem, id quod ipsae profitentur Furiae, summus honor est Apollinis (229); Jovis



jussu constituta est supplicum sanctitas quam reveretur Apollo (232); a Jove ipsum Furiarum munus derivatur (365, 392); Jovis auctoritatem venerantur Furiae, Apollinis tantum testimonio fidem denegantes (622, 640); Jovis justitia summum valet, ei omnia obtemperant, ne jusjurandum quidem judicum eius voluntate est superius (619-624), sicut liberum omnium elevandorum et deprimendorum arbitrium est penes Jovem (650), Jupiter ipse per Apollinem jussit Orestem occidere matrem sceleratam (618, 713, 797), Jovis consilia falli non possunt (717), Jupiter cum Minerva et Apolline servat Orestem (760), Jupiter satis valet, ut etiam violentia Furias coercere possit (826), a Jove omnia repetantur, quibus ipsa excellit Minerva (850, 973).

Si omne jus supremum omnisque justitia penes Jovem est, nihil requiritur, nisi ut huius voluntas enuntietur, cui non obtemperare neque mortali cuiquam licet, neque immortalis. Justitia vero etiam in eo cernitur, quod adversariorum jura agnoscimus, spectamus, investigamus. Furiae, quae ipsi Justitiae inserviunt (312, 538, 553), immissae sunt in domum Pelopidarum a superis ipsis (208-210, 392), ibique longaevam exercuerunt dominationem. Ultimum, quod domus illa contraxit, piaculum est gravissimum, et hoc ipsum tum jussit (202) tum lustravit Apollo (204, 280, 283, 445, 451), supplicemque fraude eripit (149, 453) e potentia Furiarum, quas ipsa contra filium provocavit Clytaemnestra. Propterea Furiae contendunt, transgressum esse Apollinem leges justitiae (154, 163), minuisse eum suam ipsius maiestatem (170), Orestisque victoria omnem eversum iri justitiam (516). Itaque ostendendum est Apollini, justum esse quod egerit, eoque



demonstrandum, revera Jovem hoc jussisse, idque agendum est iudice Minerva, quae regia omni sapientia Jovis ornata est (81, 224, 260), cuius sententiae tum Orestes (243, 468) tum Fariae (435) se subjiunt. Patroni munere fungitur Apollo, deus illustris et lustrator (62), ideoque Furiarum, quae nullam admittunt lustrationem, summus adversarius. Nititur hic jusso Jovis, quod nullo modo injustum esse possit (614—621), ostendit, quomodo hoc cum Jovis natura et legibus concinat, quia sanctiore jure vir utatur, quam mulier (625—639). Tantum ipsae Fariae Jovis auctoritati tribuunt, ut nihil agant, nisi quod contendunt, minorem tribui a Jove patri, quam matri, honorem (640—642). Cum etiam hoc refellerit Apollo, Minerva, Jovis filia patris amantissima (738), sententiam fert in favorem Orestis, qui ipse dicitur patris amantissimus (Ch. 1050).

Absolvitur Orestes per liberam deorum Olympiorum voluntatem, quippe quibus obtemperaverit et inserviverit: itaque bene vertunt fata Pelopidarum. Furiae vero, quibus haec domus erat subjecta, non sponte cesserunt sed vi ejectae sunt, justa quidem vi, quia summum jus est penes Olympios. Idem vero Olympii Jove auctore Furiis confirmaverunt honorem, quem Parca nascentibus assignavit (335, 345, 392), et quicumque honor a Jove constitutus est, inanis esse non potest (395). Et tamen laesa est eorum sors antiqua (173), minuti sunt honores (324), hostia (304) quae jure iis sacrata erat (*νόμιον ἀγίασμα*) iis erepta est: idque confirmatum auctoritate iudicii (780, 839). Restituendus est honor ille minutus, restituitur per ipsam regiam Jovis sapientiam, quae eum minuit, per Minervam. Minerva Furiis sibi pariter et

omnibus superis invisae (73, 350, 386, 411) summa aequitate recepit (414, 476, 848, 881), nihil venerationis iis detrectat: id vero agendum est, ut earum natura, quae Olympiorum menti adversatur, permutetur in eam, quae Olympiorum est, benevolentiam. Missum faciens Jovis fulmen, per quod vi eas superare posset, Furias, quae antea nonnisi malorum et execrationis causam egerunt, Minerva permutat in benevolas, ut linguis faveant (922), ut pro atris vestibis (352, 376; Ch. 1045) nunc indutis purpureis honorentur<sup>291</sup>) (1028): et ita mala omnia a terra Attica, cuius regina est, partim propulsat, partim vertit in prospera. Ne per hanc de Furiis reportatam victoriam male se habeant leges justitiae, id quod illae minatae sunt (490—528), dea instituit Areopagum,

---

291) Cf. not. 61.

### *III. Fabulae reliquae.*

---

37.

#### **Septem adversus Thebas.**

**S**i quis insignem illam et accuratam artem intellexerit, qua Oresteam composuit Aeschylus, satis ei constabit, poetae qui opus tam artificiosum confecerit, tragoedias tam simplices et rudes, quales a plerisque esse existimantur fabulae Aeschyli, satisfacere non potuisse. Itaque nobis non dubium est, quin tragoedia illa, quae Septem adversus Thebas inscribitur, nihil sit, nisi pars trilogiae. In Orestea observatas vidimus certas quasdam leges, ad quas officia diis, qui omnium sunt auctores, gerenda per singulas tragoedias sunt descripta, easque has, ut in prima tragoedia Furiarum, in secunda Apollinis praevaleat auctoritas, in tertia de utraque judicium feratur. Similes leges etiam in ea, de qua nunc dicimus, trilogia constituisse poetam probabile videtur; temerarium vero est, easdem quaerere in omnibus, imo prorsus alia ratione compositam esse trilogiam Danaides, mox videbimus, aliamque etiam in hac observatam esse, credibile est. Quenam vero haec fuerit, dictu est difficillimum. Missis omnibus, quae non ad res divinas pertinent, id animadvertimus, ipsius huius

tragoediae duas esse partes: in priore (1—630) agitur de hostium impetu et de patriis Thebarum diis, qui ut eum propulsent invocantur, in posteriore de fatiis et conditione domus Labdacidarum, in quibus Apollo et Furiae auctoritatem exercere percipiuntur. Vide enim, si priorem partem pervolvimus, statim initio invocatum Jovem averruncum v. 8; deos indigenas Terramque matrem 14, 16, 21, 23, 35, 69, 77, 86, 97; Martem proavum 105, Minervam Oncam, Neptunum, Martem, Venerem proaviam, Apollinem, Dianam, Junonem 128—165, e quibus patriorum Thebanorum deorum consilium est compositum (220, 251) imploratos, ut opitulentur (*πυργοφύλακες* 168, *λυτήριοι* 175), neve, qui est mos deorum ubi urbs ab hostibus expugnatur, abeant et Thebas deserant (216, 304). Et licet dubitet Eteocles, an Thebarum curam sint gesturi (217), cum magnum aliquod valere apud superos execrationem Oedipi (70) seseque et domum suam diis invisam esse sciat (702): iidem postea etiam invocantur et adorantur, et ipse Eteocles a Marte et Justitia (414), a Diana antistite cum diis reliquis (450), a Minerva Onca (501), ab Apolline Loxia, quem perniciem hostibus praedixisse novit (618) et prae omnibus a Jove exspectat, ut superbas et impias (427, 442, 469, 483, 531, 551) eorum minas vi et fulminibus coerceant (445, 453, 485, 520, 614, 630). Hasque preces superi exaudiunt, Jupiter superbia hostium dejecta (794) cum diis indigenis Cadmi arcem servat incolumem 822—826, 1074.

Cum vero in hac ipsa ope, quam Thebis tulerunt, eam exercuerint superi legem, quam ipsi dederunt, vindictam de quavis impietate esse sumendam: eadem hac lege jussam videmus Labdacidarum perniciem (*ῥλοντ'*

ἀσεβείᾳ διανοίᾳ, 831). Etenim ex longo inde tempore domus eorum Furiis est obnoxia. Ter Apollo Laium monuerat, ne liberos gigneret, solaque hac lege integram urbi mansuram esse salutem praedixerat (749). Laius jussu parum obtemperans Oedipum genuit (750), qui patrem interfecit, matrem in matrimonium duxit (751—930), filios genuit sanguinolentos (755), quibus honorem paternum impie minuentibus (786) execratus est, gladio iis regnum esse partiendum, 783, 884, 892 cett. Quas minas Furias ratas facit 645, 709, 720, 791, 819, 832, 887, 976, 1055; auctore Apolline 801, 812; qui oraculi quod pronuntiavit curam gerit 842, cui deo sancto et puro domus illa, in qua nemo a piaculis integram se conservat, non potest non esse invisa, 691.

Itaque justissime res omnes a diis videmus compositas, vindictam tum de hostibus tum de Labdacidis sumtam, urbem servatam (795). Sed urbi etiam perniciem vaticinatus est Apollo, urbium enim sors pendet a facinoribus regum. Et nunc quidem incolumes evaserunt cives, cura vero illa, ne cum regibus haec quoque intereat (764), manet in animis mulierum Thebanarum, quia quae oraculo praedicuntur nunquam irrita manent (μέγιστα δ' ἀγὰρ πτόλιν θεόφατ' οὐκ ἀμβλύνεται 844). At urbi piaie quomodo justam justii dii perniciem possunt infligere? Quia ea est indoles humana, ut nunquam se integram conservet. Quamvis clarissimum nuperrime dii dederint exemplum, quomodo impietatem ulciscerentur, ne ipsi quidem Thebani victores aversantur impietatem: mortuo Polynici sepulcri honorem denegant, quamvis ipsae eorum mulieres intellexerunt, morte communi mistoque cruore fratrum inimitiam esse finitam (938), quamvis Polynicis causam jam

ad deorum jus referendam esse moneat Antigona (1047). Vides quam insigne imbecillitatis et stultitiae humanae exemplum in extrema tragoedia statuerit poeta. Quod ipse duobus locis significat: *τραχὺς γε μέντοι δῆμος ἐκφυγὼν κακὰ* 1044, et: *καὶ πόλις ἄλλως ἄλλοι' ἐπαινεῖ τὰ δίκαια*, 1071. Hac impietate jam ipsi cives Thebani ultionem divinam in sese provocant, Furiæ auctoritas non solum per domum Labdacidarum, sed per totam gentem pertinet: exspectamus urbis interitum. Itaque in extrema tragoedia diversas, quibus in fabula superi egerunt, rationes videmus conjunctas ad eundem tendere finem.

Quae cum ita sint, negari non potest, aptum trilogiae exitum praebere videri vel Epigonos, ubi ultio divina evenit, vel Eleusinos, ubi corporibus Theseo auctore sepulcro traditis scelus quodammodo expiatur, ut ultio saltem differatur. Comparatis vero tragoediis Euripidis, quem in universo harum fabularum nexu secutum esse Aeschylum admodum probabile est, verum videtur esse, quod statuit Welckerus, ultimum huius trilogiae drama versatum esse in fatis Antigoniae et Oedipi morte. Quod si recte arbitramur, putandum est, Aeschylum ita rem instituisse, ut Furiæ missa domo Labdacidarum et Oedipo Athenis expiato omnes jam minas contra Thebanos converterint, qui tum mortuos, tum Antigona, tum miserum senem Oedipum impie tractaverint, fabulam ipsam vero minus in his minis esse versatam, quam in exhibenda extrema vita Oedipi malisque eius pacatis, idque ut videtur, dum Eleusinia adiret mysteria. Tum sicut mediae tragoediae pars posterior pariter ac tragoedia ultima in fatis Labdacidarum versatur, ita pars prior pariter ac tragoedia prima in rebus bellicis, in rebus principum Argivorum. Pro hac enim

prima habendam esse Nemea, certo mihi videtur constare. Utramque fabulae partem in ipsa tragoedia, quae nobis servata est, videmus conciliatam, neque dubium est, quin interioribus cogitationum vinculis tota trilogia pariter ac nostra tragoedia fuerit conjuncta. Ratione admodum simili constitutam fuisse eam trilogiam, cuius medium drama erat Persae, infra demonstrabimus.

38.

Supplices.

Supplices tragoedia media posita erat inter Aegyptios et Danaides. Exhibetur in ea transitus Danaidum ab Aegypto in Graeciam, a moribus barbaris ad mores Graecos, a diis barbaris ad deos Graecos. In tota tragoedia sese avertunt puellae ab Epapho eiusque matre, a Nilo, a reliquis Aegyptiorum numinibus, non quidem ob contemptum, sed quia nova inveniunt et diviniora et patria patriae novae. In primo statim cantico chori hunc transitum clare cernimus, quem faciunt sub auspiciis Jovis, qui omnium est auctor, qui hic celebratur *Ζεὺς ἀφ' ἡρώων* v. 1. Salutant deos Argivorum indigenas cum urbe, terra, aqua, heroibus, Jove servatore, 24; eorumque opem implorant, 34. Deinde quasi revertentes invocant Io Isidem cum Epapho, deam illam, quae ipsa bene transitui prospicit, cum idem ipsa fecerit iter, regione quidem diversa, 41. Io est dea Aegyptiorum, quam aptissime ineunte tragoedia in memoriam revocat poeta, cum deorum Aegyptiorum auctoritatem in tragoedia Aegyptiis valuisse consentaneum sit. Finito hoc cantico propius jam acce-



dunt ad deos Graecos, invocant Jovem, Apollinem, Neptunum, Mercurium, aptissime quidem hos omnes, cum Apollo ipse exul fuerit (215), Neptunus in navigatione iis propitium se ostenderit, Mercurius peculiari suo munere quemvis transitum gubernet. Precantur hos deos, ut in animis Argivorum, quos appropinquantes cernunt, favorem erga se excitent, 189—223. Eundem ab aliis ad alios deos transitum vide in iis canticis, quae media sunt tragoediae, quorum in priore celebrant Ionem eiusque iter cum Nilo et Epapho 535—589, in posteriore numina Argivorum, a quibus jam sunt in civitatem receptae, Venerem, Martem, Dianam, Apollinem, Jovem fertilitatis providum, Musas, omnes deos indigenas 630—706. Eandem transitionem habes in rixa cum praecone advena, ubi post Nilum invocatum (880) adorant Argivorum Tellurem matrem eiusque filium Jovem, 890. Postquam denique rex deos Graecos barbaris numinibus opposuit (921, 922), diserte in fine fabulae Danaides puellae profitentur, se relictis numinibus Nili totas se dedere diis Argivis, qui circa Erasinum habitent, 1019—1030: invocantur Diana, Venus, Jupiter, 1031 sqq. Solorum jam auctoritas colitur deorum Graecorum, et quin iisdem solis in ultima tragoedia haec tributa sit, nemo dubitabit. A Jove vero omnis tum barbarorum tum Graecorum numinum repetitur potentia, (σὸν δ' ἐπίπαν ζυγὸν τάλαντον 822), quippe qui divinitate ornaverit Io et Epaphum, qui cum ipso sunt Danaidum dii gentilicii (θεοὶ γενέται 77).

Jovi confidunt Danaides, Jovis voluntatem in omnibus quae eveniunt, ratam fieri sciunt. Et in nulla fabula Aeschyli Jovis potentia et voluntas conciliatrix et salutaris tantopere celebratur, quam in nostra. Causa haec

est, quod quaecunque sibi contraria existunt, conciliata sunt in Jovis natura et voluntate. Jam tota haec quae Danaidum fata exhibet trilogia ita comparata est, ut si missum facimus illum a barbaris ad Graecos transitum, etiam ex ipsis diis Graecis fata illa moderentur duo numina sibi maxime contraria, quae tamen iis quae agunt unius Jovis voluntatem efficiunt, Minerva et Venus. Minerva Danaum eiusque filias adjuvat contra Aegyptiorum impetum, victis exilibus fugam designat easque Lindi sibi templum condere jubet. Huius igitur auctoritate sancitum est odium Danaidum adversus Aegyptios, et ab eadem haec dea cum Mercurio eas post caedem maritorum lustratas esse narrat Apollodorus, quod utrum ab Aeschilo dictum sit necne non dijudicabo, neque nostra interest cum id satis constet, bene hoc concinere cum cogitationibus Aeschyli. Novimus enim ex Orestea, id facinus jure lustrari, quo perfectum sit aliquid, quod jusserit Jupiter. Jovis voluntatem cognoscimus e Prom. 853—869. Demonstravi id agere Jovem ut filiis gignendis divinum procreet genus mortalium (§. 45). Cum vero Jupiter sit deus Graecus et Graecos diligat pariter ac poeta ipse, Graecis ea bona assignat, quae ex hac divina stirpe eventura sunt. Itaque opus est, ut Danaides transmittantur in Graeciam, id quod bello Danai cum Aegypto consiliisque Minervae efficitur. Jam vero opus est nuptiis et amore: itaque Veneris incipit negotium. Atqui excitatum est illud bellum et odium voluntate divina, quae parum facile exstinguitur, itaque reliquae Danaides maritos occidunt, sola Lynceum servat Hypermnestra, amore mollita (Pr. 865), et haec regium paritura est Argivorum genus, (Pr. 869), haec proavia Herculis (Pr. 871) et Persei. Huius a patre in

vincula conjectae causam agit Venus eamque liberare jubet, id quod satis patet e fragmentis tragoediae ultimae.

Mira arte haec omnia in Supplicibus significantur. Si loci illius, quem modo attuli, recordaberis, Jovem in rebus omnibus gubernare momentum trutinæ, intelliges, quomodo hoc in tota trilogia sit expressum. Cogita tibi in altera lance Minervæ auctoritatem, in altera auctoritatem Veneris, quarum illa res in Aegyptiis, hæc in Danaïdibus dirimit. Vidēs, quam egregie institutum sit, quod in dramate medio omnia repetuntur a Jovis auctoritate. Pertinet vero, ut par est, numinum illorum auctoritas etiam in Supplices, id quod summa aequalitate distributum est. In Supplicibus enim semel invocatur Minerva, idque ineunte tragoedia, ubi mentio fit eius templi (144): precantur Danaides, ut virgo virgines tueatur. Semel invocatur etiam Venus, idque in extrema tragoedia, ubi nonnullarum puellarum animus mollescit, 1035 (ubi quod ei opponitur numen Dianæ aptissime factum esse quisque judicabit, manet enim reliquarum animus atrox virisque inimicus). Praeterea in priore, eaque maiore, tragoediae parte revera solius vigere videmus Minervæ potentiam, quam cernimus in forti puellarum animo, quo mortem et miseriam malunt, quam nuptias, velut 392, 465. Contra versus finem fabulae sensus omnis quodammodo mollescit, praeconem excipiunt ingenti pavore, velut 738, 779, 825 cett., summamque Veneris potentiam ipse adumbrat Danaus, 1000—1005. Pollicentur puellae sese restituras esse cupidini, nisi quid novi placuerit diis, (εἴ τι μὴ θεοῖς βεβούλευται νέον, 1015). Sed hoc ipsum factum est in Hypermnestra.

Jupiter in omnibus adoratur chori canticis, saepius

etiam, quam in aliis tragoediis, maxime vero et splendiddissime in eo, quod in media positum est tragoedia. Jovis voluntatem his omnibus ratam fieri saepissime per totam tragoediam indicatum est, et primum quidem (v. 86—110) arae confidunt virgines, modo haec revera sit Jovi dicata (ἐὶ θεῖῃ Διὸς εὖ παναληθῶς, 85, ubi nihil mutandum): Jovis enim voluntatem non posse manere irritam, sed esse eventuram, quamvis caligine obscuratam (92), quamvis cum magna clade mortalium (88) per dolosam superbiae ultionem (140). Apertum est in his caedem Aegyptiadarum innui a poeta, nesciis ipsis, quantum valeat id quod dicunt, puellis. Quia quod e Jovis voluntate egerunt sibi consciae sunt, certissime sperant bonum eventum, τελευτὰς πρηνεμενεῖς (140), quia Jupiter nunquam genus suum obliturus sit (172, 531), quia etiam Inachi filiam Io per summa mala ad beatitatem perduxerit Jupiter (571, 599, 1065): confisae praeterea legibus eius supplicum tutoris 345—437. Bene vero hoc etiam aliae sentiunt Danaidum, Jovis voluntate juberi etiam nuptias cum filiis Aegypti: si hoc verum futurum sit, id modo agentes, ut in ipsis nuptiis sibi libertatem et potentiam a Jove precentur: Διὸς οὐ παρβατός ἐστιν μεγάλη φρὴν ἀπέρατος. Μετὰ πολλῶν δὲ γάμων ἄδε τελευτὰ προτερεῶν πέλοι γυναικῶν (1013, 1056, 1069—1074), quamquam cum aliae acerbissimo nuptiarum odio iis repugnent, ne id quidem contendere audent, se certo perspicere, quid constituturus sit Jupiter, 1058.

### 39.

#### Persae.

Cum hac duae, de quibus diximus, trilogiae conje-

etura sint compositae, Thebais admodum probabili, Danaïis certa: jam habemus trilogiam historico testimonio designatam, qua plerique putaverunt esse evictum, vel diversissima argumenta in trilogiis ab Aeschylo esse conjuncta. Nos quidem sententiam de hac re nec possumus nec volumus retinere, antequam vero de iis dicemus, quae nonnisi conjecturis construi possunt, ea exponemus, quae certa sunt et ex ea, quae nobis servata est, tragoedia clarissime patent.

Certa lege res humanas adornant superi, certa lege omnia distribuerunt. Ita Persarum populo dominatum Asiae totius (763) gloriamque bellicorum terra gerendorum assignavit Jupiter (θεόθεν κατά μοῖρ' ἐκράτησεν τὸ παλαιόν, ἐπέσκηψε δὲ Πέρσαις πολέμους πυργοδαίκτους διέπειν ἵππιόχαρας τε κλόνους πόλεων τ' ἀναστήσεις 101—107). Hanc gloriam reges Persarum affectaverunt, hac voluntate deorum favorem retinuerunt (772), ideoque incolumem a magis cladibus servaverunt potentiam (Λαρεῖος ἀβλαβῆς τῷ ἄρχῳ 555, 164, 652, 711, 855). Hac gloriae portione a superis concessa, hac μοῖρᾳ sua parum contentus fines sibi praescriptos excessit Xerxes, Persas trans mare duxit (65), navigationem docuit (108), omne imperii robur seseque ipsum ratibus commisit (112, 129, 552). Quae superbia, id quod sapientes Persae seniores praesagiunt (10, 414) efflorescens fert fructum perniciiei (821), quia Xerxes, maius aliquod affectans, genio, qui ei praesens erat, mutato magnam prosperitatem perdidit: Jupiter enim superbos hominum animos castigat et coercet (825—828, 251). Dii, et prae ceteris Neptunus, quos superare voluit vincto Bosphoro (750), eum in cladem trudent, (742), antea ei amice blandientes, sed hoc ipso artificio eum decipientes et per-

dentes (93—100), navalem victoriam ei invidentes (362), navium clade maximam pedestribus copiis cladem inferentes (279, 552, 680, 728). Etenim id quod fieri solet in iis, qui secus faciunt atque quae jubent dii, magnum impietatis crimen commiserunt Persae templa et aras deorum vastantes (809). De his dii sumunt vindictam (808), servant urbem Palladis (347), quippe cui, ut reliquis Ionibus mare et classem assignaverint (949, 1011), vetustas oraculorum minas Xerxe regnante ratas faciunt (740), mari superatos jam etiam gloria bellorum terrestrium privant, Doriensium hastae victoriam Plataeensem assignant (817), ita ut penitus concutiat Persarum imperium (585, 594) et intereat domini regis maiestas (588, 590). Ipse pristinus rex Darius, quem nonnisi adoratione salutant Persae senes, (157, 644, 694, idque non quia ab inferis progreditur, sed ἀρχαίῳ περὶ τάρβει 696, 703) haec omnia enuntiat, juvenilem filii superbiam castigat (782), regem nulli iudicio obnoxium (213) monens de Jove ipsius ut omnium iudice gravique vindice, senesque illos, cives regi subjectos, regem castigare et docere jubet (829—831), id quod revera faciunt simulac Xerxes advenit, nulla amplius religione coerciti (918, 929, 955, 972 cett.)

In his omnia sunt expedita, modo de oraculis quaerendum est. Simplicissimum erit, hoc statuere, his oraculis pronuntiatam esse ipsam illam divinam terrae marisque distributionem, ut Asia cum bellorum terrestrium gloria Persis, mare Graecis assignatum sit, quam legem si quis Persarum rex laesurus sit, Bosporum clausurus, copias traducturus, mansura sit illum clades haec, qua omnis bellica gloria terra marique sit interitura. Talia oracula quae circumferebant Graeci, ex Herod. VII, 6; IX, 43,



45 attulit Müllerus (Eph. Gott. 1827, 68); monens, esse probabile, pronuntiavisse haec Phineum vatem in prima trilogiae fabula. Omnia eum directo praedixisse, non est consentaneum, quia neque ita loqui solent oracula vetusta, neque his Aeschylum pugnam Plataeensem descripsisse credibile est. Quid igitur dixit? Vide quid actum sit in Phineo. Advenerunt Argonautae, Boreadae regem ab Harpyiis liberaverunt, qui gratus navigationem iis designavit. Habes igitur fata primae Graecorum navigationis eiusque clarissimae exhibita: et verisimillimum est, id ipsum professum esse Phineum, Graecis a diis tributam esse summam artem navigandi, summam potentiam et gloriam per naves, per navigationem adipiscendam.

Sed hanc non solam in Persis tragoedia habemus exhibitam, non magis eam, quam victorias terra reportatas, tum in Psyttalea insula, tum ad Plataeas, quam utramque praeparavit victoria marina. Vides jam egregie cum hac terrestri victoria concinere narrationem victoriae Himerensis, quam Welckerus in ultima tragoedia exhibitam fuisse summo acumine conjecit <sup>292</sup>). Ratio comparatae trilogiae similis est eius, quam in Thebaide invenimus, ubi in media fabula ea sunt conjuncta, quae separata primae et ultimae sunt principalia. Vides etiam quam apte deo marino hanc narrationem trihuerit poeta, cum in mari summam Graecorum gloriam versari e prioribus dramatis cognoverimus. Si quis erit, qui dubitet, num contra li-

---

292) Glaucum, cuius forma ex humana et pisci erat composita, introduci in tragoedia non magnopere mirabitur, qui meminerit Ius cornigeræ in Prometheo.



brorum auctoritatem restituendus sit Glaucus marinus pro Potniensi, reputet is, quantum hac mutatione lucremur, reputet is, in omnibus reliquis tetralogiae dramatis adesse vatem, Phineum, Darium, Prometheum, e quorum societate non tam facile expelles quantum vatem, Glaucum marinum. Misso jam dramate satyrico consideremus hos vates eorumque vaticinationem. Nonne mirum est, quod in quavis fabula ex uno trium illorum regnorum, in quae mundus est divisus, vates unus procedit? Darius e terra, ab inferis, huius favorem Graecis annuntians cum in omnibus, quae loquitur, tum v. 792, Glaucus e mari, maris marinorumque deorum benevolentiam ostendens. Phineus quidem est homo, sed Phineus propterea oracula proficitur, quia Harpyiae a Boreadis sunt devictae, qui utriusque pertinent ad regnum aeris, ut etiam in hoc omnia ita comparata esse appareat, ut prosper inde Graecis contingat eventus. Ne omittamus drama satyricum quod versatur in igni et in Prometheo. Ridiculum est, cogitare de quatuor elementis, quae neque statuebat Aeschylus, neque eorum numinibus gubernatam describere poterat tetralogiam. Sed tria illa regna saepius commemorat, ut quae maxime in oculos cadant ideoque facile a poeta percipiantur et distinguantur (cf. §. 4 et §. 14). Quod his in dramate satyrico addidit ignem: id inde repetendum est, quod ignis vitae et artibus humanis est maxime necessarius. Idem vero ignis Athenas vastaverat, et tamen dii urbem ἀπόρρητον statuerunt (P. 348): itaque hoc ipsum a Prometheo in hoc dramate praedictum esse existimo, splendidiorem e flammis et incendio <sup>293)</sup> urbem esse evasuram.

---

293) Huc optime referes fr. 176 ubi Satyro perniciosam vim flammarum describit Prometheus.

Praeterea fortasse sacrum in prytaneo Athenarum ignem accendit ludisque in quibus faces cursu portabantur futuram Graecorum et imprimis Atheniensium celebravit victoriam. (Welck. Tril. p. 507.)

40.

### Psychostasia.

Cum his trilogiis si alias comparaverimus, de earum etiam institutione probabilia effici poterunt. Sed ab his abstinco, ne incerta proferam, unam tantum monens videri fuisse simillimam trilogiae Danaïdum. Cum Psychostasia optime conjunguntur tam Jaculatrices tum fabula qua Achillis mors (fr. 264, quod e Psychostasia desumptum esse non potest, cf. Welck. Tril. p. 437) erat exhibitae. Vide jam, quatenam in hac trilogia numina egisse videantur. In Psychostasia introducebantur Aurora et Thetis, quarum utraque Jovem precatur, ut filium servet (fr. 263). Aurora dicebatur Cissia, Cissiae dicuntur Amazones ex oriente profectae (Ch. 423) in Amazonum rebus versabatur tragoedia Jaculatrices, in hac igitur Auroram esse invocata verisimillimum est. Contra in ultima tragoedia agit Achilles, cuius matrem, reginam illam Nereidum (Arm. judic. 165), carminibus imploratam esse facile concedes. Sed neque Aurora neque Thetis est ex eorum numero numinum, quibus pars quaedam summae, quae Jovis est, potentiae conceditur. Itaque neque Aurorae Amazones, neque Thetidi Achillem servare licet. Utriusque fata adornat Jupiter, qui idem in media tragoedia dearum litem dirimit. Utrique deae in hac conceditur aliquid honoris, Aurorae, ut Memnonem abducat

in insulas beatorum <sup>294)</sup>, Thetidi, ut in hac pugna filius vincat. Jovis jussu, quo Achilli mors decernebatur, effecit Apollo in fabula ultima, illud vero, quod in dramate primo Amazonum stragem adduxit, mandatum fuisse videtur Dianae, quae etiam apud Homerum (Od. V, 123) Aurorae adversata Orionem interficit, quam in Jaculatricibus partes egisse verisimillimum est, tum propter eam rationem, quam p. 94 indicavi, tum quia e fragmento patet, Actaeonis res ibi esse narratas. Et sicut Actaeonem, cui venatori favebat, perdidit irata, ita etiam Amazones nescio quonam modo offensa privavisse videtur antiqua, qua iis prospiciebat, tutela, Jovisque jussu adjuvisse Achillem in caede Penthesileae, cui postea mulieri pulcherrimae Martisque fratris filiae vitam concesserit beatam e doctrina mystica, ut omnibus, qui in huius tragoediae trilogiis partes agunt principales, Penthesileae, Memnoni et Achilli (cf. p. 62 et Arctin. Aethiopid. l. III et V in Procli Chrestom.), qui omnes sunt divinae originis, vita divina post mortem contigerit.

---

294) Cf. p. 62. Welck. Tril. 432.

Corrigenda.

---

- Pag. 9. l. 10. scr. reddant.  
p. 28. §. 4. l. 2. adde: Ag. 555—562.  
p. 33. l. 11. scr. rebellant.  
p. 37. l. 17. scr. accepisse.  
p. 42. l. 13. scr. §. 31.  
p. 51. l. 23. post *Βρότειον* dele punctum.  
p. 61. l. 21. *ἀντήλιοι*.  
p. 64. l. 1. adde: S. 776.  
p. 91. l. 17. scr. dictos.  
p. 95. l. 4. *ιερόν*.  
p. 139. commuta l. 18. cum l. 19.
- 

- not. 5. adde: ex Hes. Opp. 765.  
not. 17. scr. *βία*.  
not. 35. scr. *πραπίδεσσιν*.  
not. 36. dele punctum post liberandos.  
not. 56. l. 6. Eurip. fr. pro Soph. fr. inc. 3.  
not. 61. fin. adde: Eum. 1028.  
not. 70. adde: Theogn. 702—712.  
not. 189. scr. conferas.  
not. 279. scr. simile.
-

---

**TYPIS**  
**C. F. THORMANNL**

---









